

Ammasumik ataatsimiinnermi oqaluuserisassat:

- Imm. 01** **Oqaluuserisassat akuersissutigineri**
- Imm. 02** **Aningaasaqarnermut tunngasut
Maniitsumi Sisimiunilu bagvagtumut immikkut aningaasaliissuteqartoqarnissaa
pillugu qinnuteqaat**
- Imm. 03** **Ilassutitut aningaasaliissutinik 2020-mut ukiunullu tullinut Maniitsumi
angerlarsimaffimmi paarsisaartunik 2-nik pilersitsinissamut atugassanik**
- Imm. 04** ***Sisimiuni Ilaqutariinnik Kiffartuussiviup eqqartarnissaanut
suliariumannittussarsiuussineq – immikkut aningaasaliineq Matoqqasumut
nuuppoq***
- Imm. 05** **Qeqqata Kommuniani Qarasaasiaqarnikkut aaqqiissutinik atuutilersitsineq**
- Imm. 06** **Suliassat nalinginnaasut
Islandimiit model atulersinneqarnissaa pillugu suleqatigiinneq**
- Imm. 07** ***Ajornartoornermi nukissiorfimmik imeqarfinni pilersitsisariaqarneq***
- Imm. 08** **Ataatsimiititaliamut Ilaqutariinnermullu immikkoortortamut taaguutissatut
siunnersuuteqartitsinissamik unammisitsinermi aalajangiineq, Qeqqata
kommunia**
- Imm. 09** **Kalaallit Nunaanni erngup nukinga atorlugu nukissiuuteqarfinnik
pingaarnersiuneq pillugu Naalakkersuisunut saaffiginnissut pillugu
innersuussut**
- Imm. 10** **Naalakkersuisunut aamma aalisarnermut inuussutissaleriffimmut suliniutit
avatangiisitigut siuarsaataasinnaasut pillugit saaffiginnissut pillugu
innersuussut**
- Imm. 11** **Oqaluuserisassatut siunnersuut - Kommunalbestyrelsemi ilaasortat
qinigaaffiup tullianiit ikilineqarnissaat**
- Imm. 12** **Island-imut isumassarsiorluni angalaneq, ingerlariaqqinneq**
- Imm. 13** **KNQK-p ataani ataatsimiititaliamut inuussutissarsiornermi
ataatsimiititaliamut ilaasortamik sinniisussamillu toqqaaneq *sendt til otm 10.02***
- Imm. 14** **Qeqqata Kommuniata Innarluutilinnut politikianut siunnersuut**
- Imm. 15** **Inaarutaasumik akuerinninneq - 2021-imut Aningaasanut inatsisissamut
Siunnersuummut sanaartornermut kissaanik pissarsiniarneq**

- Imm. 16** Oqaluuserisassatut siunnersuut - Maniitsumi Turistkonsulent-eqalernissaq –
suliap ingerlaqqinnera
- Imm. 17** Paasissutissiissutit
Borgmesterip aalajangiinera - Kommunalbestyrelsimi qinikkatut
suleqqilernissamik qinnuteqaat – Erik Jensen
- Imm. 18** Ataatsimiititaliamut ilaasortassanik sinniisussanillu nutaanik qinersineq –
Siumut
- Imm. 19** Islandimiit modelip atuutilersinneqarnissaanut suleqatigiit suliaqarnerat
pillugu paasissutissiineq
- Imm. 20** "Inuunerinneq – inuuneq tamaat" pillugu paasissutissiineq
- Imm. 21** Borgmesterip aalajangiinera - Suliniutip 'Kikkut tamarmik
tunniussaqaarsinnaapput' ataani aningaasaliissutaasunik 2019-imit 2020-mut
nuutsineq
- Imm. 22** Borgmesterip aalajangiinera - Suliniutip 'Inuunerinneq – Inuuneq tamaat'
ataani aningaasaliissutaasunik 2019-imit 2020-mut nuutsineq
- Imm. 23** Sisimiuni Maniitsumilu Ilaqutariinnermut immikkoortortanut tunngatillugu
Kalaallit Nunaanni Ombudsmandimit 2019-mi saaffiginnissutit pillugit
paasissutissiineq
- Imm. 24** Nunap immikkoortuani nakorsaanerup angerlarsimaffeqanngitsut pillugit
saaffiginnissutaa pillugu paasissutissiissut, Sisimiut
- Imm. 25** Iluarsartuussinermut, pitsanngorsaanerumut alliliinermulluunniit inatsit nutaaq
2020-mi januaarip aallaqqaataaneersoq pillugu paasissutissiissut
- Imm. 26** Angerlarsimaffeqanngitsunut angerlarsimaffugallartoq ornittagarlu
- Imm. 27** Siulittaasut nalunaarutaat
- Imm. 28** Tamalaat

***Kommunalbestyrelsis februarip 27-ani 2020-imi ileqquusumik ataatsimiinnerata 01/2020
imaqarniliornera***

Ataatsimiinneq videokonference atorlugu ingerlanneqassaaq aallartissallunilu 27. februar 2020 nal.
08.30

Peqataasut:

Atassut

Emilie Olsen
Siverth K. Heilmann, *ingerlavoq imm. 11 naammassimmat*
Anna Karen Hoffmann

Inuit Ataqatigiit

Sofie Dorthe R. Olsen
Juliane Enoksen
Axel Lund Olsen

Siumut

Malik Berthelsen
Evelyn Frederiksen
Ruth Heilmann
Gideon Lyberth
Frederik Olsen
Jakob Olsen
Henrik Fleischer
Erik Jensen

Nalunaaqqarlutik peqataannngitsut

Hans Frederik Olsen

Imm. 01 Oqaluuserisassat akuersissutigineri

Aalajangiineq

Evelyn Frederiksen kissaatigivaa oqaluuserisassanngortitani ilanngunneqanngitsoq ilanngutequllugu angerlarsimaffeqanngitsunut tunngasoq. Apeqquteqarniarpoq utoqqaat angerlarsimaffianut tunngasumik, namminerisamik illuutilinnut tunngasoq, qeqqata kommuniani pitsaaliuinnermut tunngasoq aammalu utoqqarnik nivatitsisarneq. Angerlarsimaffeqanngitsut pillugit oqaluuserisassanngortitaa ilanngunneqassaaq imm. 26-tut.

Anna Karen Hoffmann inunnik isumaginnittumik Kangerlussuarmi atorfinitsitsinissamut tunngasoq sooq ilaatinneqannginnersoq nassuiaqquvaa.

Ruth Heilmann-ip kissaatigivaa illoqarfinnik ikinnguteqarnermut tunngasoq.

Emilie Olsen qarasaasiatigut ataatsimiissutissanillu kinguaattoortarneri neriuppoq iluarsineqarumaartut.

Siverth K. Heilmann nal. 11.00 peqataajunnaassalluni ilisimatitsissutigivaa.

Borgmesteri ilisimatitsivoq Imm. 12 aamma Imm. 19 ataatsikkut oqaluuserineqassasut. Imm. 07 ajornartoornermi nukissiorfinnut tunngasoq ulapungaarsimanermit ataatsimiititaliap suliarissavaa, Imm. 04 matoqqasunut nuunneqassaaq.

Oqaluuserisassat akuersissutigineqarput.

Imm. 02 Maniitsumi Sisimiunilu bagvagtimit immikkut aningaasaliissuteqartoqarnissaa pillugu qinnuteqaat

Journalnr.: 42.00

Tunuliaqutaq

Nalinginnaasumik ulluinnarni sulereernerup kingorna sapaatillu akunnerisa naanerini isumaginninnikkut pigaartumut bagvagtimullu vagtiunissamut pilersaarummik Qeqqata Kommuniiani Ilaqutariinnermut immikkoortortami Meeqqanut Ilaqutariinnullu immikkoortumi aqqissuussaqqarpoq.

Isumaginninnikkut pigaartumut taamaallaat sapaatit akunnerisa naanerini bagvagteqartarpoq. Sapaatit akunnerisa naanerattulli ataasinngornermiit tallimanngornermut bagvagtimit pisariaqartitsisoqartorujussuusoq paasinarsimmat, sapaatip akunnera tamakkerlugu bagvagteqartalerniassamat, ataasinngornermiit tallimanngornermut isumaginninnikkut vagtimut bagvagtimit ukiumut 266.240,00 koruuninik immikkut aningaasaliissuteqartoqarnissaa pillugu qinnuteqartoqarpoq.

Maniitsumut Sisimiunullu ukiumut katillugit 266.240,00 koruuninik aningaasartuutaanerussaaq, aammalu 2020-mi martsimiit decembarimut aningaasat 220.160,00 koruuninik annertussuseqassapput.

Taamatullu aamma immikkut qinnuteqaatigineqarlutik missingersuutit ukiunut 2021-2023 266.240,00 koruuninik annertussuseqartunik.

Maleruagassatigut tunngavigisaq

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq § 15 aamma § 16, Nalinginnaasumik nalunaaruteqartussaataaneq.

§ 15. Meeqqap ingerlalluarneranik, peqqissusianik ineriartorneranilluunniit navianartorsioritsisumik meeqqap inuunermi atugaqarneranik innuttaasoq kinaluunniit ilisimasaqaleruni kommunalbestyrelsimut nalunaaruteqarnissamik pisussaaffeqarpoq.

Imm. 2. Sapaatip akunnera qaangiutsinnagu nalunaarutiginninneq tiguneqarpat kommunalbestyrelse innuttaasumut allakkatigut ilisimatitsissaaq nalunaarutiginninneq tigusimallugu.

Nalunaaruteqarnissamut pisussaaffik sakkortunerusoq.

§ 16. Innuttaasoq kinaluunniit isumaginnittoqarfimmi, atuarfeqarfimmi peqqinnissaqarfimmiluunniit kiisalu ulluunerani paaqqinnittarfinni sulisunut sulinerminut atatillugu Inatsisartut Inatsisaat una malillugu meeqqamik ikiorserneqarnissamik pisariaqartitsisumik ilisimasaqaleruni, kommunalbestyrelsimut ingerlaannartumik nalunaaruteqarnissaminut sakkortunerusumik pisussaaffeqarpoq. Taamatuttaaq nalunaaruteqartussaataanermit pisussaaffik innuttaasunik qinikkanik imaluunniit inuiaqatigiinnik sullissinermik tunngaveqartumik suliaqartunut atuuppoq.

Imm. 2. Aammattaaq imm. 1 malillugu nalunaaruteqartussaataaneq aammattaaq atuuppoq sulisoq paasisaqarpat pasitsaassaqqarpalluunniit angajoqqaanngortussat immikkut ikiorserneqarnissamik pisariaqartitsisut, tak. § 26.

Imm. 3. Sapaatip akunnera qaangiutsinnagu nalunaarutiginninneq tiguneqarpat kommunalbestyrelse sulisumut nalunaarutiginnittumut allakkatigut ilisimatitsissaaq nalunaarutiginninneq tigusimallugu.

**Kommunalbestyrelsis februarip 27-ani 2020-imi ileqquusumik ataatsimiinnerata 01/2020
imaqarniliornera**

Pissutsit atuuttut

Meeqqat inuusuttullu eqqarsaatigalugit Qeqqata Kommuniani Ilaqtariinnermut immikkoortortami ulluinnarni nalinginnaasumik sulinerup kingorna kiisalu sapaatit akunnerisa naanerini isumaginninnikkut vagteqartarpoq, taakkulu saniatigut sapaatit akunnerisa naanerini tallimangornermiit ataasinngornermi ullaanngornissaata tungaanut bagvagteqartarluni.

Qeqqata Kommunian piffissami sivisuumi ulluinnarni isumaginninnikkut vagtimut bagvagteqarnikuunngilaq. Meeqqanut inuusuttunullu tunngatillugu iliuseqartariaqarnermut pisariaqartitsisoqartillugu, isumaginninnikkut vagti kisimiilluni aalajangiisinnaanngitsillugu, Maniitsumi Sisimiunilu isumaginninnikkut vagtiusut immikkoortuni aqutsisunut ulluinnarni attaveqartariaqartarsimapput. Tamatuma malitsigivaa, Meeqqanut Ilaqtariinnullu immikkoortuni immikkoortumi aqutsisut ulluinnarni sulinerup nalaani pissarsiarineqarsinnaasariaqarnerat, aammalu immikkoortumi aqutsisut pissarsiassaangippata, pisortap tullersortii ilaqtariinnermulluunniit pisortat attaveqarfigineqartariaqarput.

Maannakkut isumaginninnikkut vagtiusumut saaffiginnittartut amerlammata ullut tamaasa bagvagteqarnissamut pisariaqartitsisoqarpoq, aammalu sapaatip akunnerata naanerineraa ulluinnansorluunniit apeqputaatinnagu inissiinissanut pisariaqartitsisoqartarmat, Ilaqtariinnermut immikkoortortami immikkoortuni aqutsisut paarlakaallutik isumaginninnermut vagtimut bagvagtiusarput.

Ilutigitillugu paasissutissiissutigineqassaaq, ukiut kingulliit ingerlanerani meeqqanut ernumassutsit qaffariaateqarnikuupput, aammalu isumaginninnermut vagtip ataani nalunaarutiginninnerit amerlanertigut, suliffiup nalaani suliareqqinneqartussaapput.

Atuilluartuunissakkut kingunerisinnaasai

Soraareernerup kingorna meeqqanut inuusuttunullu tunngatillugu iliuseqartoqassatillugu, pisuni isumaginninnikkut vagtiusup bagvagti sapaatip akunnerisa ulluini tamani attaveqarsinnaanera atuilluarteruvoq.

Aningaasaqarnikkut allaffissornikkullu kingunerisinaasai

Ataasinngornermiit tallimangornermut isumaginninnikkut vagtimut bagvagteqartalernissaa pillugu qinnuteqartoqarpoq, tassanilu 2020-mi martsip aallaqqaataaniit decembarip 31-ata tungaanut aningaasartuutaanerusussaq katillugit 220.160,00 koruuninik annertussuseqassalluni aammalu Maniitsumut Sisimiunullu ukiut tamaasa 266.240,00 koruuninik annertussuseqassalluni.

Ataasinngornermiit tallimangornermut bagvagtimut sapaatip akunneranut akunnernik 128-nik ilasinissaq pisariaqartinneqarpoq.

	Piffissaq	Sapaatip akunneranut akunnerit amerlassusaat	Ukiuumut akunnerit suliffiit	Piffissamut 01/03.-31-12/2020 aningaasartuutissat	Ukiuumut immikkut aningaasartuutit	Aningaasartuutit Ukiuumut katillugit 2021-2023
Maannakkut bagvagtiusumut tallimangorneq - ataasinngorneq	16:00 – 08:00	128	6.656			266.240,00
Bagvagtimut kissaatigisaq	16:00 – 08:00	128	6.656	220.160,00	266.240,00	

**Kommunalbestyrelsip februarip 27-ani 2020-imi ileqquusumik ataatsimiinnerata 01/2020
imaqarniliornera**

ataasinngorneq-tallimannorneq					
Piffissami uaniit bagvagteqassappat Ataasinngorneq – Ataasinngorneq	16:00 – 08:00	256	13.312		532.480,00

Atuiffik	Atuiffiup taaguutaa	Missingersuutit (1000)	Atuineq (1000)	Sinneri (1000)	Atuineq %-inngorlugit
Maniitsoq: 552010000-1601010000-122010102-010570	Qaammammusiat-kingumoortut	ERP-mi Kisitsisit peerneqarsinnaannginnamik massakkorpiaq			
Sisimiut: 551010000-1601010000-122010102-010580	Qaammammusiat - kingumoortut	ERP-mi Kisitsisit peerneqarsinnaannginnamik massakkorpiaq			

Allaffeqarfiup naliliinera

Maniitsumi Sisimiunilu Ilaqutariinnermut immikkoortortaq naliliivoq, sapaatip akunnerani ulluni arfineq-marluusuni tamani isumaginninnermi vagtimut bagvagtimik peqartuuppat, isumaginninnikkut vagtimut toqqissisimanermik annertuumik pilersitsissasoq, suliffiup avataani vagtiunermi nalunaarutiginninnerit tiguneqartut pinartumik suliarineqartartussaammata, kiisalu sapaatit akunnerisa naaneriinnaani pineq ajortuusunik meeqqanik inuusuttunillu inissiinerni isumaginninnikkut vagtiusoq kisimiissanani.

Allaffeqarfiup innersuussutaa

Sisimiuni Maniitsumilu Ilaqutariinnermut immikkoortortap Atugarissaarnermut ataatsimiititaliamut innersuussutigaa,

- Ataasinngornermi ualikkumiit tallimannornikkut ullaakkumut isumaginninnikkut vagtimut bagvagtimut piffissamut 01/03-31/12/2020-mut 220.160,00 koruuninik kiisalu missingersuut ukiullu 2021-2023 immikkut aningaasaliisoqarnissaa pillugu qinnuteqaat pillugu paasissutissiissut tusaatissatut tiguneqassasoq
- Ataasinngornermi ualikkumiit tallimannornikkut ullaakkumut isumaginninnikkut vagtimut bagvagtimut piffissamut 01/03-31/12/220-mut kiisalu missingersuut ukiunullu 2021-2023 220.160,00 koruuninik immikkut aningaasaliissuteqartoqarnissaa pillugu qinnuteqqaammik suliaq Aningaasaqarnermut ataatsimiititaliamit akuerisassanngorlugu ingerlateqqinneqassasoq
- Tamatuma kingorna ataasinngornermi ualikkumiit tallimannornikkut ullaakkumut isumaginninnikkut vagtimut bagvagtimut piffissamut 01/03-31/12/2020-mut kiisalu missingersuut ukiunullu 2021-2023 220.160,00 koruuninik immikkut

***Kommunalbestyrelsip februarip 27-ani 2020-imi ileqquusumik ataatsimiinnerata 01/2020
imaqarniliornera***

aningsaliissuteqartoqarnissaa pillugu qinnuteqaat kommunalbestyrelsimit akuerisassanngorlugu ingerlateqqinneqassasoq

Atugarissaarnermut ataatsimiitsitaliap suliamik suliarinninnera

Ataatsimiititaliap ulloq 15. januar 2020 ataatsimiinnermini innersuussutit akuersissutigivai. Suliarlu Aningaasaqarnermut ataatsimiititaliamut aamma Kommunalbestyrelsimut akuerisassanngorlugu ingerlateqqinneqassalluni.

Innersuussut

Atugarissaarnermut ataatsimiitsitaliap Aningaasaqarnermut ataatsimiititaliamut innersuussutigivaa akuereqqullugu,

- ataasinngornermi ualikkumiit tallimannngornermi ullaannngornissaanut isumaginninnikkut pigaartumut bagvagtimut piffissamut 01.03 - 31.12.2020-mut 220.160,00 koruuninik immikkut aningaasaliissutit akuersissutigineqassasut, aammalu

-ukiunut missiliuteqarfiusunut 2021 - 2023-mut 266.240,00 koruuninik ilassutitut aningaasaliisoqarnissaa pillugu qinnuteqaat akuersissutigineqassasoq

Aningaasaqarnermut ataatsimiititaliap suliamik suliarinninnera

Ataatsimiititaliap 18. Februar 2020 ataatsimiinnermini innersuussutit akuersissutigivaa suliarlu Kommunalbestyrelsimut ingerlateqqinneqarpoq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- ataasinngornermi ualikkumiit tallimannngornermi ullaannngornissaanut isumaginninnikkut pigaartumut bagvagtimut piffissamut 01.03 - 31.12.2020-mut 220.160,00 koruuninik immikkut aningaasaliissutit akuersissutigineqassasut, aammalu

-ukiunut missiliuteqarfiusunut 2021 - 2023-mut 266.240,00 koruuninik ilassutitut aningaasaliisoqarnissaa pillugu qinnuteqaat akuersissutigineqassasoq

Aalajangiineq

Innersuussutigineqartut akuersissutigineqarput.

Ilanngussat

1. Isumaginninnikkut vagtip ilisimasassai malitassaalu
2. Allakkiaq – bagvagi – Maniitsoq
3. Allakkiaq – bagvagi – Sisimiut

**Imm. 03 Ilasutitut aningaasaliissutinik 2020-mut ukiunullu tulliinut Maniitsumi
angerlarsimaffimmi paarsisaartunik 2-nik pilersitsinissamut atugassanik**

Journalnr. 06.02.01

Tunuliaqutaq

Ukioq 2015 Maniitsumi meeqqeriveqarnikut aaqquissuusaaneq allannortiteriffigineqarpoq, paasinarsimmat illoqarfimmi meerartaasut ikilisimasut allaat meeqqerivinni meeqqat inissaat atorneqanngitsut amerlavallaalerlutik. Meeqqerivik Angaju Sunngiffimmi ornittaganngorpoq aamma meeqqerivik Aanikasik Atualertussalerivinngorluni. Pissutsit ullumikkut allanngorput inissivissaaleqineq atuuppoq meeqqat inissaqartinneqanngimmata nutaanik inissaqartitsivigineqarnissaat nukinginnarsilluni. Ajornartorsiut anigorneqarnissaanut periarfissaqarpoq, ilutigalugu inissaqartitsinermik qulakkeerinissamut oqilisaataasussamik.

Maleruagassatigut tunngavissat

Meeqqanut sulii atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. dec. 2012-imeersoq.

Angerlarsimaffimmi paarsisarneq pillugu: Kap. 4, §23 - §24 - §25 aamma §26.

Utaqqisut allattorsimaffiat pillugu: Kap. 2.

Namminersorlutik Oqartussat nalunaaruaat nr. 65 af 29. december 1994 kommunimi angerlarsimaffimmi paarsisartut pillugit nalunaarut.

Pissutsit atuuttut

Maniitsumi ullumikkut meeqqeriviit pingasut imaapput, akulerissitsiviusut 2-jupput ukuusut Kuunnguaq 80-nik inissaqartitsisoq agguarneqarlutik init meeraaqqeriviit 5 x 12 inuttaqarlutik inilu 1 x 20-nik anginernik meerartartoq aamma Paarsi 3-nik initaqqartoq: init 2 x 12 meeraaqqeriviusut anginernullu ini 1 x 20-nik meerartaqqartoq. Saniatigullu atualertussalerivik Aanikasik init 2 x 13 meerartaqqartoq aamma init 2 x 14 meerartaqqarluni. Meeqqanut inissat tamarmik katillugit 178. Ullumikkut meeqqanut inissat tamakkeqqanerisa qaavatigut 6-nik qaangeqqallutik tassa katillugit iseqqasut 184-iupput. Naak perorsaatut atorfilinnik amigaateqarneq atuukkaluartoq, perorsaatut pisariaqartinnerat misinnartaqaaq, meeqqat immikkut nakkutigisassat, isumassugassat iliuuseqarnissamillu pilersarusiorfigisassaasut eqqarsaatigalugit. Taamaattumik illoqarfik eqqaaniittullu, Maniitsumi najugaq qimannagu perorsaanunik ilinniartitsineq, Maniitsumi ingerlanneqarnissaat pingaartuuvoq, Maniitsumi eqqaanilu perorsaanikkut ineriartortitsineq kivinneqartariaqarmat.

Maniitsumi Majoriaq SPS immikkoortortaqarfianut atasooq atuuppoq, tassunga Socialhjælper-inngoriarlutik ilinniartut atuariartarput, atuaqatigiinnik nutaanik pilersitsisoqaraangat ukioq allortarlugu pisartoq, atuarfigisarlugi august-december aamma februar-juni. Uteqattaartumik ajornartorsiut pilersarpoq, soorlu ullumikkut, inissanik ajornartorsiuteqartoq, tassami utaqqisunik pingaarnersiunerimi malitassaq Kommunalbestyrelsemit immikkoortukkuutaanik aaliangersimasunik innersuussuteqarmat, allanit tikittut aamma ilinniartut meeraat inissamik qulakkeeriniffigineqassasut taamaasillutik salliutinneqartussaallutik. Socialhjælperinngorniat atuariartortussat ulluni makkunani meeqqatik, Maniitsumi meeqqerivimmuut isernissaannut allatsillattaalereerpaat, taamaalilluni utaqqisut allattorsimaffiat takinerulerpoq ilutigalugu, anaanat meerartaarnikut erninermut atatillugu sulinnigiffeqarnertik naammassisoq suliffimminnut suliaartorsinnaanngikkallarput utaqqisutut allatsissimasut amerlanerat

**Kommunalbestyrelsen februarip 27-ani 2020-imi ileqquusumik ataatsimiinnerata 01/2020
imaqarniliornera**

pissutaalluni. Taakkulu utaqqineq qatsuppaat akulikitsunik allaffiliartalerlutik meerartik inissarsiaassasoralugu.

Meeqqat utaqqisunut allatsinneqartarput angajoqqaaminnit, ilaatigut meeqqerivik aalianegrsimasumik allallu meeqqeriviit arlaat toqqartarpaat, ullumikkut allatsissimasut katillugit 37-iupput meeqqat, arlallit suli erninerup kingorna sulinngiffeqarallarput. Ataani immersugaq takussutissiivoq meeqqat iserfissaattut piffissaq piareerfissaat, taamaalillutik utaqqisut takuneqarsinnaallutik. Januar takuneqarsinnaavoq utaqqisut amerlanerusut, ilinniartut SPS atuariarlutik Majoriamukartussat meerartatik allatsinnikuugamikkik.

Ataani kipparissumi takutinneqarput, meeqqat utaqqisut piffissaq iseriaannaaffiatut nalunaarsorneqartoq.

Utaqqisut ullumikkut:

Venteliste 2020	Januar	Februar	Marts	April	Maj	Juni	Juli
Vuggestue	12	7	4	3	2	4	2
Børnehave	1	0	0	0	0	0	0
Ledige pladser	0	0	0	0	0	0	0
I alt	13	7	4	3	2	4	2

Atuilluartuunissakkut kingunerisinnaasai

Qeqqata Kommuniani politikikkut isumaqatigiissummi allaqqavoq suleqatigiit pingaartikkaat, peqqinnartumik peqqissuullutillu meeqqat tamarmik meeqqerivinni inissaqartinneqassasut. Atuilluartuuneruvoq meeqqat toqqissisimanartumik sinaakkuteqartinneqartut, toqqissisimanartumik atugaqartinneqartut meeqqat angajoqqaavilu toqqissisimasuusarput. Taamatullu atuilluartuuneruvoq anaanat ernereernerup kingorna sulinngiffeqarneq naammassigaangat, pisarnertut suliffimminnut sulileersinnaasarnerat. Ilinniartut meeraat siunissami inissaqarnissaat qulakkeerinnissunneqassapput.

Aningaasaqarnikkut allaffissornikkullu kingunerisinnaasai

Angerlarsimaffimmi paarsisartut 2 atorfinitsinneqarpata, utaqqisunut allattorsimaffik ilungersunartumik inissisimanermut oqilisaataassaaq, aamma ilinniariarlutik atuariartortut meeraat paarineqarsinnaalissapput, pingaarnertullu anaanat ernereerlutik sulinngiffeqarunnaareersut meeraasa meeqqerivinni inissinneqarsinnaalissallutik, taamaalillutik sulilersinnaalissagamik. Angerlarsimaffimmi paarsisartunik atorfinitsineq aqqiissutaassaaq. Kommunimi angerlarsimaffimmi paarsisartuq kommunimit pilersinneqartuuvoq, angerlarsimaffimmi paarsineq ingerlanneqartussanngorlugu kommunimit atorfinitsinneqarluni. Angerlarsimaffimmi paarsisartuq sulisassaaq ulluinnarni nal. 7.00- 17.00 ullut tamaasa, perorsaanikkut ineriartortitsiviusumik paarsinermut neqeroorutaassalluni, angerlarsimaffimmi paarsisartup nammineq angerlarsimaffiani ingerlasussaaq. Angerlarsimaffimmi paarsisartuq meeqqanik suli atualersimanningsunik 4-nik inissaqartitsissaaq. Akuerisaanissamut piumasaqaataavoq angerlarsimaffimmi paarsisartuq timikkut tarnikkullu peqqissuussasoq taamatullu piginnaasaqassaaq perorsaanikkut ineriartortitsinnaanermik sammisaqartitsissasooq. Angerlarsimaffimmi paarsisartuq illoqataalu inersimasut peqqissutsimut uppenarsaat tunniuttussaavaat, Meeqqanik pinerliisimanninnermut uppenarsaat taamatullu pinerluuteqarsimanninnermut uppenarsaat, tamarmik ajunngitsunik takutitsippata aaliangiisuussammata atorfinitsisoqassanersoq.

**Kommunalbestyrelse 27-ani 2020-imi ileqquusumik ataatsimiinnerata 01/2020
imaqarniliornera**

Angerlarsimaffimmi paarsisartoq paarsinnaasani qaangerlugit paarsinnaassaaq alla angerlarsimaffimmi paarsisartoq sulinngiffeqarpat napparsimappaluunniit piffissami killiligaasumi, taamaalillutik imminnut tapertariillutik ingerlatsisinnaassapput, ulluni ataasiakkaani napparsimanerit atugaassappata. Periarfissaassaarli paarlatseqarnissaq, sulinngiffeqarnermi aamma sivisunerumi napparsimasoqassappat. Angerlarsimaffimmi paarsisartoq aaliangersimasumik sapaatip akunneranut nal.ak. 47 suliffigisussaavai. Angerlarsimaffimmi paarsisartoq meeqqat 4-mat tigumiassami saniatigut tigussisaguni, angerlarsimaffimmi paarsisartoq akilerneqassaaq ullormut meeraq ataaseq tapeqaatigisassallugu.

Kisitsisit tiguneqartut Sisimiuni Januar 2019-imi angerlarsimaffimmi paarsisartunik pilersitsinissamut, kisitsisit atorneqartut najoqqutarineqarput, uani siunnersuutaavoq angerlarsimaffimmi paarsisartut 2-rluk meeqqanulu 8-nut aningaasatigut missingersuusiorfigineqarnerat.

Daglejen Maniitsoq konto 50-05-10

Kontonummer	Kontonavn	For år 2020 9 måneder	Bevillingsbehov Årlig overslag
5005100110	Månedsløn	675.000	900.000
5005100111	Timeløn	56.250	75.000
5005100504	Kursusudgifter	9.000	12.000
5005100507	Boligtjenestetelefon	7.125	9.500
5005100599	Div. personaleomk.	3.000	4.000
5005101206	Kørsel, transport	3.750	5.000
5005101599	Diverse varekøb	56.250	75.000
5005101699	Diverse forplejning	11.250	15.000
	I alt	821.625	1.093.000

Allaffeqarfiup naliliinera

Allaffeqarfiupmit nalilerneqarpoq, atorfiit 2-rluk angerlarsimaffimmi paarsisartut pisariaqartinneqartut pilersinneqassasut, utikattumik ajornartorsiutaasartoq siunissami anigorneqaqqullugu.

Allaffeqarfiup innersuussutaa

Allaffeqarfiupmit innersuussutigineqarput Ilinniartitaanermut Ataatsimiititaliap, Aningaasaqarnermut ataatsimiititaliap aamma Kommunalbestyrelse'p akuersissutigissagaa,

-Maniitsumi angerlarsimaffimmi paarsisartut marluk pilersinneqassasut, 1. april 2020 aallartittussatut

-Illassutitut aningaasaliissutit 821.625 kr. qulaani allassimasut naapertorlugit aningaasatigut missingersuut 2020 atuutussanngorlugu aamma ukiumut 1.093.000 ukiumut tulluittunut

Ilinniartitaanermut Ataatsimiititaliap sulimaik suliarinninnera

Ataatsimiititaliap 3. Februar 2020 ataatsimiinnermini innersuussutit akuersissutigivai.

Innersuussut

Ilinniartitaanermut Ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

-Maniitsumi angerlarsiamffimmi paarsisartut marluk pilersinneqassasut, 1. april 2020 aallartittussatut

-Ilasutitut aningaasaliissutit 821.625 kr. qulaani allassimasut naapertorlugit aningaasatigut missingersuut 2020 atuutussanngorlugu aamma ukiumut 1.093.000 ukiunut tulliuttunut

Aningaasaqarnermut ataatsimiititaliap suliamik suliarinninnera

Ataatsimiititaliap 18. februar 2020 ataatsimiinnernnerani innersuussutigineqartut akuersissutigineqarput Maniitsumi 600.000 kr. Sisimiuni 300.000 kr. paarsisartut sisamassaata matussutissaanut, suliarlu kommunalbestyrelsimut ingerlateqqinneqarpoq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- Maniitsumi 600.000 kr. Sisimiuni 300.000 kr. paarsisartut sisamassaata matussutissaanut ilasutissatut aningaasaliin**issaq**

Aaliangineq

Innersuussutigineqartoq akuersissutigineqarpoq.

Ilanngussaq

Soqanngilaq

Imm. 04 *Sisimiuni Ilaqutariinnik Kiffartuussiviup eqqartarnissaanut
suliariumannittussarsiuussineq – immikkut aningaasaliineq Matoqqasumut
nuuppoq*

Imm. 05 Qeqqata Kommuniani Qarasaasiaqarnikkut aaqqiissutinik atuutilersitsineq

Journal nr. 06.02.01

Tunuliaqutaq

Kommunit Namminersorlutillu Oqartussat Qarasaasiaqarnerup iluani ineriartupiloorput aammalu Kommuninik Namminersorlutillu Oqartussanik ineriartortitsinermut "forretningsorienteret" ingerlatsivittut selskabitut pilersinneqarnikumi, "Fællesoffentligt IT"-mit ingerlanneqartunik suliarpassuarnik ingerlasoqarpoq.

Suliniutit ingerlasut ingerlalerumaartullu pingaarnertut tullinnguuttunik immikkoortortaqrpoq:

- Kommunini, Namminersorlutik Oqartussani Akileraaruseriffimmilu ERP-mik aaqqiissut
- Kommunini Namminersorlutillu Oqartussani HR-mut systemi
- Kommuninut Namminersorlutillu Oqartussanut akissarsialerinermit systemi

Suliniutit atuutilersinneqarnissaat pillugu sulii aalajangiiffigineqanngitsut, kisianni sulii akuerisaanngitsut:

- Aqutsinermut nakkutilliissummik toqqorterivimmillu pitsanngorsaanissamut allaffissornermi systemi, Aqutsinermut nakkutilliinerup Inunnullu paasissutissanik peqqussutip ataani malittarisassanut Kalaallit Nunaanni pisortat siunissami pitsaanerulissallutik.
- Platformimut nutaamut Winformatikkimi niuernermit systeminik ingerlaartitsineq, tassani allaffissornermi systemi, e-mailit, niuernermit atortut atuisunut ataatsimoortinneqarlutik, kommunini Namminersorlutillu Oqartussani allaffissornermi periutsinut oqilisaataallutik.

Kalaallit Nunaanni pisortatigut allaffissornermik, aningaasaqarnermik aamma niuernermit systeminik nuutsinissaq ukiut tallimat missaani ingerlanissaa naatsorsuutigineqarpoq, taamaalillunilu 2024/2025 missaani naammassissalluni.

Maleruagassatigut tunngavigisaq

§ 46 a malillugu Qarasaasiaqarnermi pisortanut aaqqissuusasaanermik pilersitsinissaq, aqutsineq il.il. pillugit nalunaarummik suliaqartoqarnissaanut Naalackersuisut pisinnaatitsinikuupput. Ilutigitillugu naatsorsuuserinermit inatsimmik oqilisaasoqarnikuuvoq, tassami Kommunit Namminersorlutillu Oqartussat missingersuutaasa naatsorsuutaallu pillugit Inatsisartut inatsisaanni §§ 2-5 2019-mi januaarip aallaqqaataanit 2021-mi decembarip 31-ata tungaanut atuutissanngimmata.

Pissutsit atuuttut

ERP-mik aaqqiissummik atuutilersitsinermi immikkoortoq kingulleq kommunimit ingerlanneqarpoq, 2019-imiillu akiligassat tamaasa nutaamik torersaannikuullugit, 2020-mullu akiligassanik nalinginnaasumik akilersuileruttorluni. 2020-mi qaammatinik pingasukkaarinermi siulliup ingerlanerani ERP-mik aaqqiissut tamakkiisumik kommunimit ingerlanneqalersimanissaa naatsorsuutigineqarpoq, tamakkiisumik nalunaarusiorsinnaalluni aningaasaqarnikkullu malinnaatitsinnaalluni.

Innersuussut manna suliniutit assigiinngitsut marluk pillugit qinnuteqaataavoq, (i) ERP-mik aaqqiissummut ingerlaavartumik ingerlatsinikkut aningaasartuutit, tassunga ilanngullugu

nalunaarusiortarnermut aaqqiissummik ineriartortitsineq, aamma (ii) HR-mik aaqqiissummik nutaamik atuutsilersitsineq.

Tamatuma saniatigut kommunimi "immikkoortut" assigiinngitsunut aningaasaqarnikkut paasissutissanik takunnissinnaanermik nutarterisoqarnissaanut/ineriartortitsinissamut 2020-mi pisariaqartitsisoqassaaq.¹ Sammisaaq taanna suliami saqqummiussami immikkoortumi matussuserneqarumaarpoq.

(i) Nalunaarusiortarnissamut aaqqiissummik ineriartortitsineq ilanngullugu, ERP-mik aaqqiissummut ingerlaavartumik ingerlatsinikkut aningaasartuutit

ERP-mut ingerlatsinermut aningaasartuutit siunissami kommuninut Aningaasaqarnermut inatsimmi toqqaannartumik akilerneqartalissapput.² Taakkununga ilanngunneqassaaq illoqarfigisami nalunaarusiortarnermut aaqqiissummik atuutsilersineq kiisalu Qeqqata nalunaarusiortarnissaanut inissamik ilusilersuineq. Aningaasartuutit toqqaannartumik Qarasaasiaqarnermut aningaasartuutini, serverinik programminillu akuersissutinik attartornermi, aammalu nalunaarusiortarnermi inissamik ineriartortitsivinnermit agguataarneqassapput. Serverimut aamma programminut akuersissutinut aningaasartuutit katillugit 350.000 koruuniunissaat aammalu nalunaarusiortarnermut aaqqiissummik ineriartortitsinermut 250.000 koruuniunissaat naatsorsuutigineqarpoq. 2020-mi qaammatit pingasukkaarnerimi siulliup kingorna atorunnaartussamut Winformatik naatsorsuuserinermut systemimik ingerlatsiinnarnissamut aningaasartuutit sipaarutaasussat ukendt pt. koruuninik annertussuseqassasut naatsorsuutigineqarput.

Aaqqiissut siusinnerusukkat tunniussinissamut periarfissarisatsinnit aningaasaqarnikkut aqutsinermik pitsaanerungaatsiartumik neqeroorsinnaanissatsinnut aningaasaqarnikkut periutsimik ineriartortitsineq immikkoortoq siulliussaaq, soorluttaaq paasissutissat siunertanut misissuinissamut atornissaat ajornaannerulissasoq. Nalunaarusiortarnissami aaqqiissummi tulleriaarnerit tullinnguuttut tassaapput, atuuffinnit ataasiakkaanit paasissutissanik "tunisassiornerni" aningaasaqarnerup ataatsimoortinnissaanut periarfissamik ineriartortitsineq, taamaaliornikkullu suliaqartut tamaasa kommunip immikkoortortaani angusanik uuttuisarnissamut periarfissat pitsaanerulissallutik.

Naggataatigut Kalaallisut nalunaarusiorsinnaanermut aaqqiissutissatut inissaaq siunnersuutigineqartoq periarfissaalissaaq allattuiffissanut inissamik Kalaallisut toqqagassamik ikkussinikkut.

(ii) HR systemi nutaaq

Kommuni ullummikkut HR systemimik peqanngilaq, taamaattumik Sulisoqarnermut immikkoortortami (atorfinitsitsinernik, inatsisinik nutaanik, isumaqatigiissutinik, sulisunik soraartoqarnerani) allaffissorneq oqimaattarpoq, taamaattumik HR-mik aaqqiissumik nutaamut ataatsimooortumik ikaarsaarnissami kommunit Namminersorlutillu Oqartussat pilersaarusoqatigiipput. Kommunit Namminersorlutillu Oqartussat modelinik assigiinngitsunik nalilersuinikuupput, aaqqiissullu "Mindkey"-imik taaguutilik toqqarnikuullugu. Systemi ullumikkut Kommuneqarfik Sermersuumit atorneqarpoq, aaqqiissullu Qeqqata Kommuniani kommuninilu

allani aammalu Namminesorlutik Oqartussani atuutsilerneqarnissaanut piareersimalluni. HR-mik aaqqiissut Ataatsimoorussamik pisortat Qarasaasiaqarnerat aqputigalugu atuutsilersinneqassaaq. Atuutsilersitsineq 2020-mi juulimi naammassineqarsimassasoq naatsorsuutigineqarpoq.

Aaqqiissutip HR-mi sulineq pitsaanerulersissavaa, ilutigalugulu Sulisoqarnermut immikkoortumi inunnut paasissutissanut inatsimmik malitsitsiniarneq qulakkiissallugu.

(iii) Akissarsialerussut nutaaq

Ataatsimoorussamik pisortat Qarasaasiaasa 2019 qiteqquttoq kommuninut Namminesorlutillu Oqartussanut akissarsianut aaqqiissummik suliaqarnissaq neqeroortigivaa. Tuniniaasunit toqqakkanit assigiinnigitsunik saqqummiussanik tiguisoqareernerata kingorna, Ataatsimoorussamik pisortat Qarasaasiaqarfiat aalajangerpoq, kommuninit, Namminesorlutik Oqartussanit aamma ASA-mit akissarsialerisunik inuttalimmik suleqatigiissitaq peqatigalugu, suliakkerneqartutut tuniniaasuusinnaasunik suleqateqarlutik, akissarsianut systemimi atorsinnaasanut piumasagaasiortoqassasoq.

Tamatuma kingorna akissarsianut systemimik tuniniaasussat aalajangikkat peqatigalugit Fujitsu, ataatsimoortumik akissarsialerinerneq aaqqiissummik Ataatsimoorussamik pisortaq Qarasaasiaqarfiannut nerooruteqarnissamut periarfissinneqarpoq.³ Periutsip aallartinneqarneranit missliuutaqqaartutut tiguneqarnkuusumit neqeroortut akisuallaalereersimammat, Ataatsimoorussamik pisortaq Qarasaasiaqarfiata aalajangiuppaa nagaaginnarnissaq aammalu aaqqiissut suliariumannittussarsiuunneqarnissaanut neqeoortitsisoqassasoq. 2020-mi qaammatinik pingasukkaarinerup kingulliani imaluunniit 2021-mi qaammatinik pingasukkaarinerneq siullermi atuutsilersinissaq aallartittussanngorlugi 2020-mi qaammatinik pingasukkaarinerit aappaanni pingajuataluunniit ingerlanerani akissarsianut aaqqiissummik neqerooruteqartoqarnissaanik naatsorsuutigisanut isummertoqarnissaa naatsorsuutigineqarpoq. 2021.

Atuilluartuunissakkut kingunerisinnaasai

Toqqaannartumik atuilluartuunissakkut kingunissaqanngilaq - siunissamili allaffissornermik pitsaanerumik, aningaasaqarnikkullu aalajangiinissamut tunngavissanik pitsaanerumik periarfissaqassaaq.

Aningaasaqarnikkut allaffissornermik kingunerisinaasai

ERP, HR aamma akissarsianut aaqqiissummik naammassinninnerup kingorna, Kalaallit Nunaanni pisortat ataatsimoortut nutaaliaanerumik allaffissornermik aaqqiissuteqalersimassapput, ulluinnarni suliniutinik allaffissornermi suliaqarnermit kommuni siunissami ineriartornissaanut tapertaanerumik nuunneqartumik, taamaaliornikkullu innuttaasunut sullissineq pitsaanerumik siuarsarneqarluni. Aaqqiissutinik atuutilersitsineq siunissamut aningaasaliineruvoq soorlutaaq tamakkiisumik aaqqiissutinik atuutilersitsereernerup kingorna, siunertanut allanut nukissaqarnerulerneq, siunissami toqqaannartumik allaffissornermut nukissat ikinnerusut pisariaqartinneqartussaammata.

Aningaasartuutit tullinnguuttutigut tulleriaarneqarsinnaapput:

ERP aamma Nalunaarusiortarneq:

1. 2020-mi ukiunilu missiliuuteqarfiusuni ERP-mik aaqqiissummik ingerlatsineq kr. 0

**Kommunalbestyrelsen februarip 27-ani 2020-imi ileqquusumik ataatsimiinnerata 01/2020
imaqarniliornera**

2. Nalunaarusiornissamut inissamut serverinik aaqqiissut akuersissutillu, ilusilersuineq, allaffissornermi systemimi atuligassami ingerlatsinermut atatillugu aamma atorneqarsinnaasoq, taamaalilluni aaqqiissutinik marluusunik sulisut atuinerannut akuersissutinik marloriaammik akiliisannginniassagatta - 2020-mi ukiunilu missiliuuteqarfiusuni aningaasartuutit kr. 350.000
3. Kommunimut nalunaarusiortarnermut aaqqiissummik ineriartortitsineq - 2020-mut missingersuutit kr. 250.000
4. Winformatik Økonomi atorunnaarnerani sipaarutaasussaq, 2020 ukiullu missiliuuteqarfiusut kr. ilisimaneqanngilaq

Aningaasat annertussusaat qinnuteqaataasut missiliutaapput aammalu neqeroorut inaarutaasoq tigugutsigu allangortinneqarsinnaalluni.

HR aaqqiissut:

5. HR-mik aaqqiissummumut nutaamut atuutilersitsinissamut aningaasartuutit kr. 230.000
6. 2020-mi ingerlatsineq kr. 55.000
7. Ukiunut missiliuuteqarfiusuni 2021-2023-imi ingerlatsineq (ukiumut) kr. 110.000

Akissarsianut aaqqiissut:

8. Atuutilersitsinissamut Qeqqata Kommuniata aningaasartuutissaatut naatsorsuutigisat tkr. 750- iniit 1,2 mio. koruuninut.⁴
9. Ukiuni missiliuuteqarfiusuni ingerlaavartumik aningaasartuutissatut naatsorsuutigisat tkr. 650-830.

Akissarsialerinermit aaqqiissummumut inaarutaasumik kisitsisit ilisimaneqalerpata innersuussumik nutaamik suliaqartoqassaaq.

Atuiffiup normua	2020- mut aningaas aliissutit	Ilassutit	Nutaamik aningaasal iineq	Missiliu teqarfik 2021	Missiliute qarfik 2022	Missiliu teqarfik 2023
531000000/1601045001/122140781/010500/2-50-00/500206 Aningaas./Qaras.ataats./ERP-mut aningaas./Qeqqata ataats./IT suliniutit/ERP aaqqiissummik pissarsineq	0	350.000 250.000				
531000000/1601045001/122140781/010500/2-50-00/500267 Aningaas./Qaras.ataats./ERP-mut aningaas./Qeqqata ataats./IT suliniutit/HR aaqqiissummik pissarsineq	0	285.000	285.000	55.000	55.000	55.000
Katillugit	0	885.000	885.000	405.000	405.000	405.000

Allaffeqarfiup naliliinera

Qarasaasiaqarnikkut aaqqiissutini nutaani aningaasaliinissaq pisariaqarpoq, ullumikkut Kalaallit Nunaanni aaqqiissutit atorneqartut teknikkikkut nutaanngileqqammata aammalu taamaattumik suliniutinik suliniutinillu nutaanik nalilersuinermut aningaasaqarnikkut nalunaarutinik paasisstissanillu tunniussinissamut inuiaqatigiit nutaaliaasuusut piumasaqaataannik naammassinnissinnaanatik. Ilutigitillugu kikkut tamarmik aaqqiissumik assigiimmik atuinissaat paariinarneqassaaq, taamaattumik immikkoortortat akornanni sulisunik nuutsisarnissaq ajornaannerulissaaq. Naggataagut taamatut aningaasaliineq kommunip aningaasaqarnerani

assiigiinngitsunik nalilersuinermini aningaasaqarnikkut paasisutissanut atuisussaanginermut nalunaarsuinissamut alloriarnertut suillertut isigivarput.

Taamaattumik allaffeqarfiup Aningaasaqarnermut ataatsimiititaliamit suliaq akuereqqullugu innersussutigivaa aammalu Kommunalbestyrelsimi inaarutaasumik aningaasaliiffigisassanngorlugu suliaq nassiunneqassasoq innersuussutigalugu.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut akuereqqullugu innersuussutigivaa:

1. Nalunaarusiortarnermut inissamut Serverimik aaqqiissutissamik pilersitsinissamut 350.000 koruuninik ilassutitut aningaasaliissuteqartoqassasoq
2. Kalaallisut nalunaarusiortarnermut inissammik ineriartortitsinissamut 250.000 koruuninik ilassutitut aningaasaliissuteqartoqassasoq
3. HR systemimik nutaamik atuutsitsilernissamut 285.000 koruuninik ilassutitut aningaasaliissuteqartoqassasoq
4. Qulaani eqitsimmi allassimasutut ukiuni missiliuuteqarfiusuni missingersuutini aningaasaliissuteqartoqassasoq

Aningaasaqarnermut ataatsimiititaliap suliamik suliarinninnera

Ataatsimiititaliap 18. februar 2020 ataatsimiinnernerani innersuussut akuersissutigineqarpoq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

1. Nalunaarusiortarnermut inissamut Serverimik aaqqiissutissamik pilersitsinissamut 350.000 koruuninik ilassutitut aningaasaliissuteqartoqassasoq
2. Kalaallisut nalunaarusiortarnermut inissammik ineriartortitsinissamut 250.000 koruuninik ilassutitut aningaasaliissuteqartoqassasoq
3. HR systemimik nutaamik atuutsitsilernissamut 285.000 koruuninik ilassutitut aningaasaliissuteqartoqassasoq
4. Qulaani eqitsimmi allassimasutut ukiuni missiliuuteqarfiusuni missingersuutini aningaasaliissuteqartoqassasoq

Aalajanginneq

Innersuussutigineqartut akuersissutigineqarput.

Ilanngussat

Soqanngilaq

Imm. 06 Islandimiit model atulersinneqarnissaa pillugu suleqatigiinneq

Journal nr. 00.10.01

Tunuliaqutaq

2018-imi oktobarimi kommunalbestyrelsi pisortaqtigiillu Islandimut isumassarsiorlutik angalapput.

Kommunalbestyrelsi 2018-imi oktobarip 25-ani ataatsimiinnermini, kommunip Islandimi isumassarsiat pissarsiarineqarnikuusut qanoq sulissutigeqqinneqarsinnaansut eqqartorpa. Tamatuma kingorna ataatsimiititaliat tullinguuttumi allaqqasut suliamik suliaqarsimapput.

- Inuussutissarsiutinut Takornariaqarnermullu ataatsimiititaliaq ulloq 17. decembari 2018.
- Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliaq 1. februaari 2019
- Ilaqutariinnermut isumaginninnermullu ataatsimiititaliaq 21. aggusti 2019.
- Atugarissaarnermut ataatsimiititaliaq 11. decembari 2019.

Oktobarip aallartinneraniilli akimortumik suleqatigiit Sisimiuni Maniitsumilu pisortap sulisuinik tallimanik, Sisimiuni timersornermut siunnersortimik Maniitsumilu sunngiffimmi pisortamik ilaasortalik, ataatsimiititaliat assigiinngitsut suliaasaat pillugit tamanik isiginnilernissamik suliaqarluni aallartinnikuuvoq, misissorlugulu Islandimiit misilittakkat qanoq pitsaanerpaamik atulersinneqarsinnaansut. Siunissami pitsaaliuinnermut siunnersortit suliamut uunga ilaatinneqartassapput. Suleqatigiit salliullugu suleqatigiinnissamut periarfissat misissornikuuai Planet Youth i Island(ISCRA) kiisalu Center for Folkesundhed aamma Paarisa akornanni, islandimi model pingaarnertut isumaani ilaagami pitsaanerpaamik pinaveersaartitsiniutaasinaasut data-nit tunngavillit, kiisalu pinaveersaartitsineq pillugu ilisimatusarnermit misilittakkat ilisimasallu.

Maleruagassatigut tunngavigisag

Qeqqata Kommuniani Peqqinnissamut pinaveersaartitsinissamullu politikki 2018

Pissutsit atuuttut

Islandimi ilisimasalik akuutitsinermi akimortumik suleqatigiit suleqatigiissutinik marluusunik misissuisimapput, Islandimi pinaveersaartitsilluni modellimik akuutitsinissag pillugu, kingornalu suleqatigiissutit marluusut saqqummiunneqarlutik, taamaalilluni taakku arlaat salliunneqarsinnaalissalluni.

a) Island-imi Planet Youth-ip suleqatiginera

Planet Youth suliniutip aterivaa ICSRA (Icelandic Center for Social Research and Analysis) 1990-ikkunni aallartissimasaa, maannakkullu pinaveersaartitsinermut islandip modelia atorlugu nunanik allanik suleqateqartuusooq. Islandimi pinaveersaartitsinermut model ima isumaqarpoq, meeqqat inuusuttullu cigaretsinik, imigassamik ikiaroorartumillu atuinerat allornerit sisamat malillugit pinaveersaartinneqarsinnaasooq:

- 1 Ajornartorsiutit suussusersillugit misissuilluni apeqqutinik immersuilluni data aqqutigalugit
2. Apeqqutit immersukkat inernerisa takussutigisaat workshoppinut sisamaasunut avillugit oqallisigalugit
- 3 Data eqqartuinerillu tunngavigalugit najukkami qaffasissutsit assigiinngitsut atorlugit iliuuseqartoqassaaq

4 Najukkami suliniutit peqataasuniit nalilersorneqassapput kingornalu misissoqqissaarneqassallutik aammalu apeqqutinik immersugassap nutaap datat nassatarisaanut nalimmassarneqassallutik. (ilanngussaq 1-imi planet youth suleqatiginissaa sumut tunngaqqissaarnersoq allaaserineqarpoq) Planet Youth ukiuni 20-ni misilittagaqarpoq pinaveersaartitsiniutit qitiutillugit apeqqutinik immersuititsinikkut misissuinermik. Kingornalu modelli nunani allani arlalinni atornerqartarluni. Ilisimasarlu taanna annertoq tunngavigalugu, Planet Youth suleqatiginissaa sukkasuumik suliniutigineqassaaq. Ajoqutaali tassaavoq, Planet Youth-imi ilaasortaaneq workshoppinullu aningaasartuutissaat akisunerat. Kisiannili Planet Youth-imi Siunnersortit Kalaallit Nunaanni inuiaqatigiit atugaannik ilisimasaqanngillat.

b) Kalaallit Nunaanni Inuit Peqqissusaannut Qitiusoqarfimmik Paarisamillu suleqateqarneq Peqqissutsimut Naalakkersuisoqarfik, Kalaallit Nunaanni Center for Folkesundhed aamma Paarisa 2019-imi decembarimi meeqqat atuartut akornanni misissuisimanerup inernerit pisortaqatigiinnut kommunalbestyrelsimullu saqqummiuppaat, (HBSC-misissuinerit aamma taaneqarnikoq) tassungalu atatillugu ujjartorlugu kommunillu qaninnerusumik suleqatigiinnissaq kommunip pinaveersaartitsiniutaanut paasissutissanik atuisinnaanermut tunngatillugu. Tassunga atatillugu akimortumik suleqatigiit HBSC-misissuinermit datat atornissai pillugit aammalu pinaveersaartitsineq pillugu workshops-inik ingerlatsineq pillugu Kalaallit Nunaanni Inuit Peqqissusaannut Qitiusoqarfik aamma Paarisa suleqatigilerpaat (ilanngussaq 2-mi Qeqqata Kommuniata, Inuit Peqqissusaannut Qitiusoqarfiup aamma Paarisap akornanni suleqatigiinnissamut isumaqatigiissutaagallartoq allaaserineqarpoq).

Suleqatigiissutaasussat ukuunerupput:

1. Sisimiuni Maniitsumilu aallarnisaatit isumasioqatigiisitsineq: Atulersitsisinnaanerp annertussusaa nukittuffinnillu sanngiiffinnillu sumiissusiliineq (naleqartitanik tunngaviliineq).
2. HBSC-apeqqutit tunngavigalugit datanik katersineq aggustimi 2020, kisianni Qeqqata Kommuniatit apeqqutit ilaqqillugit, kiisalu apersuinerit pitsaassutsimut tunngasut aqutugalugit.
3. Data tunuliaqutugalugit workshop 1 ingerlanneqassaaq, tassani pinaveersaartitsiniutit itisilerneqassallutik suleqataasussat ilaatigut pinaveersaartitsinermit- ilinniagaqarnermi sunngiffimmilu immikkoortortaneersut qanimut suleqatigineritigut.
4. suliniutinik malitseqartitsineq suliniutinillu iluarsineq
5. Data katersoqqinneqassapput HBSC-misissuinerit pioreersut atorlugit. Taamaaliornikkut suliniutit sunnuteqarsimanersut uuttortarneqarsinnaassaaq kingorna nalilersorneqarlunilu aaqqiivigineqarsinnaallutik.

Taassuma suleqatigiinnerup iluaqutissartaraa, suleqatigiit Kalaallit Nunaanni inuiaqatigiit atugaannik pinaveersaartitsinermillu ilisimasaqarlumata. Iluaqutissartaavortaaq HBSC-mi apeqqutinik immersuititsinikkut misissuut kalaallisut nutserneqareemat. Aningaasaqarnikkuttaaq iluaqutissartaqarpoq, suleqatigiinnermi akunnerit atugassat suleqataasut missingerssuutaanneereermata, taassuma saniatigut suleqatigiit aningaasaateqarfinnut qinnuteqarsinnaapput. Suleqatigiinni peqataanermigut kommuni pinaveersaartitsineq pillugu ilisimasanik sakkusanillu ineriartortitseqataasinnaavoq.

Suleqatigiinnerup ajoqutaa tasaavoq, HBSC-mi misissuinermit inernerit takutimassuk Sisimiuni 2018-mi misissuinermit akisartut procentitigut annikitsuararsuummata. Taamaamat 2020-mi misissuisoqatigissalluni.

Suleqataasut siusinnerusukkut misissuinerit tunuliaqutaralugit sukumiisumik suliniuteqartarsimanngimmata, pisariaqarpoq najoqqutassiap ingerlanneqarnerani ineriartortuarnissaa. Apeqqutinut immersuiffissat ineriartortinneqartariaqarput, Den Islandske

**Kommunalbestyrelsis februarip 27-ani 2020-imi ileqquusumik ataatsimiinnerata 01/2020
imaqarniliornera**

Model atorlugu suliaqarnissamut suliaaqqissaannginneri peqqaallutik Suleqatigiinnerup ilusilersornissaa eqqassaatigalugu allaffissornikkut suliaasarujussuuvog.

Atuilluartaunissakkut kingunerisinnaasai

Suleqatigiinnissamut modelit marluullutik Den Islandske Model-ip atulersinnissaanut ajunngitsumik ilannguseqataassapput paasissutissanik, ilisimasanik aammalu inuusuttut akornanni imigassamik, tupamik aanngajaarniutinillu atuinermik annikillisaanissamut pinaveersaartitsiniutinik atulersitsinissamut ikiuutaasussanik ilannguseqataammata. Suliniut najukkami ileqqunngortinneqassaaq inuiaqatigiinnullu ilaqutariinnullu akuliutsinneqarluni Qeqqata Kommuniani meeqqanut inuusuttunullu atajuartussamik ajunngitsumik atuilluartaunissamillu allannguutaanissaa siunertaralugu.

Aningaasaqarnikkut allaffissornikkullu kingunerisinaasai

Aningaasaqarneq uunga a) Island-imi Planet Youth 2020-mi suleqatiginera

Atuiffik	Suunera	Aningaas.
545010000-0601020000-113180500-010500-2-10-18-500223 (Atuiffik nutaanngitsoq 3701013532)	Atuilluartaunissamut aningaasaatit – Ilaqutariinnut inuuneq pitsaaneq	762.545

2020-mi aningaasaliissutit saniatigut pisariaqartinneqarpoq ukiut missiliuteqarfiusut malitsigisai 2025 tikillugu, tassani suliniutit naammassisussaalluni, aningaasanik ukiut tamaasa immikkoortitsisoqartarnissaa.

Suliniummumut aningaasartuutaasussat katillugit naatsorsorneqarput katillugu ima annertutigissasut: 2.122.478 kr ukiunut tallimat sinnerlugit, ima paasillugu agguaqatigiisinneranni ukiumut ataatsimut aningaasartuutaasassallutik 424.496 koruunit.

Aningaasaqarneq uunga b) 2020-mi Kalaallit Nunaanni Inuit Peqqissusaannut Qitiusoqarfillu aamma Paarisalu suleqatigiinneq

Atuiffik	Suunera	Aningaas.
545010000-0601020000-113180500-010500-2-10-18-500223 (Atuiffik nutaanngitsoq 3701013532)	Atuilluartaunissamut aningaasaatit – Ilaqutariinnut inuuneq pitsaaneq	363.751

2020-mut aningaasaliissutit saniatigut pisariaqartinneqarpoq, ukiut missiliuteqarfiusut malitsigisai tamaasa 2022 tikillugu aningaasanik immikkoortitsivineqartarnissaa, taanna tikillugu suliniut inissikkallarneqarnikuulluni sivitsorneqarnissaanulli periarfissalerlugu.

Suliniummumut aningaasartuutissat katillugit naatsorsorneqarput katillugu ima annertutigissasut: 560.826 ukiut pingasut sinnerlugit, ima paasillugu agguaqatigiisillugu ukiumut ataatsimut aningaasartuutaasalluni 186.942 koruunit.

Suleqatigiinnissamut isumaqatigiissutit marluutillugit sulii pinaveersaartitsilluni suliniutinut aningaasartuutissanik naatsorsuuteqarfigineqanngillat, sulii taakku ilisimasaqarfigineqalinnnginneri peqqaalluni.

Allaffeqarfiup naliliinera:

Modelit saqqummiunneqartut marluullutik den islandske model malillugu aallartitsinissaq eqqarsaatigalugu pitsaasuupput. Taamaakkaluartoq akimortumik suleqatigiit innersuussutigissavaat, kommunip iluarsuussutissaq b) HBSC-misissuinermit tunngatillugu Inuit Peqqissusaannut Qitiusoqarfimmik aamma Paarisamik suleqateqarneq suliaralugu ingerlateqqissagaa. Center for Folkesundhed aamma Paarisamik suleqateqarnikkut kommuni suliniutissamik suliaqarsinnaassaaq, taanna den islandske model-imut Planet Youth-ip ilusilersugaanut assingussalluni, paasissutissanik katersuineritallik, workshops-eqarluni, pinaveersaartitsilluni suliniutinik aallartitsinernik malitseqartitsinernillu imaqarluni. Assigiinngissutigaa, aaqqiissut akikinnerujussuummat Kalaallit Nunaanni pinaveersaartitsinernik peqqinnermillu takutitsinertalimmik misissuinermit inerisaassalluni.

Tamatuma saniatigut aaqqiissut taanna Planet youth-imut atassuteqalernissamiit akikinnerujussuussaaq, tassami suliniummut aningaasalersuinissaq suliaqartussanut arlalinnut agguarneqartussaassagami, aammalu ataatsimoorussamik aningaasaateqarfinnut qinnuteqarsinnaanernik imaqassalluni Planet youth-imut ilaasortaanissaraluaq pinnagu, taamaattoqassappat kommunip aningaasalersuinissaq kisermaatissallugu.

Allaffeqarfiup innersuussutaa

Allaffeqarfiup Ilinniartitaanermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigivaa,

- a) ukiuni tallimani tulliuttuni Planet youth-imut ilaasortanngussasugut
2022 tungaanuugallartumik HBSC-misissuineq pillugu Center for Folkesundhed aammalu Paarisamik suleqatigiinnissamik aallartitsissasugut
- b) 2020-mut aningaasaliissutit atuilluartuunissamat aningaasaateqarfimmiit tiguneqassasut
Kiisalu 2021-mi ukiunilu missiliuteqarfiusuni aningaasartuutit missingersuutit pillugit isumasioqatigiinnermi tullermi qaqinneqassasut

Ilinniartitaanermut ataatsimiititaliap suliamik suliarinninnera

Ataatsimiititaliap 3. februar 2020 ataatsimiinnermini innersuussut b toqqarpaa: 2022 tungaanuugallartumik HBSC-misissuineq pillugu Center for Folkesundhed aammalu Paarisamik suleqatigiinnissamik aallartitsissasugut. 2020-mut aningaasaliissutit atuilluartuunissamat aningaasaateqarfimmiit tiguneqassasut Kiisalu 2021-mi ukiunilu missiliuteqarfiusuni aningaasartuutit missingersuutit pillugit isumasioqatigiinnermi tullermi qaqinneqassasut.

Innersuussut

Ilinniartitaanermut ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

- a) ukiuni tallimani tulliuttuni Planet youth-imut ilaasortanngussasugut
2022 tungaanuugallartumik HBSC-misissuineq pillugu Center for Folkesundhed aammalu Paarisamik suleqatigiinnissamik aallartitsissasugut
- b) 2020-mut aningaasaliissutit atuilluartuunissamat aningaasaateqarfimmiit tiguneqassasut
Kiisalu 2021-mi ukiunilu missiliuteqarfiusuni aningaasartuutit missingersuutit pillugit isumasioqatigiinnermi tullermi qaqinneqassasut

Aningaasaqarnermut ataatsimiititaliap suliamik suliarinninnera

Ataatsimiititaliap 18. februar 2020 ataatsimiinnernerani innersuussut akuersissutigineqarpoq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- a) ukiuni tallimani tulluuttuni Planet youth-imut ilaasortanngussasugut
2022 tungaanuugallartumik HBSC-misissuineq pillugu Center for Folkesundhed aammalu
Paarisamik suleqatigiinnissamik aallartitsissasugut
- b) 2020-mut aningaasaliissutit atuilluartuunissamut aningaasaateqarfimmiit tiguneqassasut
Kiisalu 2021-mi ukiunilu missiliuteqarfiusuni aningaasartuutit missingersuutit pillugit
isumasioqatigiinnermi tullermi qaqinneqassasut

Aalajanginneq

Innersuussutigineqartut a) akuersissutigineqarpoq.

Ilanngussat

1. Planet Youth-ip suleqatigineranik misissuineq
2. Inuit peqqissusaannut qitiusoqarfimmik aamma Paarisamik suleqatigiinnissamik
isumaqatigiisummik saqqummiineq.

Imm. 07 Ajornartoornermi nukissiorfimmik imeqarfinni pilersitsisariaqarneq

Journal nr. 25.02.00

Tunuliaqutaq

Sisimiuni Maniitsumilu illoqarfinni nunaqarfinnilu Nukissiorfiit ikuallattoqarnerani imermik pilersuisussaatitaapput. Ikuallattoqarneranilu imermik pilersuiniarnerat pinngitsoorneqarsinnaangilaq.

Maleruagassatigut tunngavissat

Kalaallit Nunaanni annaassiniarnissamut upalungaarsimaneq aamma ikuallattoornissamik qartoornissamillu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersoq § 12

Pissutsit atuuttut

Maannakkut Sisimiuni aammalu Maniitsumi imeqarfiit ataavartunik ajornartoornermi innaallagissiteqanngillat, taamaattumillu innaallagissiorfiup imaluunniit taakkua agguaveqarfiisa ajutoornerini imermik pilersuinerat innarlerneqarsinnaallutik.

Tamanna misigineqarsinnaasoq takuneqarpoq ukioq kingulleq Sanaartornermik Ilinniarfimmi Nukissiorfiit innaallagissanut sakkukillisaaviat agguassiviallu ikuallammat illoqarfiullu ilangaatsiaa innaallagiarullugu. Tamannalu ilungersunartumik kinguneqangajalluinnarpoq illoqarfiup ilaani allami taamak pisoqaraluarpat ikuallattoqarlunilu, illoqarfimmilu imermik pilersuineq ajoquserneqassagaluarpat imeeruttoqarsinnaagaluarpat.

Atuilluartuunissakkut kingunerisinnaasai

Kommunep iluani kinguneqassanngilaq.

Allaffeqarfiup naliliinera

Siunissami upalungaarsimaneq pissutigalugu isumaqarpugut Nukissiorfiit kajumissaarneqartariaqartut ajornartoornermi nukissiorfimmik imeqarfinni pilersitsisariaqartut, illoqarfinni ikuallattoqarnerani nukissiorfiit imeqarfiini imermik pilersuisoqarsinnaajuaannarnissaa anguniarlugu.

Allaffeqarfiup innersuussutaa

Innersuussutigineqassaaq ataatsimiititaliap suliaq akuersissutigalugu nukissiorfinnut saaffiginnissutigineqarnissaa siunertaralugu ingerlatitseqqissasoq, taamaasilluni Nukissiorfiit siunissami qaninnermi imeqarfiit ajornartoornermi innaallagissiorfilerneqarnissat sulissutigisariaqarmassuk.

Upalungaarsimanermut ataatsimiititaliap suliamik suliarinninnera

Ataatsimiititaliap 3. december 2019 ataatsimiinnerani inassuteqaat tapersorsorneqarpoq, aammalu Kommunabestyrelsemut ingerlateqqinneqassoq.

Innersuussut

Upalungaarsimanermut ataatsimiititaliap Kommunabestyrelsimut innersuussutigivaa akuereqqullugu,

***Kommunalbestyrelsip februarip 27-ani 2020-imi ileqquusumik ataatsimiinnerata 01/2020
imaqarniliornera***

-siunissami upalungaarsimaneq pissutigalugu Nukissiorfiit kajumissaarneqartariaqartut ajornartoornermi nukissiorfimmik imeqarfinni pilersitsisariaqartut, illoqarfinni ikuallattoqarnerani nukissiorfiit imeqarfiini imermik pilersuisoqarsinnaajuaannarnissaa anguniarlugu

Aalajangiineq

Oqaluuserisassaniit peerneqarpoq Upalungaarsimanermut ataatsimiititaliap Nukissiorfiit-nut saaffiginninnissaq nammineq isumagissammagu.

Ilanngussat

Soqannilaq

**Imm. 08 Ataatsimiititaliamut Ilaqutariinnermullu immikkoortortamut taaguutissatut
siunnersuuteqartitsinissamik unammisitsinermi aalajangiineq, Qeqqata
kommunia**

Journalnr.: 12.00

Tunuliaqutaq

2019-imi upernaakkut Ilaqutariinnermut Isumaginninnermullu ataatsimiititaliaq ataatsimiinnermini siunnersuuteqarpoq, ataatsimiititaliamut immikkoortortamullu nutaamik taaguutissamut unammititsinermik aallartitsisoqassasoq.

Tamatuma saniatigut 2019-imi maajip 29-ani kommunalbestyrelsip ataatsimiinnermini tamanna aamma aalajangiiffigivaa.

Sivdlek-mmi taaguutissamut unammisitsinermik ingerlatitsisoqarnikuuvoq.

Maleruagassatigut tunngavigisag

Eqqaasassaqaanngilaq

Pissutsit atuuttut

Ilaqutariinnermut Isumaginninnermullu ataatsimiititaliaasimasumi ilaasortaanikup Malene Ingemann-imit siunnersuutigineqarpoq, Ilaqutariinnermut Isumaginninnermullu ataatsimiititaliaq immikkoortortarluni qanoq taaguuteqarnissaanik unammisitsinermik aallartitsisoqarsinnaasoq. Ataatsimiititaliap taaguutaani isumaginninnerup ilaanera patsisaalluni pitsaanngitsutut isigineqarsinnaammat, unammisitsinissaq siunnersuutigineqarpoq.

Qeqqata Kommuniani aaqjissuussaanikkut allannguisoqartussaaneratigut, siusinnerusukkut Ilaqutariinnermi Isumaginninnermilu ataatsimiititaliaq Atugarissaarnermut ataatsimiititaliamik taaguuteqalerpoq, taamaalillunilu unammisitsinermi aallartinneqaannginneraniilli ataatsimiititaliap taaguutaa allanngortinneqarpoq.

Taaguutissamut unammisitsisoqarnissaanik aalajangiisoqarmat, ataatsimiititaliaq allamik taaguuteqalereeraluartoq, taaguutissamut unammisitsisoqarnissaanik borgmesteri aalajangiivoq.

Sisimiuni Qeqqata Kommuniani Pisortaanerup sulisui Sivdlek-mut Nipi-mullu sapaatip akunnerini 46-mi 47-milu ilanngussamik ilanngussaqarput, unammisitsinermullu siunnersuutinik tunniussinissamut 2019-imi novembarip 15-ianut killeqartitsisoqarluni.

Tamatuma saniatigut Qeqqata Kommuniata Facebook-ikkut quppersagaanut ilanngussamik ikkussisoqarpoq, tamannalu inunnit 3.200-t missaanit takuneqarluni.

Siunnersuutit katillugit 36-t tunniunneqarput, taakkulu ilanngussatut ilanngunneqarlutik.

Atuilluartuunissakkut kingunerisinaasai

Oqaaseqaatissaqaanngilaq.

Aningaasaqarnikkut allaffissornikkullu kingunerisinaasai

Siunnersuuteqartunit ajugaasumut 1.000 koruuninik eqqugassaqaartitsisoqarpoq.

Tamatuma saniatigut suliniummumut matumunnga allanik aningaasaqarnikkut allaffissornikkullu kingunissaqanngilaq.

Allaffeqarfiup naliliinera

Maniitsumi Sisimiunilu Ilaqutariinnermut immikkoortortat naliliipput, taaguutissatut unammisitsinermi aalajangiineq, ataatsimiititaliami ilaasortanit aalajangiiffigineqassasoq.

Allaffeqarfiup innersuussutaa

Ilaqutariinnermut immikkoortortap Atugarissaarnermut ataatsimiititaliamut innersuussutigaa

- ataatsimiititaliap immikkoortortallu taaguutaanik allannguisoqassanersoq aalajangiisoqassasoq
- ataatsimiititaliap immikkoortortallu taaguutaanik allannguisoqassappat, siunnersuutaasunit 36-usunit taaguutissamik toqqaasoqassaaq

Atugarissaarnermut ataatsimiititaliap suliamik suliarinninnera

Ataatsimiititaliap 15. januar 2020 ataatsimiinnerminni ima aalajangiivoq: Innersuussummi amerlanerusuteqartut toqqarpaat “Atugarissaarnermut ataatsimiititaliaq”, aammalu “Atugarissaarnermut immikkoortortaqarfik”. Tusagassiuutitigut nalunaarutigineqarumaarpoq ilisimatitsissutigineqarluni. Suliaq aalajangigassanngorlugu Kommunalbestyrelse-mut ingerlateqqinneqarpoq.

Innersuussut

Atugarissaarnermut ataatsimiititaliap Kommunalbestyrelsimut innersuussutigivaa akuereqqullugu,

-Ilaqutariinnermut immikkoortortaq “Atugarissaarnermut immikkoortortaqarfimmik” taaguuteqalissasoq

Aalajangiineq

Siunnersuuteqartuni nr. 34 siunnersuutaat toqqarneqarpoq “Atugarissaarnermut immikkoortortaqarfik”, 1.000 kr.-imillu akissarsisinneqassapput.

Ilanngussat

1. Sivdlek-mi Nipi-milu ilanngussat, kal aamma qal
2. Innuttaasunit siunnersuutit tiguneqarsimasut allattorsimaffiat kal

**Imm. 09 Kalaallit Nunaanni erngup nukinga atorlugu nukissiuuteqarfinnik
pingaarnersiuneq pillugu Naalakkersuisunut saaffiginnissut pillugu innersuussut**

Journalnr. 25.01.01.02

Tunuliaqutaq

Inatsisartut aalajangiiffisassaattut siunnersuut Naalakkersuisut peqquneqarnissaat pillugu sulissutigeqqullugu erngup nukinganik iluaquteqarluni nukissiorfiliornissaq Qasigiannuanut aamma Aasiannut pilersuisussamik, aamma Nuup erngup nukinganik iluaquteqarluni pilersorneqarnerata annertusineqarnissaanik Inatsisartut aappassaaneerinninnermini akuersissutigaat, ilaatigut tullinnguuttutigit maleruagassalerlugu:

- Inuiaqatigiinnut akilersinnaaneranut kingunissanik nalilersuinernit saqqummiussami ilitsersuut ilaatinneqassasoq, ernialersuineq ilanngullugu.
- Naalakkersuisut kingusinnerpaamik UKA 2020-mi sanaartornissamut siunnersuummik saqqummiussaqaapput, aningaasalersuinissamut, ingerlatsinissamut aamma piginnittuunermullu tunngasunik, tassungalu inatsisitigit tunngavissanik psiariaqartitanik Naalakkersuisut suliaqarnermik aallartitsissapput.

Aalajangiiffisassatut siunnersuutikkut 153-ikkut aammattaq taaneqarpoq, Maniitsumi, Paamiuni Nanortalimmilu erngup nukinga atorlugu nukissiorfinnik sanaartornissamik Naalakkersuisut suliaqassasut. Nalilersuillunili sulineq pingaarnersiorneqangikkuni piffissamik tiguisarpoq, aammalu Nuummi, Aasianni-Qasigiannuani erngup nukinga atorlugu nukissiorfinnik aningaasalersuineq pillugu aalajangiisoqareersimasinnaanera navianaateqarsinnaavoq, sanaartornissat sinnerinik nalilersuinerit suli naammassinngitsut.

Kalaallit Nunaanni erngup nukinganik nukissiuuteqarnermut siunissami aningaasaliinissaq 3 milliardit tikillugit akeqartussaasoq, aammalu Maniitsumi erngup nukinga atorlugu suliniut ilanngukkaanni 3,7 milliardit qanillattortoq, Kalaallit Nunaanni Mittarfinnut nutaanut Kalaallit Airports A/S aningaasalersuinissamik pilersaarutaannut tunngatillugu assingusorujusuusoq, takuuk ukiumut naatsorsuutaat 2018-imeersoq, pillugu KNR-ikkut allaaserisanik arlalinnik aammalu Kalaallit Nunaanni Namminersorlutik Oqartussanit naqitanik saqqummiussamik 2019-imi ukiakkut takkuttoqarpoq. Aningaasaliinissamut pilersaarutit taakkuinnaat annertussusaasa pisariaqartilerpaat, suliniutinik eqqortumik pingaarnersiunissaq, taamaalilluni sanaartornissamut aningaasaliissutaasunik taarsiilluni akiliinisaq aammalu siunissami ingerlatsinermi aningaasartuutissat nuna tamakkerlugu atuisunit akilerneqassallutik, nuna tamakkerlugu sullissinermut Nukissiorfinnut akimik assigiimmik eqqussisoqarnikummat.

(Takuuk ilanngussa) Qasigiannugit Aasiaallu eqqaanni erngup nukinga atorlugu nukissiorfimmuut aningaasaliinissaq pillugu www.knr.gl-imi allaaserisaq 2019-imi oktobarip qulinganeersoq ilaatigut Aasiaat-Qasigiannugit pillugit erngup nukinga atorlugu nukissiuuteqarfimmuut missingersuut pillugu imatoqqissaq allassimasoqarpoq:

"Nukissiuutit 2030-imi sapinngisamik piujuaannartitsinermik aallaaveqartuunissaat. Naalakkersuisut anguniagaraat.

Nukissiuuteqarnermullu naalakkersuisoq Jess Svane naapertorlugu, tamanna anguneqariartorpoq. Qasigiannuanut Aasiannullu pilersuisussamik erngup nukinganik nukissiorfiliornissaq, Nuummilu erngup nukinganik nukissiorfiup allilernissaa Naalakkersuisut sulissutigaat...Kisianni sanaartornissanut

aalliliinissamullu aningaasat suminngaanniissappat? Naalakkersuisut naatsorsuinerat malillugu tre milliard koruuninik nassaartoqassaaq. Inatsisartut toqqagaat Naalakkersuisut nukissiorfiliornissamut alliliinissamullu siunnersuusiorderminni tunngavigissavaat. Taakkulu sanaartordermut ataatsimiititaliamit maanna misissorneqarput, Inatsisartut toqqagaat Naalakkersuisut nukissiorfiliornissamut alliliinissamullu siunnersuusiorderminni tunngavigissavaat....
Siunnersuut taanna kingusinnerpaamik aappaagu ukiakkut ataatsimiinnissami saqqummiunneqassaaq.
Qasigiannugit eqqaanni nukissiorfik ukiut 22-t ingerlaneranni 217 millionit koruuninik annaasaqarfiussangatinneqarpoq...”

Allaaserisami 3 milliard koruunit taakkartorneqartut Nuup aamma Aasiaat eqqaanni erngup nukinga atorlugu nukissiorfinnik alliliinissatullu pilersaarutaasunik aningaasat inernerat eqquutipajaarpoq, ilanngussaq 2-mi Nukissiorfiit nassuiaataanni marluullutik 2,8 mia. koruuninik akeqassallutik. Allasserisap sinnerani Nuummi erngup nukinga atorlugu nukissiorfimmik alliliinissaq ilanngullugu aningaasalersuinissamut tunngasut pineqarput, taamaalluni suliniutaasut marluullutik 248 mio. koruuninik sinneqartoorutaassallutik.

Allatut oqaatigalugu aningaasaqarneq eqqarsaatigalugu, suliniutip sinneqartoorutaasussap ilannguani suliniummik amigartoorutaasussamik sanaartortoqarniarpoq. Allaaserisap apequtissaqartitsilerpoq, Qasigiannugit-Aasiaat suliniummut sanilliullugu inuiaqatigiinnut aningaasaqarnikkut imminut akilersinnaanerusumik erngup nukinganik nukissiummik suliniummik allamik nassaartoqarsinnaanginnersoq. Tamanna nassaassaappat, soorunalimi malitsigissavaa, erngup nukinga atorlugu nukissiuutit avatangiisitigullu suliniutit sinneri, Qasigiannugit-Aasiaat suliniummi aningaasaqarnikkut imminut akilersinnaanngitsut, kisianni avatangiisitigut politikkikkut pingaaruteqartuusut, malitsigisaanik suliniutinit aningaasaqarnikkut imminut akilersinnaasunit isertitat aqutigalugit sukkanerusumik suliarineqarsinnaapput.

Allaaserisami Nukissiorfinnit allaaserisap Qasigiannugit-Aasiaat suliniut pillugu tullinnguuttutigit ilaatigut inernilerneqarpoq:

”Erngup nukinga atorlugu nukissiorfiup Qasigiannugit-Aaisaat qullernut, nukinnut kissamullu nukinnik atuinerup tamakkiisup 95 procentiata missaa matussusissavaa. Ullumikkut inuit ataasiakkaat kissarsuutimmik kissamik atortagaasa annersaanik imaqarpoq. Erngup nukinga atorlugu nukissiorfiup ilaatut illunut erngup nukinga atorlugu nukissiorfimmit aallaavilimmik kissamik pilersuineramik plilersitsisoqassaaq, taannalu sullitanut ataasiakkaanut soorluttaa inuiaqatigiinnut iluaqutaassasoq. Sumi tamani periarfissaqarfiani nukissiuutit ataavartut pillugit Nukissamik- aamma Imerkik pilersuinermit Nuna tamakkerlugu pingaarnertut anguniakkap anguneqarnissaanut, suliniutit aalajangiisuullunilu alloriarnerussaaq pisariaqartoq....Qasigiannugit-Aasiaat erngup nukinganik nukissiorfiinnarmut 1,1-1,2 mia. koruunninik aningaasaliiffiqineqarnissaanik pisariaqartutut naatsorsuutigineqarpoq, aammalu illoqarfinni marluusuni innaallagissamut aqutininik ingerlatsinermillu tulluarsaanermut sulii 0,2-0,3 mia. koruunit. Inuiaqatigiit aningaasaqarneranni maannakkut inuiaqatigiit ineriartorderanni uuliamullu akigitinneqartut atuuttunik, suliniut akigititani aalajangersimasuni 217 mio. koruuninik amigartoorfitsissaaq....”

**Kommunalbestyrelsep februarip 27-ani 2020-imi ileqquusumik ataatsiminnerata 01/2020
imaqarniliornera**

Iniuqatigiit aningaasaqarnerannik misissuineq pilugu Nukissiorfiit nalunaarutaat naapertorlugu misissuineq ukiut 22-t atorpeqarsimapput, aammalu taaneqarpoq, erngup nukinga atorlugu nukissiuutit sivsunerungaatsiartumik piusinnaasut aammlau taamaattumik inuiaqatigiit aningaasaqarnerat pillugu nalilersuinerup kingorna sinneruttumik naleqarnerussalluni.

Nukissiorfiit nittartagaat aallerfigalugu ullumikkut erngup nukinga atorlugu nukissiorfiit makkuupput:

Ateq	Pilersuiffiusoq	Atulerpoq	Alliliineq:	megawatt- inngorlugu piginnaasaat	Nalinga katillugu (mio kr., 2017-imi akit)
Utoqqarmiut Kangerluarsunnguut	Nuuk	1993	2008	45	1.730
Tasiilaq	Tasiilaq	2004	(2017- 2021)	1,2	84
Qorlortorsuaq	Narsaq aamma Qaqortoq	2008		7,6	401
Sisimiut	Sisimiut	2010		15	598
Paakitsoq	Ilulissat	2013		22,5	670
katillugit				91,3	3.483

Nukissiorfiit nukissamik matussusiinissamut pisariaqartitaata matussusernissaanut ikuallaavinnik sanaartugassatut pilersaarutaasunit nukimmik aningaasaqarnikkullu naatsorsuineq pillugu imaqartumik eqqagassalerinermut pilersaarummik siusinnerusukku TAISIS suliaqarnikuuvoq, tassungalu atatillugu ilanngussaq 5-mi takuneqarsinnaasumi Maniitsup eqqaani Kangerluarsuk-mi erngup nukinga atorlugu nukissiorfiusinnaasutut periarfissamik ilisimasaqalernikuulluni. Takuuk ilanngussaq 4 "Kalaallit Nunaanni erngup nukinga atorlugu nukissat" Maniitsumi erngup nukinga atorlugu nukissiorfik Sisimiuni erngup nukinga atorlugu nukissiorfimmi pioreersutuulli assingusumik piginnaasaqassaaq, illoqarfimmut ungasissusissaa assigingajallugu, taamaattumillu sanaartorneqarnissaanik aningaasat assigiingajassallutik. Takuuk allaaserisaq, UKA 2020-mi Inatsisartut aatsaat erngup nukinga atorlugu nukissiuutit eqqartussavaat, aammalu erngup nukinga atorlugu nukissiorfiit sumiluunniit inissinneqaralarunik, pilersaarusiernerup piffissaata kingorna aatsaat 2022-mi missaani aallartinneqarsinnaasut ilimagineqarpoq. 2017-imit Nukissiorfiit naliliinerata kingornali aningaasat nalingata annertusiartornerannik ilaneqarpat, Maniitsup eqqaani Kangerluarsuk eqqaani erngup nukinga atorlugu nukissiorfik 660 mio. koruuninik missiliorneqarnissaa naatsorsorneqarsinnaavoq. Maniitsup eqqaani Kangerluarsummi erngup nukinga atorlugu nukissiorfik taamaalilluni suliniutitut imminut akilersinnaasutut isikkoqarpoq, Qasigiannuit-Aasiaat suliniutitut annertutigisumik avatangiisitigut politikkaa minnerpaamik annertoqatigalugu.

Maniitsup eqqaani erngup nukinga atorlugu nukissiorfimmi missiliuut tatiginartutut naatsorsuutigisariaqarpoq, Sisimiut eqqaani erngup nukinga atorlugu nukissiorfimmi pioreersumik illoqarfimmut ungasissusaanut pissutsit atugassarititaasut toqqaannartumik sanilliunneqarsinnaammata, tassunga ilanngullugit annikitsumik sapsuornerit, aammalu tatsimit tigooraaffiusumit nukissiorfiup eqqaani kuuffiup aniaffianut ungasissusaa minnerulluni, taamaattorli illoqarfimmut innaallagissamik pilersuinissamut pilersuinerup aqqutinut kangerluk ikaagassaq takinerulluni. Taamaattorli assigiimmik tunngavilimmik erngup nukinganik

periarfissanik sanilliussiumagaanni, siunnersortinit aningaasaqarnikkut naatsorsuutininik pissarsinissaq pisariaqassaaq.

Uani suliame saqqummiussami aamma Kalaallit Nunaata paasissutissanut qitiusoqarfianut aningaasaliffissatut Kalaallit Nunaanni Namminersorlutik Oqartussat nittarsaassinissaannik ukkataqarnerat aammattaaq eqqarsaatigineqarnikuuvoq, aallaqqaammut nunami Qarasaasiaqarnikkut attaveqatigiinnermik amigaateqarnerujussuaq aammalu paasissutissanik qitiusoqarfiup sullitaanut ungasissutsip annertuallaarnera pissutaalluni suliniutitut isumalluarnanngitsutut isikkoqartoq, kisianni taamaattoq piffissaq qaninnerusoq isigalugu teknologit nutaanerpaat ukiumi makkunani ineriartortinneqartut akuutinneqalersullu pissutigalugit pitsaalluinnartumik aningaasaliinerusussaq.

Maleruagassatigut tunngavigisaaq

Kiassaateqarfinnik ingerlatsinermut aserfallatsaaliinermullu - kiisalu kiammik pilersuinermut Nukissiorfiit akisussaapput.

- Nukissiorfiit tunniussisarnermut piumasqaataat
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.

Pissutsit atuuttut

(takuuk ilanngussaaq) Kalaallit Nunaanni Namminersorlutik Oqartussat nukissiornermut nuna tamakkerlugu pilersaarutaat, erngup nukinga atorlugu nukissiorneq pillugu attuumassutilimmik ima allanneqarpoq:


”6.8 Najugaqarfiit amerlanerit erngup nukinganik nukissiuuteqarnermik pilersorneqassapput Nukissiuuteqarnermik pilersuinermi erngup nukingata suli annertusiartuinnartumik matussusiinissaa qulakkeerniarlugu ukiut tamaasa erngup nukinganik nukissiorfiup tulliata sanaartornissaa sumut inississallugu tulluurtuussaneranik misissuinerit ingerlanneqartassapput. Aningaasaqarnikkut illersorneqarsinnaassappat erngup nukinganik nukissiorfiit nutaat najugaqarfinnik anginerusunik mikinerusunillu pilersuinissamat sanaartorneqartuassapput. Suliniutit nukissiuuteqarnermut akigititanik qaffakkiartortunik nassataqassannginnerat qulakkeerniarlugu suliniutit ataasiakkaat ingerlanneqarneri sioqqullugit teknikkikkut iluarsissutitsialannik aningaasaliinissamullu ilusinik tulluurtunik nassaarisqaarnissaaq Naalakkersuisut sammisariniarpaat. Tamanna assersuutigalugu suliffeqarfiit ataavartumik nukissiuuteqarnermik pilersuisoqarnissamik soqutiginnittut, imaluunniit avataanit aningaasaliisartut, sumiiffinni pineqartuni erngup nukinganik pilersuiviliornermi niuerfissamik takunnittunik suleqatigiinnerusinnaavoq... Aasiaat aamma Qasigiannugit nukissiuuteqarnermik ataavartumik pilersornissaannut periarfissaasunik Naalakkersuisut 2017-imi misissueqqissaarinerit naammassiniarpaat. Erngup nukinganik nukissiorfiliornermi, allatullu qinikkatut ataavartut nukissiuuteqarnermik pilersuinermut ilusinik allanik sanaartornermik aamma/imaluunniit nukissiuuteqarnermik sipaaruteqarfiusunik suliaqarnermik sunik sunniuteqartoqassasoq misissorneqarsimavoq. Maniitsoq

Siusinnerusukkut Maniitsup eqqaani inuussutissarsiornermi suliffeqarfiit anginerusut erngup nukinganik nukissiorfittut suliniutinik pilersitsinissaat naatsorsuutaasimavoq. Maniitsup aamma Nuup akornanni erngup nukinganik nukissiornissamat piukkunnaatit annertummata taakkuninnga atuinissaq pillugu, sumiiffimmi innuttaasunik pilersuinermik ataqatigiissillugu suliffeqarfinnik suleqateqarnissaaq periarfissatsialaassaaq. Taamaattorli illoqarfiup qanittuani erngup nukinganik nukissiornissamik piukkunnaatilinnit mikinerusunit marlunnit

Maniitsumut erngup nukinganik nukissiuuteqarnermik pilersuisoqarsinnaanersoq aamma misissorqarpoq.

...12.4 Erngup nukinganik nukissiorfinni nutaani aningaasaliinerit
Maannakkut erngup nukinganik nukissiorsinnaassutsikkut ungasissumit kiassarnermut aamma qaminneqarsinnaasutut innaallagissamit kiassarnermut 100 mio. kr.-t missaannik aningaasaliisoqassappat kiassarnermut tunisarisaq ukiumut 50 GWh-it missaannut annertusarneqarsinnaasoq nalilersuutigineqarpoq. Tassunga atatillugu Nukissiorfiit isertitaat amerlissapput, tamanna suliniutini allani aningaasaliinissamik periarfissiissalluni, allatullu qinigassatut Nukissiorfiit ikiorsiissutaanni atuisartunut akigititani annikillisitsinernik, taarsigassarsianut piffissamut ungasissumut akilerneqarnissaannut killilikkanik akiliutigisartakkanik amerlisaanernik il.il.. Aasianni-Qasigianguani, Maniitsumi, Paamiuni aamma Nanortalimmi erngup nukinganik nukissiorfiusinnaasut nutaat tamakkerlutik Nukissiorfimmuut nukissiornermit ataavartumit nukissiorneq ukiumut 110 GWh-it missaannik annertusaasinnaanissaat naliliiffigineqarput. Ingerlatsivinnut taakkununga tamakkiisumik aki 2 mia. kr.-t missaannut missiliuutaavoq. Nukissap affaata missaa innaallagissamik niuffaffimmuut, affaalu kiassarnermik niuffaffimmuut tunisassiarineqassaaq....”

Nukissiorfiit nalunaarusiaanni imm. 2.2-mi siunissami nukissamik pilersiuernermit nukissiuuteqarnermut teknologimik sorlormik nalilersuinermit innuttaasut amerlassusaasi ineriartornerat nukissamillu atuinerisa naatsorsorneqarnerat apeqqutaajumaartoq, aammalu pingaaruteqartoq, ukiuni tulliuuttuni 25-ni 40-ni minnerpaamik naatsorsuutigisariaqarmat, tunisamut aningaasaliinerup naapertuunnissaa, nukissiuutit pilersinneqarnerani aningaasartuutaasut piusinnaanissaanullu naatsorsuutigisat peqqutigalugit. Nunatta Naatsorsueqqissaartarfiani aallerfilerluni innuttaasut ineriartornerat qiviraanni, 1994-imiit maannakkumut titartakkami 1-imi takuneqarsinnaavoq, Maniitsumi innuttaasut ineriartornerat tamakkiisoq Qasigianguanik Aasianniillu amerlassusaattut annertutigisumik ineriartorfiusimasoq, piffisap ingerlanerani nalimmattumik inuerukkiartortoqarsimalluni. Qasigianguani Aasiannilu aningaasaliinissaq isumannangitsoq Namminersorlutik Oqartussat nalilerpassuk, taamatut isiginnilluni naatsorsuutigineqartariaqarpoq, tamanna Maniitsoq eqqarsaatigalugu pisinnaasoq. Ingammik Maniitsumi inuussutissarsiornerup iluani ukiuni ikingullerni aalisarnermik inuussutissarsiuuteqarneq siuariartorfiunikuuvoq, aammalu immikkoortoq taanna naleqanngitsunut innaallagissamik, kiassarnermik imermillu pilersuineri nukissiuutini atuarfiusarpoq. Illuatunga atigut Kalaallit Nunaanni naatsorsueqqissaartarfik malillugu 2019-imi januaarip aallaqqaataani Qasigianguani innuttaasut amerlassusaat inuit 1075 amerlassueqarput, 1994-imiilli inunnik 1543-nik annertuumik appariaateqartut procentinngorlugu 30 procenti. Innuttaasut amerlassusaat eqqarsaatigalugu ikittuaraannaapput aammalu sulii annertuumik ikiliartortutut ingerlasumi, sumiiffimmuut taamak annertutigisumik aningaasaliissalluni eqqarsarluarnerunersoq pillugu apeqquserneqarsinnaavoq.



Titartagaq 1: Ukiuni 1994-imiit 2019-imut Maniitsumi aamma Qasigiannuit+Aasiaat innuttaasut amerlassusaat.

Takuuk Nukissiorfiit nassuiaataanni imm. 2.4.2 Qasigiannuit-Aasianni erngup nukinganik periarfissat ukiumut 94 GWh-mi inissisimassapput, erngup tikinneqarsinnaasup annertussusaa tunngavigalugu. Erngup nukinga atorlugu nukissiorfiup tunniussinnaasaa 15 MW-nik annertussuseqassaaq, taamallu ukioq tamaat 100 procentimik ingerlassaguni, 131 GWh missaani tunniussisinnaassalluni. Kisitsisit ilisimaleriikkani tamaasa katikkaanni, nukissiorfiup illoqarfimmut marluusunut pisariaqartitaasa 95 procenta tunniussinnaassagaa naatsorsorneqarpoq. Taamaattorli Kalaallit Nunaanni naatsorsueqqissaartarfimmit 2016-imeersunit atuisut kisitsisaat kingullernik takutitsisoq titartagaq 2 qivaraanni, illoqarfiit marluusut 2016-imi 45 GWh-mik atuiffiusimapput. Erngup nukinga atorlugu nukissiorfimmit tuniussinnaasap sinnilerujussuup sinnera taamaalilluni inuit ataasiakkaat piorsallu illuutaasa kissarsuutaanni uuliatortunit taarsersuinermit pinissaa ilimagisariaqarpoq, tamannalu piviusunnngortinnissaa ukiorpassuussapput, innaallagissamut kissarsuutit uuliatortunik pitsaanerusunik akikinnerusunillu taarsersuinermit kajumissuseqartoqassappat. Sumiiffimmi kukkusumi aningaasalersuisoqaannassappat, appariartornermiit atuisunut akitigitat nalorninangitsumik qaffakkaluttuinnassapput, uulia atorlugu kissarsuutinit taasiinissamit kajuminnermik peersitsisumik.

Ilangussaq 4 "Kalaallit Nunaanni Erngup nukinganik pisuussutit" tassani takuneqarsinaavoq, Maniitsup eqqaani "Qapiarfiusaap Sermia" Erngup nukinga atorlugu nukissiorfiup periarfissaq, ilangussami 5-imi nuap immikkoortortaatu "7A+b"-tut takutinneqartoq, taanna takillugu 14,5MW-mik sunniuteqarsinnaavoq, aamma tatsip eqqaani imermik kuuttoqarpallaarani, kisianni sermip uukkartartup angisuup iluani inissisimalluni aammalu portunerungaatsiartumik nakkarfeqarluni, imeq kuuttumut annikillisinnaasut taarsiisumik. Katillugu ukiumut nukissamik 68 GWh-mik tunisassiorarnissaq naatsorsuutaavoq. Taamaalilluni Maniitsup eqqaani erngup nukinga atorlugu nukissiorfiup Maniitsup pisariaqartitaanik pilersiusinnaavoq. Titartakkap 2 takutippaa, Nukissiorfiit pilersuinermit aqquataanni 2016-imi 32 GWh-mik ukiumut atuisoqarsimasoq, aammalu inuit ataasiakkaat pisortallu illuutaasa ullumikkut uuliatortumik kissarsuutilinni kiassaanermik tunngaveqartumik innaallagissamut ikaarsaanermut sinnerusumik annertuumik peqassaaq. Kiassarneq pillugu immikkut kissamik pisariaqartitsineq pillugu aasaanerata ukiuneratalu akornanni annertuumik nikingasoqarpoq, aammalu illoqarfimmi

kiassaanissamik pisariaqartitsinermit pilersuunissap annertussusaanut tunngatillugu nukissiorfiup sunniutissaanik aamma nukissiorfiup imermik tunniussinnaasaani annertuumik isumaqarpoq, tamannalu Kalaallit Nunanni erngup nukinga atorlugu nukissiorfiit sinnerinut aamma pisuussaaq.

Nuup eqqaani erngup nukinga atorlugu nukissiorfimmik alliliineq pillugu Nuummi aaqqiissummik 100 procentmik Nukissiorfiit nassuiaataat malillugu sulisoqarpoq, tassani aningaasaliissut tamakkiisumik atorneqarlutik, Maniitsumi ataatsimoorussamik erngup nukinganik nukissiorfimmik nutaamik angisuumik ukkassiffiunngitsumik (qulaani taakkartorneqartoq Kangerluarsuk eqqaani erngup nukinganik periarfissat pinnagit, Maniitsup eqqaani erngup nukinganik periarfissat amerlasuujummata. Ilutigittillugu siunissami ikuallaavissat nutaanit tapertaaffeqarnissaq ukkatarineqarpoq.

Qulaaniittut pissutigalugit, Qasigiannugit-Aasiaat eqqaanni erngup nukinganik nukissiorfimmik sanaartornissamut politikkikkut aningaasanik immikkoortitsinnginnermi, Maniitsup eqqaani erngup nukinganik nukissiorfik annertunerusumik qiviaqqaarnissaa tamakkiinerussagaluarpoq.

Inuusutissarsiornermut Nukissiuteqarnermut Ilisimatusarnermut Suliffeqarnermullu Naalakkersuisoqarfimmit Informationsavisen "Siunissamut erngup nukinga" saqqummersitaa Kalaallit Nunaanni erngup nukinga atorlugu nukissiorfiit pillugit allaaserisanik arlalinnik imaqarpoq, ingammillu Qasigiannugit-Aasiaat, Nuuk kiisalu Maniitsup aamma Nuup eqqaani erngup nukinganik nukissiorfissatut periarfissat suliffissuit nukissamik pisariaqartitsisut atuumassutilit eqqartorneqarlutik. Ilaatigut allassimasoqarpoq, nunarsuaq tamakkerlugu paasisutissanik suliffissuaqarfimmut sammisunik suliniutinik nittarsaassinermit atatillugu erngup nukinanik periarfissani erseqqissaasoqarsinnaasoq. Takuuk informationsavisen aammalu nukissiuutit pillugit nuna tamakkerlugu pilersaarut, Maniitsup eqqaani erngup nukinganik nukissiorfimmi periarfissami 650 MW-mik tunniussisinnaavoq, taannalu suliffissuaqarfimmut sammisumik nuna tamakkerlugu nukissiuutit annerpaartarissavaat.

Erngup nukinganik periarfissat taakkartorneqartut nunap tamakkiisup pisariaqartitaanik annertunerujussuupput. Takuuk titartagaq 2, 2016-imi nunami Nukissiorfiit nukissamik tunisaat tamakkiisoq 636.754 MWh-juvoq, aammalu erngup nukinganik nukissiorfiup ukiumut tunniussinnaasaa 650 MW-usoq ilanngukkaanni, taava 5.694.000-uvoq. Erngup nukinganik nukissiorfiup suliffissuarnut atuumassuteqartutut taakkartorneqartup tunniussinnaasaata taamaallaat 11 procentia nuna tamakkerlugu nukissamik pisariaqartinneqarpoq. Ilangussaq 4 "Kalaallit Nunaanni Erngup nukinga atorlugu nukissiorfiit*" Nuup Maniitsullu qanittuani suliffissuarnut siunertalinnut erngup nukinganik periarfissatut aamma taakkartorneqarput, annikitsunnguamik aningaasartuuteqarluni sanaartorneqarsinnaasut. Tunniussinnaasat 500.000, 1.000.000-itut taakkartorneqarput, kiisalu 2.500.000 MWh, sulilu qaninnerusoq ungasinnerusorlu isigalugit nunap immikkoortuata pisariaqartitaanit annertunerujussuulluni.

Atuilluartuunissakkut kingunerisinnaasai

Erngup nukinganik nukissiorfinnik aamma nukissamik atuilluartumik aningaasaqarnikkut avatangiisitigullu atuilluartuunera Namminersorlutik Oqartussat Nuna tamakkerlugu pilersaarutaanni pitsaasumik ersarsissumilu nassuiarneqarnikuuvoq, takuuk ilangussaq 3. Avatangiisinut pinnatassat taakkuunissaat naatsorsuutigalugu, qaninnerusoq ungasinnerusorlu isigalugit aalajangiisuuvoq, suliniutinut aningaasaqarnikkut imminut akilerluarsinnaasunut

aningsaasaliinissaq, taamaalilluni aningsaatigut atugassat eqqarsaatigalugit avatangiisitigut anguniakkanik angusanik ingerlaavartumik appartitsisoqarsinnaaniassammat.

Aningsaasaqarnikkut allaffissornikkullu kingunerisinaasai

Erngup nukinga atorlugu nukissiorfinnik innaallagissiorfinnillu atuisunullu toqqaannartumik kommuni ataasiakkaat ingerlatsisuunatillu tuniniaasuunngimmata, aningsaasaqarnikkut atugassanut kommuninut ataasiakkaanut toqqaannartumik aningsaasaqarnikkut kingunissaqanngilaq. Taamaattorli Nukissiorfiit Namminersorlutillu Oqartussat aningsaasaliissuteqarput, tassanngaanniillu atuisunut akigititanut kinguneqarluni, atuisutut kommuninut toqqaannartuunngitsumik kinguneqarluni, tassanngaanniillu aamma innuttarisaanut.

Ullumikkumut sanilliullugu pingaaruteqalersussamik, ikuallaavinnit kissamik sinnerusuttumik maannakkut atuuttumik siunissamilu tunissisarnissaq nipilersoqataavoq.

Takuuk Namminersorlutik Oqartussat Nukissiorneq pillugu nuna tamakkerlugu pilersaarutaat aamma Nukissiorfiit atuisunut akigititaat, nukissamik pilersuineq pillugu kalaallinut atuisunut tamanut akimik assigiissitsinermik eqqussisoqarnikuuvoq, taamaalilluni Kalaallit Nunaanni kikkut tamarmik illoqarfimmi erngup nukinga atorlugu nukissiorfilimmiikkunik imaluunniit illoqarfimmi nukissiorfilimmiikkunik atuisutut akimik asigiimmik akiliisussaallutik.

Atuisutut akigititat apparnissaanut imaluunniit pisariaqanngitsumik qaffannissaanut soqutiginnikkaanni, taava Kalaallit Nunaanni tamarmi, kommunimi sorlermiluunniit najugaqaraluaanni, sumiffinni eqqortuni erngup nukinga atorlugu nukissiorfimmik, atuisunut akigititanik qaffaanernik pisariaqanngitsunik tunniussaartussamut, sanaartortoqarnissaanut aningsaatigut soqutigisaqartoqartussaavoq.

Namminersorlutik Oqartussat Nukissiorneq pillugu nuna tamakkerlugu pilersaarutaanni allassimavoq:

- Erngup nukingata nukissiornermik pilersuineramik annertusigaluttuinnartumik matussuseriartorpa, tamatumani erngup nukinga atorlugu nukissiorfiit ingerlaavartumik inoqarfinnut anginerusunut minnerusunullu pilersuinissamut pilersinneqassallutik, aningsaasaqarnikkut imminut illersorsinnaassappat.
- Suliniutit nukissanut akinik qaffakkaluttuinnartunik malitseqassanngillat, suliniutit ataasiakkaat ingerlanneqalinnginnerini teknikkikkut aaqiissutinik pitsaasunik aamma aningaasalersueriaatsinik tulluurtunik nassaarnissaq Naalakkersuisut ukkatarivaat.

Immaqa aningsaasaqarnikkut imminut akilersinnaanerusut erngup nukinga atorlugu nukissiorfissatut periarfissat sioqqullugit Aasiaat-Qasigiannugit erngup nukinga atorlugu nukissiorfimmik soq sanaartortoqassanersoq apeqquserneqarsinnaavoq.

Kalaallit Nunaanni Naatsorsueqqissaartarfiup kingullermik 2016-imi naatsorsuinerata tunisinermi kisitsit, nuna tamakkerlugu, Qasigiannugit+Aasiaat katinneri kiisalu Maniitsumi kWh-mik paasissutissat titartagaq 2 takutippai. Kiassaateqarfinnit kiassaaneq ilanngunneqarpoq, taanna erngup nukinga atorlugu nukissiorfimmik pilersitsinerup kingorna innaallagissatut nukissamik ilaatinneqartariaqarmat, taamaalillunilu qaninnerusoq isigalugu uuliamik aallaavimmiit maannakkut kiasateqarfimmi pioreersumi kiassarnermik aallaavilimmut ukaarsaarnermik kinguneqassammat.

**Kommunalbestyrelsip februarip 27-ani 2020-imi ileqquusumik ataatsimiinnerata 01/2020
imaqarniliornera**

Nukissiorfinnit tunisat 2016-imersut	Kalaallit Nunaat tamakkerlugu	Maniitsoq	Procentinngorlugit	QAS aamma Aas	Procentinngorlugit
akigititaq nal.innaall. aqqusin.qulliit [kWh]	188.103.694	7.559.943	4,0	14.952.375	7,9
Aalisakkerivinnut innaallagiaq [kWh]	38.988.785	3.103.993	8,0	5.277.686	13,5
Innaallagissamik kiassarneq [kWh]	105.286.464	0	0,0	-	0,0
Kiassaateqarfinit kiassarneq [kWh]	204.375.040	21.444.059	10,5	21.726.840	10,6
Katillugit	536.753.983	32.107.995	6,0	41.956.901	7,8

Titartagaq 2: 2016-imi atuisunut kisitsisit Kalaallit Nunaanni naatsorsueqqissaartarfimmit tigusat, aammalu Qasigiannuaniit Aasianniillu inernera takusinnaajumallugu suliareqqitat.

Maanna akinik assigiissitsineq malillugu 2016-imiit Nukissiorfinnit tunisat	Kalaallit Nunaat tamakkerlugu	2019-imi assigiimmik akeqartitsineq siumut inissitaq
Nalinginnaasumik akimut innaallagiaq aqqusinermilu qulliit [kr]	310.371.095	kWh-mut 1,65 kr.
Aalisakkerivinnut innaallagiaq [kr]	28.949.173	Sumiiffinni ataasiakkaani aningaasartuutit Nukissiorfinnit nalinginaasumik 45 prc akilerneqartarpoq. Ajornaatsumik naatsorsuinermit nalinginnaasumit akimit 45 prc naatsorsorneqartarpoq.
Innaallagissamit kiassarneq [kr]	71.594.796	kWh-mut 0,68 kr.
Kiassaateqarfinit kissaq [kr]	151.237.530	45 kWh-mut 0,74 kr.
Katillugit	562.152.593	

Titartagaq 2b: 2019-imi assigiimmik akeqartitsinermit systemi malillugu kWh-mik tunisat kisitsisaat koruuninngortillugit nuna tamakkerlugummiit ajornaatsumik nuutsitat. Tunisat kisitsisaat eqqoqqissaartut Nukissiorfinnit pissarsiarineqarnikuunngillat, kisianni titartagaq 2 malillugu atuisunut kisitsisit malillugit naatsorsuineq ingerlanneqarpoq.

Nukissiorfiit nalunaarusiaat innuttaasunik kisitsisinik suliaavoq, illut angerlarsimaffiit ataasiakkaat aammalu illut sinnerisa uuliatortumik kissaarsuutillit atuianerannut eqqoqqissaartumik naatsorsuutunik peqartoqarsimannginneranik ilimanaatilimmik.

Erngup nukinga atorlugu nukisarfimmik imma sanaartortoqaraluartorluunniit, ungasinnerusoq isigalugu uuliatortunit kissarsuutiniit innaallagissatortumik kiassarnissamut ikaarsaartoqarnissaa naatsorsuutigineqarsinnaavoq, atuneq kingulleq pillugu naatsorsuutit Nukissiorfinnit tunisalik kisitsisinik aallaaveqartut. Taava kisitsisit taakku kisitsisit tunngavittut atorneqarsinnaapput, angerlarsimaffinnik kiassarnermit uuliatortumik kissarsuummiit innaallagissamik aallaavilimmik

**Kommunalbestyrelsis februarip 27-ani 2020-imi ileqquusumik ataatsimiinnerata 01/2020
imaqarniliornera**

ikaarsaarnaq sivisusinnaammat, aammalu aningaasalersuinissaq eqqarsaatigalugu erngup nukinga atorlugu nukissiorfimmut aningaalisiinissamat attuumassuteqannginnissaa naatsorsuutigineqarsinnaammat.

Erngup nukinga atorlugu nukissiorfik	Missiliuut [kr]	Ukiuni 20-ni akilersuinermi missiliuutinik ukiumut agguataarineq [kr]	Nuna tamakkerlugu sanilliullugu tunisanit aningaasaleeqataassutit [%]	Nukissiorfimmit pilersorneqanngitsunit, aningaasaliissutit atuisut sinnerinut artukkiisinaanerat [kr]
Maniitsoq	650.000.000	31.500.000	6,0	30.550.000
Qasigiannugit	1.500.000.000	75.000.000	7,8	70.500.000

Eqitsit 3: Erngup nukinga atorlugu nukissiorfimmut aningaasaliinerit, taakkulu atuisunut aningaasaqarnikkut pingaaruteqassusaa.

Eqitsit 3 takugaanni, Maniitsoq aamma Aasiaat-Qasigiannugit eqqaanni erngup nukinganik nukissiorfinnik missiliuutit akornanni nikangassut erngup nukinga atorlugu nukissiorfinnut assigiinnut ukiumut 44 mio. koruunit missaaniissasoq. Nikingassummik sulii qaffaasussaagaluartoq, uani ajornaallisilluni naatsorsuinermi ernianut aningaasaruutit aningaasaliissuteqarnermilu aningaasartuutit sinneri ilanngullugit naatsorsorneqanngillat.

Nikingassut taanna atuisut namminneq akilissappassuk, ajornaallisakkamik naatsorsuinermi paasineqasinnaavoq, titartakkami 2b-mit tunisinermi kisitsisit 562 mio. koruuniusunut sanilliullugu 44 mio. koruunit 7,8 procentusooq. Taamaallilluni inerniliuunneqarsinnaavoq, Maniitsumiunngitsoq Aasiaat-Qasigiannugani erngup nukinga atorlugu nukissiorfimmut sanaartortoqarnissaa salliutinneqassapat, pisariaqanngitsummik atuisut 7,8 procentmik qaffaaffigineqarnissaat takuneqarsinnaavoq.

Allaffeqarfiup naliliinera

Namminersorlutik Oqartussat Nukissiuuteqarneq pillugu nunamut tamarmut pilersaarutikkut anguniagaanni aammalu Nukissiorfiit suliniutinik aningaasaqarnikkut imminut akilersinnaasunik salliutitsillutik ukkataqarneranni sunniukkiartortoq ersarippoq, qaninnerusooq ungasinnerusorlu isigalugit aningaasaqarnikkut isiginninnerulersitsisoq.

Eqqortumik salliutitsisoqarpat aammalu nukissiuuteqarneq pillugu nuna tamakkerlugu pilersaarummi anguniagaasunut akerliusumik aalajangiisooqarani, nukissamik 100 procentmik atuilluartoq pillugu Nukissiuuteqarneq pillugu nuna tamakkerlugu pilersaarutikkut anguniagaasooq pitsaannerusumik periusiussaaq, aammalu sulii inuussutissarsiornerup siuarsarneqarnissaanut tunngatillugu sulianik sulii inissaqartitsisoqarluni.

Kukkusumik salliutitsinikkut suliniutit peqqinnartut ullumikut ingerlanneqarsinnaagaluartut, ungasinnerusooq isigalugu ingerlanneqarsinnaajunnaaratarsinnaaput, kukkusumik salliutitsinerup kingorna aningaasaqarnikkut atugassat pigiunnaarneqariissammata. Nunami attaveqatigiinnermut annertuumut aningaasaliinerit piusut eqqarsaatigalugit, annertuumik aningaasaliinissanut allanut tunngatillugu, eqqortumik pingaarnersiutinissaq aalajangiisuvoq.

Ilutigitillugu paasineqarsinnaavoq, nunarsuaq tamakkerlugu nukissanik pisariaqartitsisut pillugit informationsavisimi "Siunissamat Erngup nukinga atorlugu nukissiorfiit" taaneqartuni nittarsaassinikkut suliniutit Naalakkersuisut ukkataralugit taassat piffissami matumani Nuup eqqaani erngup nukinga atorlugu nukissiorfimmik pioreersumi allfiiinissamat pilersaarut allangortinneqarnissaanut suliniuteqarnissamat tunngaviliinngimmata. Ataatsimut isigalugu nunarsuaq tamakkerlugu suliffeqarfinnik nukinnik atuffiulluartunik isumaqatigiissuteqaqqaaranu suliffissuaqarnermut erngup nukinga atorlugu nukissiorfinnik angisuunik nuna nammineerluni sanartornissaat akisuujussaaq navianarsinnaallunilu, Nuup aamma Maniitsup eqqaani nunap immikkoortuani annertussutsip aammalu nalinginnaasumik pisariaqartitsinerup akornanni annertooujussuarmik assigiinngissuseqarmat, aamma nunap tamarmiusup pisariaqartitaa eqqarsaatigalugu. Nunarsuaq tamakkerlugu angisuunik suliniutaasinnaasut nukissamik pisariaqartitamik kisimi imaqartinneqannngillat, kisianni aamma kulturimut tunngasut, piginnaasatigut tunngasut kiisalu inuiaqatigiinnut tunngatillugu naatsorsuutigisat allaaserisani eqqartorneqannngillat.

Ilangussaq 7 qallunaat nunannit nunanillu allanit aviisini (Ingeniøren, DR, Fjernvarmese Fyn, Reuters aamma Ritzau) allaaserisat takutippaat, nunani avannarlerni Europamilu paasissutissanut centerini aningaasaliinissaq ukkatarineqartoq. Ilaatigut atuarneqarsinnaavoq, sumiiffinni aningaasaliisarnerusuni: Frankfurt-London-Amsterdam-Paris-Dublin-imit paasissutissanik centerinerinik qammaanissaq pillugu nunani avannalerni unammillertoqalereersoq, ilaatigut Atlantiku qulaallugu nunarsuullu sinneranut akimorutumik pitsaasumik internetsikkut attaveqartuusunik. Ukiuni qulikkuutaani kingullerni nunat avannarliit paasissutissiisarnermut centerinik qammaasarnikuupput, nunap imikkoortui nukimmik atuilluartumik neqeroorteqarmata aammalu internetsimut attaveqarnermi manngersunik kabeleqarmata, kiassaateqarfinni pioreersuni saniatigut kissamik pilersuinissamat pisariaqartitsimmata, aammalu Atlantiku nunarsuullu sinneranut internetsikkut attavinni kabelinik annertulaartumik pitsanngorsaaniissaq pilersaarutigineqarmat, Taakku saniatigut nunat avannarliit politikikkut aalajaaffiupput, aammalu nunarsuup sinneranut sanilliullugu nukimmik atuilluartumik ukkataqarlutik. Aammattaaq paasissutissiisarnermik selskabit nukimmik 100 procentimik atuilluartut suliniuteqarfifigaluttuinnaaraat takuneqarsinnaavoq, aammalu atortulersuutiminnit nukimmik maangaannartitserusugatik. Piffissami matumani aammattaaq nukissanik sunniutilinnik aaqqiissutinik annertooujussuarmik ukkataqartoqarpoq, taamaalilluni nukissat atuilluartut suulluunniit CO2-mik aniatitsinermik annikillisaanermit peqataallutik. Immikkut ukkatarineqarpoq, paasissutissiisarnermik centerit kissamik tunisassiornerat kiassarnissamat siunertami 100 procentimik atorneqarnissaa. Danmarkimi suliniutit sanaartorneqartut ataasiakkaat qivieraanni, naliliinernik tullinnguuttunik ilaatigut takkussisoqarsinnaavoq:


1. Facebook odense eqqaani paasissutissanut centerilimik 40 MW-mik nukissarmik pisariaqartitsisumik sanaartorpoq, Nuummi erngup nukinga atorlugu nukissiuuttip pioreersup tunniussinnaasaanit annikinnerulaartoq. Sarfaq Norgemi, Facebook nammineq aamma sanaartornikuusaanik, anorisaatinik innaallagissiuuteqarfimmit aammalu erngup nukinga atorlugu nukissiorfimmit tunniuneqartassaaq. Jyske Vestkysten avis malillugu Norgemi anorisaatinik innaallagissiorfik 294 MW-rujssuarmik sunniuteqartarpoq, taamaalilluni nukissap tunisassiarineqartup sinnera allamut antorneqartarluni. Taamaalilluni paasissutissiisarnermi centerit kissamik sinneruttumik tunisassiorsinnaapput, qallunaat angerlarsimaffiinut 7.000-inut kissamik pilersuinnaanermit naammattumik, Nuummi kiassaateqarfimmit maannakkut atuinermiit annertunerulaartumik, takuuk titartagaq 4. Kingullertut taaneqartoq kissarsuuteqarfimmut 11,5 MW-mik sunniutilittut

annertussuseqarpoq. Tassa imaappoq, uani pisumi Paasissutissiisarnermi centerit nukimmit atuinerisa 28 procentiat atuisunut allanut tuniniarneqarsinnaavoq, aammalu selskabimut nukissamik sipaarutaasinaalluni. Sanaartornermut atatillugu sanaartortitsisup suliniummi akigitinneqartoq isortuunnikuuaa.

2. 4,5 milliard koruuninik akeqartussamik Google Fredericiami datacenterimik sanaartorpoq, immikkoortumi atortulersuutit pigineqareermata. Suliniut sanaartortunik 150-250 tikillugit suliffissanik pilersitsissasoq naatsorsuutigineqarpoq, aammalu malitsigisassai sullissinermut ikiuunnermullu atorfiit ilanngullugit ilimagineqarpoq, suliniut suliffinnik 700-nik pilersitsissasoq. Paasissutissiisarnermi centeri 2021-mi naammassippat, paasissutissiisarnermi centerimi suleqataassut 150-200 missaaniissasut naatsorsuutigineqarpoq.

Datacenterit namminneq sarfamik tunisassiussanerlutik, imaluunniit sarfamut aqqutinit pioreersunit sarfaq pisariaqartitartik pissarsiareriarlugu, kissaq sinneruttoq ungasiaanit kiassarnertut tuniassanerlugu namminneq isumagissavaat. Ungasiaanit kiassarnerpiaq assartorneqarsinnaangilaq, kissamik nukissaq mangaannassanngippat, qanittuani atorneqartariaqarpoq, tamannalu paasissutissiisarnermi centerit soqutigisarinngilaat. Datacenterimut kissaq tunisassarinnaasarpiaata annertoqataa, Kalalalit Nunaata iluani Nuummi 100 procent missaani tiguisarpoq. Taamaattorli paasissutissiisarnermi centerit, Kalalallit Nunaanni erngup nukinganik nukissiorfimmik namminneq sanaartorunik aammattaq sarfamik sinneruttumik tuniiaasarsinnaanerit naatsorsuutigineqarsinnaavoq. Kissaq sinneruttuusinnaasoq tuniarneqarsinnaavoq, Nukissiorfiit ullumikkut atuisunut kisermaassisutut tuniiaasannaasutut sarfamik pisariaqartitsippata. Tuniiaasannaanermut periuseq taanna ikuallaavinnit kissamik sinneruttumik tunisisarneq aqqutigalugu ingerlanneqarpoq.

Nukissiorfiits afsætning af el, vand og varme efter vare, sted og tid



Titartagaq 4: Nuummi atuneq

Naak Kalaallit Nunaat erngup nukinga atorlugu nukissiorfinnut periarfisaqarluarualuartoq, paasissutissiisarnermut centerinut aningaasaliissussanik qammaanissamat tunngatillugu tullinnguuttutigut nuna sanngiiffeqarpoq.

- a. Nukissaq atuilluartoq annertoq pisariaqartoq tamaaniingilaq, kisianni nukissiorfiit Namminersorlutik Oqartussanit allanilluunniit suliaqartunit aatsaat sanaartorneqaqqaassapput. Taamaattoq Facebook Danmarkimi datacenterimut nammineq pigisiaminik Norgemi anorisaatinut parkimik erngullu nukinga atorlugu nukissiorfimmik sananikuvoq.
- b. Amerikap avannaanik Europamillu attaviliisumik, aammalu mianersornarsinnaasut paasineqartumik, aammalu unittoornerup kingorna iluarsaassinermut qaammaterpaalunnik malitseqartartumik, Søkabelimik ataasinnaavimmik peqarpoq selskabimit ataatsimik pigineqartumik:
- c. Danmarkimi paasissutissiisarnermut centerit sanaartorneqartartutut aningaasat eqqarsaatigalugit uuttorneqarsinnaasut, Kalaallit Nunaanni suliniutit angisuut ikittuinnaat suliarineqarnikuupput. Ataatsimulli isigalugu Europami suliniutinut assingusunut sanilliulugu aningaasaliinerit annertunerungaatsiarput, sulisut atorullu assartorneqartussaammata aammalu Europami "ajornangitsumik atorulersuiffiusumi" sanilliullugu tikikkuminaannerusumik sanaartorneq pisussaammat.
- d. Kissamik saniatigut tunisassiassamik kissamik nukissamik tigusinissamat naammattumik angisussuseqartumik, datacenterit tuneqqikkusutaannik tunitsivissaq ataasiinnaavoq. Sumiiffik tassaavoq Nuuk, aammalu maannakkut erngup nukinga atorlugu nukissiorfik allineqassappat pisariaqartitsisoqassanersoq nalorninartorujussuavoq. Nuummi ikualaavik ullumikkut ungasiaanit kiassarnermut tapertaaneq ajortutut isigineqarsinnaavoq.
- e. Datacenterinik ingerlatsinissamat specialistit ilanngullugit suleqataasunik amerlangaatsiartunik qammaassagunik nalilerneqarpoq, Nuummi innuttaasut ilanngullugit innuttaasut ikippallaarpata, aningaasaliinissaq imminut illersorsinnaassanersoq. Nuummi paarnaarussuvik nutaamut aamma sulisunik immikkut ilinniagalinnik pisariaqartitsisusooq, siusinnerusukkut pisariaqartinneqarnikuunngitsusooq, sulisussarsiornermi ajornartorsiutaasut qiviaannarneqarsinnaapput. Taamaattorli nunarsuaq tamakkerlugu selskabi sumi tamaanngaaniit suleqatissanik qammaasinnaasoq tunngavilersuutigineqarsinnaavoq.
- f. Naak ataatsimut isigalugu datanik atuneq nunarsuarmi annertusigaluttuinnarualuartoq datacenterit nukimmik atuinerat annertuallaanngilaq, qarasaasiat atortuinik sukkasuumik ineriartormik datacenterit sunniutigisartagaat qaffakkiartormata. Taanna piviusoq datacenterinik pisariaqartunik amerlassutinik ungasinnerusoq isigalugu killiliisinnaavoq, illuatungaani datacenterit pioreersut sunniuteqarnerulerlutik.
- g. Ullumikkut datacenterit atuisunut qanittumik inissisimanerat datacenterinut pingaarutilerujussuavoq, taamaalillunik innuttaqarnerusuniinnerullutik imlauunniit nunarsuarmi sumiiffinni datanik atuisuniinneusuniillutik, tassunga tunngatillugu Kalaallit Nunaat inoqajuitsutut isigineqarsinnaalluni. Skandinaviami innuttaasut annikitsuinnarmik imminnut qanissuseqarualarlutik datacenterinit nuannarineqarput, pisisartoqarlutik sukkasoorujussuarnik attavinnik pisariaqartitsinngitsunik. Aammattaaq Islandimi datacenterinik sanaartortoqarnikuvoq, aammalu Islandimi attaveqatigiinneq, silaannaq aammalu innaallagissamat akit appasinnerat aamma atuilluartunik puilasoaqarnera pissutigalugu soqutiginninneq annertoorujussuavoq. Islandimi paasissutissat malillugit nukissamik atuineroqaraangat atuisunut akit appariartortarput: <https://www.static>

[is/publications/news-archive/energy/electricity-prices-in-iceland-and-in-the-nordic-countries/](#)

Storbritanniemut attaveqaat aamma Kalaallit Nunaat aqqusaarlugu Amerikap avannaanut Greenland Connectimik attaveqaat 1,9 Tb/s-iusup saniatigut Island Københavnimut sukkanerujussuarmik 5,1 Tb/s-imik attaveqarpoq, europami illoqarfissuit sinnerinut aamma iserfissaasoq. Ilutigitillugu Irlandimut aamma New Yorkimut attaveqaammik sukkasoorujussuarmik 40 Tb/s-imik attaviliinissaq pilersaarutaavoq. Taassuma datacenterinut sullitaminnut sukkasuumik attaveqaatinik pisariqartitsisunut Kalaallit Nunaat sumiiffittut nalorninartutut inissippaa. Inissiivissamik toqqaanermi atuisut datacenterillu akornanni datanik atuisut sukkasuumik misigisaqarnissaanut pingaarutilerujussuavoq.

Taamaattorli maannakkut atuisut datacenterillu akornanni nunarsuarmi aqquteqanngitsut (kabelqanngitsut) attaviit iluanni annertoorujussuarmik ineriartortoqarpoq, tamassuma ilimanarluni datacenterit kabelinik attavinnik pinngitsuuisinnaannginnerat millisissagaa, taanna Kalaallit Nunaannut iluaqutinngorsinnaalluni. Maannakkut avataarsuani aallaavilinnik suliniutinik arlalinnik peqarpoq, kabilimik aallaavilimmik attavinnut sanilliullugu internetsikkut attavinnut unammillerluarsinaasut satelimmik aallaaveqarnermi sulisoqarpoq. Taakku ilaat tassapput Oneweb, telesat, Leosat aamma SpaceX. Ingammik SpaceX nanmmineq pigalugu Starlink-mik suliniutinik 2025 missaaniit qaffasissumik pitsaassusilimmik aamma sukkasoorujussuarmik nunarsuaq tamakkerlugu internetsikkut attaveqalernissamik suliniuteqarpoq, aammalu satellitsit siulliit avataarsuanut aallartitsinerit tamaasa arlalikkaarlugit aallartitsisarnissanik aallartitsereerlutik.

Datacenterinut akerliusumik suliffeqarfiit nukissanik pisariaqartitsisut sinneri soorlu aatsitassanik aatsitsinissamut aatsitassanik selskabit, datacenterituulli attaveqaqatigiinnikkut unammillernertunut misikkaritsiginngillat. Taamaattorli innaallagissamik pilersorneqarnissamut nukissiorfinnik pisariaqartunik namminneq sanaartortussaapput, aammalu sinneruttumik tuniniaasarnissamut tunngatillugu assinganik sanngiiffeqarlutik.

Inuiaqatigiit aningaasaqarnerat sigialugu pingaarutilerujussuavoq, ungasinnerusoq isigalugu Nuummi erngup nukinga atorlugu nukissiorfiup qaffassarneqarnissaa. Suliffissuaqarfiit erngup nukinganik periarfissalinnik nunarsuaq tamakkerlugu selskabinik nukissanik pisariaqartitsisut suleqatigalugit imaluunniit siullertut taaneqartoq iluatsinngitsoorpat mannakkut nukissiorfiup qaffassarneratigut. Kommunit ataatsimoorussannik ikuallaavinnik 45 GWh-mik tunisassiorsinnaasunik pilersaarutaasunik aammalu nukissiorfiit pioreersunik sillimmaserlugit, ukiuni arlanni erngup nukinganik nukissiorfimmu nutaamut aningaasaliinissaq kinguartinneqarsinnaassaaq. Ikuallaavissat nutaat EU-mi periutsinut aamma angissusaat eqqarsaatigalugu pitsaassusaannut, maskinatigut pisinnaasaannut, kissamik tunisassiorsinnaanerannut aamma aniatitsinissamut piumasaqaatinut sanilliulugu suliarineqassapput aammalu maannamut pigisanut eqqakkanik ikuallaaginnarnissamaik ukkataqartunik ikuallaavinnik mikisunnguanik nutaanngiliartortunullu sanilliunneqassanatik. Taamaaliornikut ikuallaavinnit kissamik tunniussinissamut isumannaassuseq qaffasissorujussuussaaq, aammalu maannakkut nukissiorfiusunit ikiorteqarnikkut unittoorsinnaaneq suujunnaarsinneqarsinnaalluni.

Datacenterinut aningaasaliissussanik ilumut qammaanissaq sulissutigineqassappat, Namminersorlutik Oqartussat nittarsaassinermut periusissiaata aamma erngup nukinganik nukissiorfinnik pingaarnersuinerisa akoranni Namminersorlutik Oqartussani ataqatigiissaarisooqarnissaa isumaqarnerpaassaaq, datacenterit kissamik sinnerujuttumik atuinissami

aningaasaqarnikkut avatangiisinullu politikkimik atuinnissamik soqutigisaqarmata. Pisariaqartitsineq apeqqutalalui aammalu MWh-mi 740 koruunninik atuisunut akeqartoq atuisunit ukiumut 66,6 mio. koruuninik isertitaqataasartoq, pisariaqartitsinermit ukiumut 90.000 MWh missaani atuisuusooq, ungasianiit kissarnej atorqarsinnaasutuaq Nuummi inissisimavoq. Taamaattorli uuliamik akikillisaanikkut ullumikkut MWh-mut 540 koruuniusumit appasinnerulaartoq malillugu kissamik tunisassiornermut Nukissiorfiit akiliuteqartarput, taamaaliornikkullu datacenteriusinnaasumut 48,6 mio. koruuninik isertitsiffiusinnaasooq, Nuummi ungasiaaniit kiassarnermut pioreersumut kissamik tamakkiisumik tunniussisuuguni. Datacenterip aningaasaliissutaa ukiut 20 ingerlaneranni 1 milliad koruuninik appartissinnaavaa. Islandimi akigitinneqartut datacenterinut Islandimik orniginarsaasut unammillerneqarsinnaanngillat, kisianni datacenterinut ungasiaaniit kiassarnermut kissamik sinnerusuttumik tunisinissap qulakkeerneratigut, aningaasaqarnikkut aningaasaliissutit annikillisinneqarsinnaapput. Ilaatigut Kalaallit Nunani illoqarfiit immikkut toqqakkat, Nuummi ungasiaaniit kissarnej ilanngullugu, nukissamik pisassaqaqatsinikkut ingerlanneqarsinnaanngortinneqarsinnaapput. Taamaaliornikkut Datacenterit nutaat, aatsitsiviit aamma ikuaallaaviit ungasianiit kiassarnermut pilersuinermit qulakkeerneqarsinnaapput.

Aasiaat-Qasigianguianit siulliullugu Maniitsup eqqaani erngup nukinga atorlugu nukissiorfik salliutinneqarneratigut malitsigisaanillu Nuup eqqaani erngup nukinga atorlugu nukissiorfimmik alliliinikkut qulakkeerneqassaaq, qaninnerusooq isigalugu sanaartornermit aningaasartuutit akikinneruliinnaratik, inuiaqatigiit aningaasaqarnerannik pitsaannerusumik toqqaanerussaaq aammalu qaninnerusooq ungasinnerusorlu isigalugit atuisunut akigitat akikinnerunissaat. Aammattaaq Namminersorlutik Oqartussat Nuup aamma Maniitsup eqqaani suliffissuaqarnermut erngup nukinganik nukissiornermit periarfissanik nittarsaassinissamut piffissaqarnerulissapput, tassani piffissani makkunani Kalaallit Nunani suliffissuaqarnermut erngup nukinga atorlugu nukissiorfinnik nunarsuaq tamakkerlugu annertusaanissaq ukkatarineqarneratigut piviusunngortinneqarsinnaalluni aammalu siunissap qanittup iluani Nuummi nukissamik pisariaqartitanut attavilerneqarsinnaalluni. Tamaaliornikkut Nuup eqqaani marloriaammik aningaasaliinissamut navianaataasinaasooq malunnaatilimmik appartinneqarsinnaavoq.

Illuatungaattigut Maniitsumi nukissamik pisariaqartitsineq aalajaatsumik inissisimavoq aammalu narluinnagajattumik ineriartorluni, tassani siunissami pisaiqartitsineq Nuummut sanilliullugu taamatut takujuminaatsiginani, aammalu Qasigianguit innuttamikku ikiligaluttuinnarlutik. Uani innersuussummi eqqarsatigisat ilanngullugit pissutsit tamakku, Maniitsumi erngup nukinga atorlugu nukissiorfik sooq salliutinneqannginnersoq takujuminaatsorujussuuvoq. Erngup nukinga atorlugu nukissiorfinnik pingaarnersuilluni tulleriaarinermit toqqaanermi aammattaaq Ilulissani Nuummilu mittarfissuarnik suliniutini marluusuni nalorninartut isiginiarneqarsinnaapput, suliniutit taamaattut akisunerulersinnaanerinit tunngatillugu malunnaatilinnik nalorninartunik imaqartaramik, suliariumannittussarsiuussinermit siumut takuneqarsinnaanngitsunik.

Allaffeqarfiup innersuussutaa

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut, kingusinnerusukkullu aningaasaqarnermut ataatsimiititaliamut kiisalu kommunalbestyrelsimut akuereqqullugu innersuussutigaa,

-Innersuussummi uani aallaavilimmik, Naalakkersuisut aalaajangiiffigisassatut siunnersuummik saqqummiinissaannut kommunalbestyrelsi Inatsisartunut makku pillugit saaffiginnissuteqassasooq

-Naalakkersuisut EM 2019/153-imit Inatsisartunut aalajangiiffigisassatut siunnersuutaata akuerisaasup Maniitsup eqqaani erngup nukinganik nukissiorfimmik nalilersuinissamik ilaneqarnissaata salliutinneqarnissaa, taamaalilluni Maniitsup, Nuup kiisalu Aasiaat-Qasigiannnguit eqqaanni erngup nukinga atorlugu nukissiorfinnik pingaarnersiunerme tulleriaarineq Inatsisartut kingusinnerusukkut toqqarsinnaallugu ilutigitillugu aamma assiigiimmik aalajangiinissamut tunngavissaqarnissaq

-"Nukissamik pilersuineq pillugu Inatsisartut peqqussutaat nr. 14, 6. november 1997-imeersoq" allangortinneqarnissaanik inatsisissatut siunnersuut pillugu siunnersuummik saqqummiisoqassasoq, taamaalilluni Kalaallit Nunanni nukissanut aqutini attuumassuteqartuni inuussutissarsiornikkut orniginartuni nukissanik pisassanik pilersitsisoqarsinnaalluni, taamaalilluni inatsimmi inuussutissarsiornikkut periarfissat atuilluartuusut eqqarsaatigineqassallutik

-Erngup nukingani aningaasaliinissamik allaanerusumik pingaarnersiunissamut pisariaqartitsineq pillugu kommunalbestyrelsi tusagassiutitigut nalunaaruteqassasoq, taamaalilluni aammattaq Inatsisartut suliamik suliarinninneranni innuttaasut tamaviaaruteqarnermut peqataasinnaaniassammata

Teknikkeqarnermut ataatsimiititalipa suliamik suliarinninnera

Ataatsimiititaliap 3. december 2019 ataatsimiinnermini innassuteqaatit akuersissutigivai, Økonomiudvalg-mut ingerlateqqinneqarpoq.

Aningaasaqarnermut atatsimiititaliap suliamik suliarinninnera

Ataatsimiititaliap 17. december 2019 ataatsimiinnermini innersuussut akuersissugivivaa.

Innersuussut

Aningaasaqarnermut ataatsimiititaliap Kommunalbestyelsimut innersuussutigivaa akuereqqullugu,

-Innersuussummi uani aallaavilimmik, Naalakkersuisut aalajangiiffigisassatut siunnersuummik saqqummiinissaannut kommunalbestyrelsi Inatsisartunut makku pillugit saaffiginnissuteqassasoq

-Naalakkersuisut EM 2019/153-imit Inatsisartunut aalajangiiffigisassatut siunnersuutaata akuerisaasup Maniitsup eqqaani erngup nukinganik nukissiorfimmik nalilersuinissamik ilaneqarnissaata salliutinneqarnissaa, taamaalilluni Maniitsup, Nuup kiisalu Aasiaat-Qasigiannnguit eqqaanni erngup nukinga atorlugu nukissiorfinnik pingaarnersiunerme tulleriaarineq Inatsisartut kingusinnerusukkut toqqarsinnaallugu ilutigitillugu aamma assiigiimmik aalajangiinissamut tunngavissaqarnissaq

-"Nukissamik pilersuineq pillugu Inatsisartut peqqussutaat nr. 14, 6. november 1997-imeersoq" allangortinneqarnissaanik inatsisissatut siunnersuut pillugu siunnersuummik saqqummiisoqassasoq, taamaalilluni Kalaallit Nunanni nukissanut aqutini attuumassuteqartuni inuussutissarsiornikkut orniginartuni nukissanik pisassanik pilersitsisoqarsinnaalluni, taamaalilluni inatsimmi inuussutissarsiornikkut periarfissat atuilluartuusut eqqarsaatigineqassallutik

-Erngup nukingani aningaasaliinissamik allaanerusumik pingaarnersiunissamut pisariaqartitsineq pillugu kommunalbestyrelsi tusagassiutitigut nalunaaruteqassasoq, taamaalilluni aammattaq

Inatsisartut suliamik suliarinninneranni innuttaasut tamaviaaruteqarnermut
peqataasinnaaniassammata

Aalajangiineq

Innersuussutigineqartut akuersissutigineqarput.

Ilanngussat

1. Qasigiannugit aamma Aasiaat eqqaanni erngup nukinga atorlugu nukissiorfik nutaaq pillugu KNR-mi allaaserisaq
2. Qasigiannugit-Aasiaat aamma Nuup eqqaanni erngup nukinga atorlugu nukissiorfinnik suliniutit pilugit Nukissiorfinnit nassuiaat.
3. Namminersorlutik Oqartussat nuna tamakkerlugu Nukissiornermut pilersaarutaat
4. "Kalaallit Nunaanni Erngup nukinganik isumalluutit"
5. "Kalalalit Nunaanni Erngup nukinganik isumalluutit"-inut ilanngussa, Maniitsup eqqaani Kangerlussuarmi 7a+7b erngup nukinganik periarfissat pillugit nunap assinga takussutissiisoq
6. Nukissiorfiit 2018-imut ukiumut naatsorsuutaat
7. Datacenterit pillugit allaaserisat saqqummersitallu
8. Yale Environmet
9. Inatsisartuni EM 2019/153-itut aalajangiiffigisassatut siunnersuut

**Imm. 10 Naalackersuisunut aamma aalisarnermut inuussutissaleriffimmut suliniutit
avatangiisitigut siuarsaataasinnaasut pillugit saaffiginnissut pillugu innersuussut**

Journalnr. 80.11

Tunuliaqutaq

Kommunip Avatangiisinut aningaasaateqarfimmit Sisimiut aamma Amerloq eqqaani sineriammi saliinissamut aningaasaliissutinik tunineqarnerata kingorna, septembarimi ulluni qulini saliisoqarnikuvoq. Tassunga atatillugu eqqakkat 4 tons sinnerlugit aalisakkanullu karsit 162-it katersorneqarsimapput, taakkulu Sisimiunut utimut nassarlugit assartorneqarsimallutik.

Malitsigisaanik WWF Verdensnaturfonden suleqatigiissuteqarfigineqarpoq, suleqatigiissitat ilisimatusartut Wageningen University & Reseach kiisalu Aarhus Universitet-imeersut Kalaallit Nunaanni workshop-ertitsinissaannut ikiorlugit. Ilisimatusartut kissaatigisimavaat eqqakkat imaaniittut misissorusullugit, suleriutsit malillugit misissoqqissaarneqartussanik, taakkulu atorlugit aamma ilisimatusartut Nunani issittuni allani misissuisarsimallutik. Taamaattumik Sisimiuni workshop-ertitsinissaq pillugu isumaqatigiissuteqarneq iluatsinnikuvoq, taamaalillutik kommunip Amerloq sinnerlugu sineriammi eqqakkat katersorsimasai misissoqqissaarsinnaallugit. 8.-14. november 2019 workshop-ertoqarnissaa sulissutigineqarpoq.

Misissueqqissaarnerit siulliit naapertorlugit, eqqakkat katersorneqarsimasut pillugit ilisimatusartut ingerlaannaq uppersarsisaqarput:

Eqqakkat misissoqqissaarneqartut annerpaartaat sumiiffimmeersuupput, silami sammisassanut tunngassutillit aammalu tunisassiassanik aalisarnerit kangerluup iluani eqqaanilu. Soorlu assersuutigalugu aalisakkanut qassuterpassuit, orsussamut/oliermut dunkit, naatsiat panertut aamma mamakujuttut puui allallu nassaarineqarput, taakkunani meqqit amerlanerpaartai sumiiffiinni illoqarfinni nioqqutigineqartuupput.

Ilisimatusartut Wageningen University & Research-imeersut ilaatigut ilannguppaat isumaliorlutik eqqakkat misissoqqissaarneqartut 90 % missai silami sammisaqarnermut kangerluup iluani eqqaanilu atatillugu sumiiffimmeersuussasut, soorlu tunisassiassanik aalisarneq, inuttut nammineq aalisarneq, piniarneq, qamuterallannik angalaarneq.

Nunani issittuni allani misissueqqissaarnernut sanilliullugu, maani Kalaallit Nunaanni eqqakkat nammineq pisuussutigineqarpassittorujussuupput.

Eqqakkat suussusiinut agguataaraanni nassaarineqartut amerlanersaat sisamat:

Ataasiakkaarlugit amerlassusii malillugit (katillugit 2.620-t):

1. Eqqaaviit puussartassaanit, puussiat plastikkinit, qalissiat plastikkinit assigisaannillu plastikkinit plastikkimernillu.
2. Naatsiat panertut mamakujuttullu puui.
3. Timmiarsiutinut patroonit puui plastit.
4. Aalisakkanut karsit.

Oqimaassusii malillugit (katillugit 918 kg):

1. Aalisakkanut karsit.
2. Kilisaatit aalisakkanut qassutaat.
3. Eqqaaviit puussartassaanit, puussiat plastikkinit, qalissiat plastikkinit assigisaannillu plastikkinit plastikkimernillu.

4. Anartarfiit imaartakkat puussiartassai.

Saliisoqarnerani kilisaatit qassutai nassaarineqarsimasut misissoqqissaarneri inernerilu:

Qassutit misissoqqissaaneqartut tamarmik qassutit ilaminerivai, taakkua arlaannaalluunniit qassutit ilivitsuunngillat. Nalilerneqarpoq 50 % iluarsartuussinermi qassutinit kipisaassasut iginneqarlutillu. Qassutit kangerluup iluani piffinnilu qanittuni raajarniartuneersimanissai saarullinniartuneersimanissai nalilerneqarpoq.

Qulaani inernernut allassimasunut takussusiortoq tassaavoq ilisimatusartoq Wouter Jan Strietman, Wageningen University & Research-imeersoq.

Nalunaarut sukumiinerusooq 2020-p aallartilaarnerani suliarineqassaaq, Qeqqata Kommunia kiisalu Kalaallit Nunaanni Namminersorlutik Oqartussat aamma assilineranik pissallutik.

Uppernarsarneqareerporli eqqakkat nassaarineqartut inunnit suliffeqarfinniillu sumiiffimmeersunit immikkoortuni sammisassaqartarnerinit pinngortut, ingammik aalisarnermut tunngasunit.

Tamannalu eqqagassalerisarnermik pissusilersuutigisartakkat allangortinneqarneratigut iliuuseqarfigineqarsinnaavoq.

Maleruagassatigut tunngavigisaaq

- Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-imeersoq
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Pinngortitamik illersuineq pillugu Inatsisartut inatsisaat nr. 29, 18. december 2003-meersoq.
- Nioqqutissanik eqqussuineq anissuinerlu pillugit Inatsisartut inatsisaat nr. 18 30. oktober 1992-imeersoq

Pissutsit atuuttut

Ullumikkut pinngortitami eqqakkat mingutsitsinerat annertunerusumik aqunneqanngilaq, tassani innuttaasut sineriammi piffiit ilaanni eqqakkanik naammattuuisimatillutik nalunaarutigisartagaat kisimik naammagiinnartartariaqartarlugit.

Sisimiuni Qeqqata Kommunia eqqakkanik eqqaavissuarmi amerligaluttuinnartunik ajornartorsiuteqarnikuuvoq. Eqqaavissuarminganniit eqqakkat pinngortitamut pisartut annikillisinniarlugit, 2019-ip ingerlanerani eqqaavissuaq massakku atuuttoq ungalulersorneqarpoq, assersuutigalugu anorlerneranut atatillugu eqqakkat imaanut, illoqarfimmut imaluunniit pinngortitamut pisartut mingutsitsinerat annikillisinniarlugit.

Kalaallit Nunaanni sineriammi tamarmi eqqaavissuit nunami imaanilu mingutsitsinerujussuarmut aamma aallaaviupput, tassani anori sarfarlu eqqakkanik eqqaavissuarmiit teqqalatitsillutik pinngortitamut siaruarterisarlutik. Kommunit ataatsimoorussamik suliniutaat kommunit ataatsimut ikuaallaaveqalernissaat eqqarsaatigalugu eqqaavissuarniit ajornartorsiut aallaaveqartoq annikillisinneqangaatsiassasooq nalilerneqarpoq.

Eqqakkanik arrortinneqarsinnaanngitsunik ukiorpassuarmi mingutsitsisimaneq peqqutaalluni, pinngortitami saliinissaaq suli pisariaqartinneqassaaq, mingutsitsinermulli aallaaviusut killilersorluarneqarnerisigut piffissap sivikitsup iluani kinguneqarluartitsinerusussaavoq.

Atuilluartuunissakkut kingunerisinnaasai

Pinngortitami eqqakkat plastikkillu annikillisinnerisigut eqqortumillu eqqagassalerisalertitsinikkut ima pisoqarsinnaavoq:

- Najugaqavissunut takornarissanullu pinngortitami misigisassarsiorneq siuarsarneqarluni
- Uumasut avatangiisaannut iluaqutaalluni, taakkumi aamma pinngortitami eqqakkanit sunniivigineqartarmata. Assersuutigalugu plastikkinik nerisoorsinnaapput, aalisakkanut qassutinut nermullutik taamaalillutik perlerlutik toqqutigalugu assigisaanillu.
- Ima isumaqassaaq, eqqakkat pinngortitamut pisartut annertussusaat annikinnerulertussaammat, Kalaallit Nunaanni Namminersorlutik Oqartussanit imaluunniit kommuninit eqqakkanik qimaannakkanik saliinissamut aningaasaliissutit annikinnerusut atorneqarlernissaat.

Aningaasaqarnikkut allaffissornikkullu kingunerisinaasai

Sinerissamik taamatut saliisoqartarnera immikkuullarilluinnartuuvoq. Nalinginnaasumik pinngortitami, sineriammi imaanilu saliinissamut taama annertutigisumik aningaasaliisoqartanngikkaluarpoq, soorlu uani saliisoqarsimaneranut atatillugu taamaaliortoqartoq. Tassunga pequtaavoq ukioq manna kommuni Avatangiisinut aningaasaateqarfimmit aningaasaliiffigineqarnera, tassani Sisimiut Amerlullu eqqaani sineriammi saliinermut suliniummut atatillugu aningaasartuutit 75% missai matussuserneqarlutik, sinnerilu 25% kommunip matussuserlugit. Kommuniminngaanniit aningaasaliissutaasartut annertussusaat nalinginnaasoq pinngortitami, sineriammi imaanilu eqqiluitsitsinissamut atugassat annikinnerujussuusaraluarput, tamanna ima isumaqarluni kommunip nunaannarmi aqqissuussinnaasaasa annertussusai killeqarlutik. Tamatuma saniatigut saliinerit taamaattut tamatigut akisusinnaasarput, piffinniit assigiinngitsuniit saliiffigineqartussani assartuinissamut periarfissaqartariaqarmat, taamaalilluni inuit suliaqartussat saliartorlutik taakunngarsinnaaniassammata aammalu eqqakkat utimut assartorneqarsinnaaniassammata.

Eqqakkat aalisarnermut attuumassutillit eqqakkallu allat pinngortitamut pisarunnaartillugit, pissusilersuutitigut ajunngitsumik allanngortoqaraluarpat, Kalaallit Nunaanni Namminersorlutik Oqartussanit imaluunniit kommuninit eqqakkanik qimaannakkanik saliinissamut aningaasat annikinnerusut atorneqartalissapput.

Allaffeqarfiup naliliinera

Sisimiut Amerlullu kangerluata eqqaani sineriammi saliinernut atatillugu misissueqqissaarnerit inernerigallagai qiviraanni, pinngortitami, sineriammi imaanilu avatangiisini eqqakkat aalisarnermut attuumassutillit eqqakkallu nalinginnaasut annikillisinneqarnissaat pisariaqartinneqartoq ersarippoq.

Kalaallit Nunaanni Namminersorlutik Oqartussat, assersuutigalugu aalisakkanut karsinik utertitsisalernissamut aqqissuussinermik suliniuteqartariaqartut nalilerneqarpoq. Taamaaliornikkut nuna tamakkerlugu iluaqutaasussamik periutsimik ataasiinnaasumik peqalissaaq. KNI A/S uulianik tunisassianik utertitsisalernermik aallartitseqqammerpoq, soorlu suliffeqarfik taannaqqissaaq aamma nioqqutiminni plastikkinik atuinertik killilernikuugaa, assersuutigalugu nerinermut atortut ataasiartakkat plastikkit nioqqutinut biologisk-iusunut asiutinneqarsinnaasunut taarserlugit.

Suliniut taanna avatangiisinut ajunngitsorujussuuvoq, aammalu nalinginnaasumik nuna tamakkerlugu atuutilersinneqartariaqaraluarluni, ingammik aalisakkanut karsit eqqarsaatigalugit, taakkumi tak. saliinermut inerniliussat eqqakkanut katersorneqarsimasut ilarujussuarimmatigut.

Aalisakkanut karsit angissusaat qalipaataallu peqqutaallutik pinngortitami ersarissorujussuusarput, aammali ilusilersorneri iluarmata aalisarnerinnarmuunngitsoq allanut aamma atorneqarnissaat orniginartinneqartarlutik.

Nuna tamakkerlugu aalisakkanut karsit utertinneqartalerneritigut, eqqagassaannaagaluartut taamaattut illoqarfimmut nassaqqinnissaannut pissutissanitsitsissaaq, taamaalilluni pinngortitamut qimaannarneqarnatik.

Eqqakkat tamarmik utertinneqartalernissaminnut assingusumilluunniit iliorneqartalernissaminnut tulluannngillat, aammalu KNI A/S-ip nioqputinut avatangiisimut ajoqutaasinnaasunut taamatut atuinera kiisalu oqartussa qarfinniit avatangiisinut eqqummaarinnerulernissamut paasissutissiisarnerit ingerlatiinnerneqarneri, mingutsitsinerup unitsinneqarnissaanut sakkussat iluaqutaanerpaasussat ilagivaat.

Soorlu ullutsinni imaattoqartoq, tamatigut ajornannginnerpaasarpoq eqqakkat atorfissaarukkaanni pinngortitamut qimaannassallugit. Assersuutigalugu imaani aalisakkanut qassutinik iluarsaassigaanni, taava aserornikortaa igiinnassallugu oqinnerpaajusarpoq. Taamaalilluni angallatip iluani inissakereertigisumi initoqutaaginnassanngilaq. Amerlasuut taamaaliortanerat ajornartorsiutaaginnarpoq, tamannalu pinngortitami eqqakkanit katersuutsitsinermik kinguneqartarpoq. Tamakkua ilaat imaanut kivisarput, ilaali sineriamut tipisarlutik. Plastikki arrortikkuminaatsuummat taakku marluullutik avatangiisimut pitsaasuunngillat, pissusilersuullu taanna eqqakkat kalaallit pinngortitaanni katersuunnerannut peqqutaaqataalluni. Utertitsisalersitsinerup pissusilersuut tamanna allannguiffigeqataaffigisinnaavaa.

Kilisaatit aalisakkanullu karsit imaanut pinngortitamulluunniit pisartut annikillisikkusullugit, aaqqiissutaasinnaasut ilagisinnaavaa, aalisariutaatillit taakkualu kattuffiisa iluini eqqortumik eqqagassalerinermut maleruagassanik aalajangersakkanillu sanasoqarnissaa, tassunga qassuserineq iluarsartuussinermut atatillugu kiisalu aalisakkanut karsit ilanngullugit. Taamaaliornikkut mingutsitsinermut aallaaviusooq toqqaannartumik tikinneqarsinnaalissaaq. Aalisariutaatillit aalisakkeriviillu paasissagunikkut tunisassiorfimminniit eqqakkat avatangiisinut qanoq ajortigisumik sunnuteqartoqartartoq takusinnaalissappassuk, periarfissaaq allaasinnaasooq tassaavoq namminneq isiminnik tunisassiorfimminniit eqqakkat qanoq pinngortitamut pisarnersut takugunikkut. Assersuutigalugu sineriami eqqagassaatiinnik katersillutik saliillutik.

Allaffeqarfiup innersuussutaa

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut, kingusinnerusukkullu aningaasaqarnermut ataatsimiititaliamut kommunalbestyrelsimullu akuereqqullugu innersuussutigaa,

- Kommunalbestyrelsi Naalakkersuisunut saaffiginnissasoq aalisarnermut inuussutissarsiornermi aalisakkanut karsit utertittalernissaannik piumasaqaateqartoqalernissaa pillugu
- Kommunalbestyrelsi aalisariutaatilinnut taakkulu kattuffiinut saaffiginnissasoq kaammattuutigeqqullugu aalisakkanut karsit, kilisaatit allallu pinngortitamut iginneqartassanngitsut, aammalu aalisariutaatillit iluminni eqqakkat killilersornissai pillugit malittarisassaatik sukateriffigissagaat
- Kommunalbestyrelsi aalisariutaatillit kattuffiinut saaffiginnissasoq kaammattuutigalugu sineriami tamarmi saliinissaat, eqqakkat aalisarnermut tunngassutillit ukataralugit

-Kommunalbestyrelsi Naalakkersuisunut saaffiginnissasoq plastikkit nioqputissat ilai eqqunneqartartut killilerneqarnissaannik sulissuteqaqqullugit, tassani ullumikkut nioqputissanut taakkununga avatangiisinut pitsaasunik toqqagassaqaarsuni

Teknikkimik ataatsimiitsitaliap suliamik suliarinninnera

Ataatsimiitsitaliap ulloq. 3. december 2020 ataatsimiinnermini innersuussut akuersissutigivaa, suliarlu Kommunebestyrelsemut ingerlateqqinneqassasoq.

Innersuussut

Teknikkeqarnermut ataatsimiitsitaliap Kommunalbestyrelsemut innersuussutigivaa akuereqqullugu,

-Kommunalbestyrelsi Naalakkersuisunut saaffiginnissasoq aalisarnermut inuussutissarsiornermi aalisakkanut karsit utertittalernissaannik piumasaqaateqartoqalernissaa **pillugu**

-Kommunalbestyrelsi aalisariutaatilinnut taakkulu kattuffiinum saaffiginnissasoq kaammattuutigeqqullugu aalisakkanut karsit, kilisaatit allallu pinngortitamut iginneqartassanngitsut, aammalu aalisariutaatillit iluminni eqqakkat killilersornissai pillugit malittarisassaatik sukateriffigissagaat

-Kommunalbestyrelsi aalisariutaatillit kattuffiinum saaffiginnissasoq kaammattuutigalugu sineriammi tamarmi saliinissaat, eqqakkat aalisarnermut tunngassutillit ukkataralugit

-Kommunalbestyrelsi Naalakkersuisunut saaffiginnissasoq plastikkit nioqputissat ilai eqqunneqartartut killilerneqarnissaannik sulissuteqaqqullugit, tassani ullumikkut nioqputissanut taakkununga avatangiisinut pitsaasunik toqqagassaqaarsuni

Aalajangiineq

Saliisoqarnissaannik saaffiginnittoqarnissaanut immap naqqani qassutaarsiutinik aamma ilanngullugu salinneqarnissaa piumasarineqassaaq.

Paasititsiniaanermut pisussaaffiit isumagineqassapput.

Innersuussutigineqartut akuersissutigineqarput.

Ilanngussat

1. The Arctic Marine Litter Project "Knowing the sources to find solutions" (Wouter Jan Strietman, Wageningen University & Research)
2. E-mail-ikkut Wouter Jan Strietman-ilu allaqatigiinneq

Imm. 11 Oqaluuserisassatut siunnersuut - Kommunalbestyrelsemi ilaasortat qinigaaffiup tullianiit ikilineqarnissaat

Journalnr.: 01.01.00

Tunuliaqut

Kommunalbestyrelsimi ilaasorta q borgmester Malik Berthelsen mail-ikkut 29. januar 2020 siunnersuuteqarpoq Kommunalbestyrelsemi ilaasortat qinigaaffiup tullianiit ikilineqarnissaat.

Siunnersuut:

Siullermik oqaatigissavara inuiaqatigiinnik sullisseqataarusulluni qinigassanngortinneq qinigaanerlu imminermini ataqqinaataammat.

Uani qinigaaffimmi kommunalbetyrelsimi ilaasortaasugut maannamut ukiut pingasunngulerpagut ilaasortatut issialluta, aammalu pisariillisaanissaq siunertaralutigu ataatsimiititaliat arfinilinniit sisamanut ikiliniikuullutigit.

Ukiunilu pingasunngulersuni suleqataaninni takusinnaavara politikikkut suliassagut inunnik ikinnerusunik suliarineqarsinaalluartut, ingammik ataatsimiititaliat ikilisinneqarnerisigut qinikkat amerlanerpaat ataatsimik ilaasortaaffeqalernerat eqqarsaatigalugu.

Tamatta nalunngisatsituut ukiut tamaasa kissaterpassuit uagutsinniit qaqinneqartarput, aningaasassaqaannginnerilu pissutigalugit allatut ajornartumik aningaasaliiffigineqarneq ajorlutik.

Aningaasaqarnermullu Siunnersuisoqqatigiinniit pisortat allaffissornermut sullissinermullu aningaasartuutaat qaffakkiartuinnarerat ernumanartutut uparuarneqartaraluartut,

naatsorsuutigissavarput inunnik isumaginninnermi ajornartorsiutigut, utoqqaat amerliartornerat ilutigalugu sullissisut amerlanerit atorfissaqartinneqalernissaat, meeqqerivinnilu meeqqerisut amerlanerusut kissaatigineqarnerat eqqarsaatigalugit, allatut ajornartumik pisortani aningaasartuutigut suli siunissami qaffakkiartuinnarnissaat.

Taamaattumik aningaasartuutigisartakkagut pillugit politikikkut nalilersuilluartariaqarpugut suut innuttaasut pisariaqartinneruneraat suullu innuttaasut atugaannut ajorseriaataaangitsumik annikillineqanngikkunik peerneqarsinnaanersut.

Innuttaasullu inuunerannut ajorseriaataaangitsutut isumaqarfigisanni, kommunit aqunneqarnerat pillugu Inatsisartut inatsisaat nr. 29, 17. november 2017-imeersoq kapitali 2, §3, *imm.2.* toqqammavigalugu, siunnersuutigivara kommunalbetyrelsemut qinersinerup tullianiit ilaasortat 15-inik amerlassuseqartut marlunnik ikinnerulernissaat, taamaasilluni ilaasortat 13-inik amerlassuseqalissallutik.

Qinigaaffiullu tullianiit qinikkat ikilisinneqarnerisigut, qinikkat aningaasarsiaannut angalanerit suli ilanngunnagit minnerpaamik ukiumut 300.000 kr. sinneqartut sipaarutigineqataalissapput, taakkualu innuttaasut sullinneqarnissaannut atorfinnut kiffartuussinernulluunniit pisariaqartinneqartunut atornerarunik isumaqarpunga innuttaasunut iluaqutaanerpaassasoq.

Oqaatigeriikkattuullu isumaqanngilanga qinikkat ikilineqarnissaat innuttaasut atugaannut ajorseriaataasooq, pissutigalugu suliarisartakkagut inunnit ikinnerusunut suliarineqarsinnaanerit takusinnaagakku. Erseqqissaatigissavaralu massakkut ilaasortaareersunut sunniutissanngimmat, aatsaallu qinersinerup tulliani qinigaasussanut sunniuteqassalluni.

**Kommunalbestyrelsip februarip 27-ani 2020-imi ileqquusumik ataatsimiinnerata 01/2020
imaqarniliornera**

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq aamma,

Qeqqata Kommuniani kommunip susassaqaarfiini ileqqoreqqusat.

Pissutsit atuuttut

Qeqqata Kommuniani kommunip susassaqaarfiini ileqqoreqqusat malillugit kommunalbestyrelsi ilaasortaqaassaaq 15-nik. Taassuma saniatigut ataatsimiititaliat imatut ilaasortaqaarput:

Teknikkeqaarnermut ataatsimiititaliaq	5
Ilinniartitaanermut ataatsimiititaliaq	5
Atugarissaarnermut ataatsimiititaliaq	5
Nunaqaarfinni Aqutsisut Kangerlussuaq	3
Nunaqaarfinni Aqutsisut Kangaamiut	3
Nunaqaarfinni Aqutsisut Itilleq/Sarfannuguit	5
Atammik/Napasooq	5
Maniitsumi Najukkami Ataatsimiititaliaq	5
Sisimiuni Najukkami Ataatsimiititaliaq	6

Atuilluartuunikkut kingunerisinnaasai

Atuilluartuunerussaaq qinikkanut aningaasartuutit annikillisillugit innuttaasut sullinneqarnerannut atorfinnut kiffartuussinernulluunniit pisariaqartunut atorneqarpata.

Aningaaqaarnikkut kingunerisinnaasai

Aingaasaqaarnikkut kinguneqassanngilaq sipaakkat annertussusaat sulisunut atorneqarpata.

Allaffeqarfiup naliliinera

Kommunalbestyrelsimi ilaasortat marlunnik ikilippata aningaasartitigut sipaarnerup saniatigut allaffeqarfimmiit ilaasortanut sullissinermut piffissaq atorneqartartoq anikillissaaq atuilluartuunerullunilu.

Innersuussut

Allaffeqarfiup innersuussutigivaa,

-Kommunalbestyrelsimi siunnersuut eqqartorneqassasoq

Aalajangiineq

Siverth K. Heilmann ingerlavoq immikkoortup naammassinerani.

Taasineq:

Akuersisut 2: MB, EJ

Itigartitsisut 11: ANH, EO, SKH, JE, SDRO, ALO, EF, RH, GL, FO, JO,

Taaseqataannngitsut 1: HF

Innersuussutigineqartoq itigartitsisutigineqarpoq.

Ilanngussat

1. Malik Berthelsen-ip allagai ulloqartut 29. januar 2020
2. Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
3. Qeqqata Kommuniani susasaqarfiini aqutsinermut ileqqoreqqusat Kommunalbestyrelsi

Imm. 12 Island-imut isumassarsiorluni angalaneq, ingerlariaqqinneq

Journalnr. 00.10.01

Tunuliaqutaq

2018-imi oktobarip arfernganit aqqarngata tungaanut Qeqqata Kommunalbestyrelsi pisortaqatigiillu Island-imut isumassarsiorlutik angalanerannut atatillugu Ilaqutariinnermut ataatsimiititaliap 21. August 2019 aalajangiiffigineqarluni oqaluuserineqarpoq. Aalajangiinerullu immikkoortuini sisamaasuni marluk itisilerneqarnissaat allaffeqarfimmiit kissaatigineqarpoq.

Maleruagassatigut tunngavissat

Kommunip pisinnaatitsissutaata iluanimmat, isumassarsiorluni angalanermut maleruagassatigut tunngavissaqanngilaq.

Pissutsit atuuttut

21. august 2019 Ilaqutariinnermut Ataatsimiititaliap ataatsimiinnerani aalajangiiffigalugu oqaluuserineqarpoq immikkoortut sisamaasuni marluk itisilerneqarlugit anguniagassanik ersarissunik allaffeqarfimmiit suliniutissatut siunnerfiusussanik pisariaqartitsivoq, immikkoortullu uku itisilerneqarnissaat kissaatigineqarluni:

1. Pitsaaliuinerup peqqinnerullu ataatsimoortinneqarnissaat
2. Ilaqutariinnut tamakkiisunut katsorsaariaatsit sakkortusarneqarnissaat

Ilanngullugu nassiussami ataatsimiinnermi oqaluuserisassatut saqqummiunneqartoq tunngavigalugu allaffeqarfimmiit kommunalbestyrelse-mut saqqummiunneqarnissaanut suliniutissatut tunaartassatut tunngavissanik peqarnissaq kissaatigineqarpoq.

Atuilluartuunissakkut kingunerisinnaasai

Islandimiut assigalugit inooqataanikkut unammillernartut pillugit suliaqarnissat aallartinneqarnissaat ilanngullugit, taakkulu suliniummi ”Inuunerinneq – inuuneq tamaat” ilanngunneqarnissaat, kiisalu suleqatigisanik attuumassutilinnik tamanik akuutitsilluni minnerunngitsumillu ilaqutariinnik tamanik Islandimiut periusaat ilinniarfigalugu Islandimit misilittakkat pitsaasut arlallit ilanngutsinneqarnissaat atuilluartuuneruvoq.

Aningaasaqarnikkut allaffissornikkullu kingunerisinnaasai

Islandske model-imut assingusumik kommunimi allannguneq annertuumik aningaasaqarnikkut allaffissornikkullu kinguneqassaaq. Piffissap qaninnerusup iluani suleqatigeeriaatsit nutaat atuutilersinneqarlutik, nutaanngitsullu atorunnaarsikkiartorneqassallutik. Tamanna nutaanik aningaasartuuteqarfiussaaq kiisalu periutsini nutaanngilisimasunit/atuutinngitsunit aningaasaqarnikkut sipaaruteqarfiussaaq. Piffissaq ungasinnerusooq eqqarsaatigalugu, aningaasaqarnermik imminut napatissinnaanerusumik kinguneqarniartussaassaaq.

Allaffeqarfiup naliliinera

Allaffeqarfik naliliivoq, Atugarissaarnermut Ataatsimiititaliap Kommunalbestyrelse-p Island-imeereernerata kingorna qulequtakkaarlugit innuttaasunut isumasioqatigiisitsinissami qulequtakkaartut marluk itisiliffigineqassatut aalajangiinerit Kommunalbestyrelse-mut siunnersuutitut ingerlateqqinneqassapput.

Allaffeqarfiup innersuussutaa

Atugarissaarnermut Ataatsimiititaliamut innersuussutigineqarpoq, 21. August 2019
ataatsimiinnermi aalajangiinerni immikkoortut marluk innuttaasunut isumasiuinnginnermi
itisiliiffigineqassasut

1. Pitsaaliunerup peqqinnerullu ataatsimoortinneqarnissaat
2. Ilaqtariinnut tamakkiisunut katsorsaariaatsit sakkortusarneqarnissaat

Atugarissaarnermut ataatsimiititaliap suliamik suliarinninnera

Ataatsimiititaliap ataatsimiinnermini ulloq 22. januar 2020 (**Eqqartuina**)

Juliane Enoksen: Island-imisuut meeqqat nalunaaqutaq aaliangersimasooq angerlareersimasarnissaat
pillugu Namminisorlutik Oqartussanut saaffiginnissutigineqartariaqarpoq.

Sofie-Dorthe R. Olsen: Sulisut amerlassusaat naammappaat? Sulisut ilinniarsimassutikkut
piginnaasaat naammappat suliat naammassilluarnissaanut?

Hans Frederik Olsen: Pitsaaliunermi suliaqarneq, sunngiffimmi sammisassat Qeqqata Kommunianit
tapersorsornerusariaqarput aamma aningaasatigut.

Atugarissaarnermut Ataatsimiititaliap siulittaasua Borgmester-imut Qeqqata Kommuniani
ataatsimiititaliat akimorlugit isumasioqatigiisitsinissaq allakkatigut
saaffiginnissutigissavaa. Isumasioqatigiinneq Kommunalbestyrelse februar-imi 2020-mi
ataatsimiinnissaanut aaqqissuuneqarnissaa kissaatigineqarmat.

Innersuussut

Suliamut atatillugu imm. 19 innersuussutigineqarpoq.

Aalajangiineq

Imm. 19-imut ataatsimoortinneqarpoq.

Ilanngussat

1. 21. August 2019 Ilaqtariinnermut isumaginninnermullu ataatsimiititaliap ataatsimiinnermini
aalajangigaa - Island-imut isumassarsiorluni angalaneq – ingerlariaqqinneq
2. Island-imut isumassarsioriartorlutik angalanerat 6. Oktober – 11. Oktober 2018
3. KB-mi ilaasortap Hans Frederik-up oqaluuserisassanngortitsinera

**Imm. 13 KNQK-p ataani ataatsimiititaliamut inuussutissarsiornermi ataatsimiititaliamut
ilaasortamik sinniisussamillu toqqaaneq**

Journalnr.: 55.03.00

Tunuliaqut

Kalallit Nunaani Qimussit Kattuffianiit email-ikkut 5. februar 2020 saaffiginnittoqarpoq, kattuffiup ataani ataatsimiititaliamut inuussutissarsiornermi ataatsimiititaliami ilaasortassamik kommuni toqqaqqullugu.

Saaffiginnissut: Matumuuna KNQK-p (Kalaallit Nunaanni Qimussertartut Kattuffiat) qulaani kommunit pineqartut KNQK-p ataani ataatsimiititaliamut (inuussutissarsiornermi ataatsimiititaliaq) 26.Marts.2020 Uummannami pilerserneqartussamut inussiarnersumik qinnuingai kommune sinnerlugu ilaasortaattassaminnik ataatsimik sinniisussaanillu ataatsimik toqqaqqullugit.

Inuussutissarsiornermi ataatsimiititaliap susassaqtartunit ilaasortaaffigineqartup suliassarivaa;

- * Qimusseq atorlugu inuussutissarsiornerit siuarsassallugit
- * Sinaakkutinik ersarissunik nuna tamakerlugu aammalu sumiiffinnut ataasiakkaanut tulluussakkamik/nik siunnersuusiortassalluni
- * Piniarnermi, aalisarnermi, takornaris-sanik qimussiussinermi il.il. naalakkersuisunut kommunenullu tikkuussiffiusumik siunnersuuteqartassalluni, il.il.

Ataatsimiititaliaq KNQK-mit, kommunenit, Visit Greenlandmit, susassaqtartuniillu allaniit toqqakkanik ilaasortaaffigineqassaaq.

Toqqaaneq kingusinnerpaamik KNQK-mut nalunaarutigineqassaaq 1.marts.2020.

Neriuppugut kommunit pisussaaffeqartutut misigisimallutik toqqaqqusineq manna ilassilluarumaaraat.

Innersuussut

Innersuussutigineqarpoq Kommunalbestyrelsi KNQK-p ataani ataatsimiititaliamut inuussutissarsiornermi ataatsimiititaliami ilaasortassamik toqqaqqullugu.

Aalajangiineq

Toqqarneqarpoq Francisca Davidsen Olsen sinniisussaralugu Axel Lund Olsen.

Ilanngussat

Soqanngilaq

Imm. 14 Qeqqata Kommuniata Innarluutilinnut politikianut siunnersuut

Journalnr. 47.00

Tunuliaqutaq

Qeqqata Kommuniata innarluutilinnut politikkiata nutarterneqarnissaanut Ilaqutariinnermut immikkoortortap kissaataa tunngavigalugu kiisalu innarluutilit pillugit inatsit nutaaq 2020-mi januaarip aallaqqaataani atuutilersumi, kommunip minnerpaamik ukiut sisamakkaarlugit innarluutnilinnut politikkip nutarterneqartarnissaanut piumasaqaat naapertorlugu, 2019-ip ukiaani Qeqqata Kommuniata innarluutilinnut politikianut nutaamut siunnersuusiortumik, Ilaqutariinnermut immikkoortortaq suleqatigiissitamik pilersitsivoq. Kommunimi tamarmi innarluutilinnut immikkoortortami sulineranut politikkit ataatsimoorussamik sinaakkutissiillunilu takorluukkanik pilersitsisuusaaq.

Maleruagassatigut tunngavigisaq

Inuit innarluutilit tapersersorneqarnissaannut Inatsisartut inatsisaat nr. 13, 12. juni 2019-imeersoq.

Pissutsit atuuttut

Innarluutilinnut politikkiugallartoq (ilanngussaq 1) takorluukkanut anguniagaagallartunullu pingaarnertut sisamanik qulequtaqarluni suliarineqarpoq.

Qulequtassatut siunnersuutit sisamat:

1. Tikikkuminassuseq
2. Paasissutissiineq
3. Ilinniarneq aamma suliffeqarneq
4. Inuuneq pitsaasoq

Takorluukkat piviusunngortinneqarnissaanut qulequtanut tamanut tigussaasumik anguniakkanik suliaqartoqarpoq, taakkulu 2023-mi innarluutilinnut politikkip atuuffiata naajartornerani naliliiffigineqassallutik.

Maannakkut politikkip suliarineqarnerani innarluutilit pillugit isumaqatigiissut kiisalu atuilluartumik ineriartornissaq pillugu Naalagaaffiit Peqatigiit nunarsuaq tamakkerlugu anguniagaasut isumassarsiorfigineqarput, taamaalillunilu kommunip atuilluartuunissamut takorluugaanut naapertuulluni.

Suliniutip immikkoortortai

12. februaari 2020	27. februaari 2020		15. aprili 2020	30. aprili 2020	Maaji 2020
UV	KB		UVa	KB	
Politikkimut siunnersuut eqqartorneqassaaq, akuersissutigineqassaaq KB-mullu ingerlateqqinneqarluni	Politikkimut siunnersuut eqqartorneqassaaq akuersissutigineqarlunilu	Tusarniaanissamut piffissaq	Politikkimut siunnersuut eqqartorneqassaaq, akuersissutigineqassaaq KB-mullu ingerlateqqinneqarluni	Politikkimut siunnersuut eqqartorneqassaaq inaarutaasumillu akuersissutigineqarluni	Politikkip atuutilersikkiar tuaarnissaa

Oqaaseqaatit, allannguutissatut siunnersuutit suliarineqarlutillu ataavartumik ilanngunneqartassapput.

Innarluutilinnut politikki illuatungeriinnut tullinnguuttunut tusarniaassutigineqassaaq:

- Tappiitsut aamma isigiarsuttut peqatigiiffiat ISI
- Inooqat (Angajoqqaat ineriartormigut akornutilimmik meerallit peqatigiiffiat)
- KNIPK Nuna tamakkerlugu Innarluutillit Piginnaasakitsullu Kattuffiat
- Neriuffiit Kattuffiat (Kalaallit Nunaanni kræftimik akiuinermi kattuffik)
- Sugisaq (Tarnimikkut eqqarsartaatsimikkullu nappaatillit ilaqutaasalu peqatigiiffiat)
- KTK (Kalaallit Nunaanni Tusilartut Kattuffiat)
- Angajooqqaatigiit (Angajoqqaat ADHD-ertunik aamma/imaluunniit autismeqartunik meerallit kattuffiat)
- Landsforeningen Autisme
- Nunatsinni Inuit Innarluutillit Kattuffiat (Grønlandske Handicaporganisationer)
- Utoqqaat peqatigiiffii
- Angerlarsimaffimmi ikiortit
- Ilinniartitaanermut Immikkoortortaq
- Kommuni nittartagaa, Facebook illoqarfiullu aviisia aqutugalugit innuttaasut
- Peqqinnissaqarfik
- MISI
- Tilioq
- Pissassarfik
- Majoriaq
- Utoqqaat angerlarsimaffii Qupanuk aamma Neriusaaq
- Gr. 3 Inuunerinneq - Inuuneq tamaat ataani Immikkut Pisariaqartitsisut 3 Særlige Behov under Det Gode Liv – Hele Livet
- Nunaqarfinni aqutsisut
- Gigttertut Peqatigiiffiat

Atuilluartuunissakkut kingunerisinnaasai

Innarluutilinnut immikkoortortap ingerlalluarnissaa atuilluartuunissaalu qulaakkerniarlugu, immikkoortumut sulisut innuttaasullu ataatsiomoorussamik politikkeqarnissaat takorluugaqarnissaallu qitiulluinnartuuvoq. Atuilluartumik ineriartornissamut Naalagaaffiit Peqatigiit nunarsuaq tamakkerlugu anguniagaanut kiisalu Qeqqata Kommuniata atuilluartuunissamut takorluugaanut politikki naapertuuppoq.

Aningaasaqarnikkut allaffissornikkullu kingunerisinaasai

Aningaasaqarnikkut allaffissornikkullu kingunerisassaqaqqanngilaq.

Allaffeqarfiup naliliinera

Allaffeqarfik naliliivoq, Innarluutilinnut politikki innarluutilinnut immikkoortortamik katersuutsitsisoq ataatsiomoorussamillu sammiveqalersitsisoq. Suliniutit ataqatigiissilersinniarlugit sunniuteqarlualersinniarlugillu, suleqatigiilluarnermi nukiit kommunip iluani atorluarneqassapput. Taamaattumillu innarluutilinnut politikki immikkoortortanut suliaqarfinnullu attuumassuteqartunut tusarniutigineqarluni nassiunneqarpoq. Innarluutilinnut immikkoortortami suliat iluatsinnissaanut, kommuni ataqatigiissitsilluni akimortumillu sulinissaminik pingaartitsinissaa pingaaruteqarpoq.

Innersuussut

Ilaqutariinnermut immikkoortortap Atugarissaarnermut ataatsimiititaliamut innersuussutigaa

- Qeqqata Kommunianut Innarluutilinnut politikkimut siunnersuut eqqartorneqassasoq akuersissutigineqarlunilu
- Politikkip tusarniaassutigineqarnissaa akuersissutigineqassasoq
- Suliaq Kommunalbestyrelsimut ingerlateqqinneqassasoq

Atugarissaarnermut ataatsimiititaliap suliamik sularinninnera

Ataatsimiititaliap 22. januar 2020 ataatsimiinnermini innersuussut akuersissutigivaa.

Innersuussut

Atugarissaarnermut ataatsimiititaliap Kommunalbestyrelsimut innersuussutigivaa akuereqqullugu,

-Qeqqata Kommunianut Innarluutilinnut politikkimut siunnersuut eqqartorneqassasoq akuersissutigineqarlunilu

-Politikkip tusarniaassutigineqarnissaa akuersissutigineqassasoq

Aalajanginneq

Innersuussutigineqartut akuersissutigineqarput.

Ilanngussat

1. Qeqqata Kommunianut Innarluutilinnut politikkimut siunnersuut

**Imm. 15 Inaarutaasumik akuerinninneq - 2021-imit Aningaasanut inatsisissamut
Siunnersuummut sanaartornermut kissaanik pissarsiniarneq**

Journalnr. 06.01.03

Tunuliaqutaq

Namminersorlutik Oqartussat januaarimi februaarimilu Aningaasanut inatsimmut kissaatit pillugit Qeqqata Kommunianut allakkanik nassiussaqartarput, tassungalugu tunngatillugu kommunalbestyrelsisp februaarimi ataatsimiinnissaani isumaqatigiissuteqarnissaanut pisariaqartitsilertarpoq. Taanna pillugu allakkanik Qeqqata Kommunian suli tigusaqarnikuunngilaq, siunnersuutigineqarporli Aningaasaqarnermut ataatsimiititaliap Kommunalbestyrelsilu Qeqqata Kommuniata sanaartugassatut kissaataanut allattorsimaffik, Namminersorlutik Oqartussanut nassiussassaq, tamakkiisumik pingaarnersuinerlallik eqqartussagaa aalajangiiffigalugulu.

Maleruagassatigut tunngavigisaq

Aningaasaqarnermut inatsit Namminersorlutik Oqartussat kisimik susassaqaqarfigaat, kommunilli tassunga sanaartornermut kissaatiminnik pingaarnersiukkanik nassiussaqarnissamut periarfissaqarput. Namminersorlutik Oqartussat akileeqaatanissaminnut akuersissuteqarlutik nalunaaruteqassappata, avitseqatigiilluni aningaasalersuinermi kommunip akileeqaataassutissaani aningaasartat 2021-imit 24 tikillugu missingersuutini ilanngunneqassapput.

Pissutsit atuuttut

Missingersuutit akuerisaasut, politikikkut nalunaarutigisat Qeqqata Kommunianullu sanaartornermut allattorsimaffik pingaarnersiugaq ukioq kingullermeersoq tunngavigalugu, 2020-mut missingersuutinut ukiunullu missiliuuteqarfiusunut Qeqqata Kommuniani sanaartornermut kissaatinut allattorsimaffik pingaarnersiukkamut siunnersuut ataaniippoq. Nalunaaruteqarnerni eqitsisit agguataarneqarnerat Namminersorlutik Oqartussat eqitsisit atugaat malinneqarput, immikkoortumut kommunip ataatsimiititaliaa eqitsisini qulequttatut allassimavoq.

Tus. Kr.	Inissianik annertusaaneq, Teknikkeqarnermut ataatsimiititaliaq	2020		2021		2022		2023		2024	
		Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat
Tuller	Pilersaarutip suussusaa	
1	Sisimiuni ingutserinermut (Paamaap Kuua) taartissatut illussat				15.000		15.000		15.000		15.000
2	Maniitsumi (Ole Petersenip, Saalliamartaq kiisalu Ivissuaateralaa) taartissatut illussat				15.000		15.000		15.000		15.000

Tus. Kr.	Atortulersuutit - annertusaanissamut pilersaarut, Teknikkeqarnermut ataatsimiititaliaq	2020		2021		2022		2023		2024	
		Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat
Tuller	Pilersaarutip suussusaa	

**Kommunalbestyrelsip februarip 27-ani 2020-imi ileqquusumik ataatsimiinnerata 01/2020
imaqarniliornera**

1	Kangerlussuarmi umiarsualivik				25.000		25.000				
2	Sisimiut Kangerlussuullu akornanni aqqusineq	15.000	15.000	15.000	15.000	15.000	15.000	15.000	15.000	15.000	15.000
3	Kangaamiuni talittarfik nutaaq		10.000		10.000						
4	Kangerlussuarmi ikuallaavissaq/eqqagassalerineq, nalinginnaasunnorsaaq				3.000		15.000		7.000		

Tus. Kr.	Ilaqutariinnermut annertusaanissamut pilersaarut, Atugarissaarnermut ataatsimiititaliaq	2020		2021		2022		2023		2024	
Tuller	Pilersaarutip suussusaa	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat
1	Sisimiuni Maniitsumilu innarlutilinnut centerit			17.000	17.000	17.000	17.000	17.000	17.000		
2	Sisimiuni Maniitsumilu utoqqaat illuini puigortunnortunut inissat 32-t, AP 83.30.12		4.400	4.400		18.000	18.000	19.000	19.000	19.000	19.000

Tus. Kr.	Ilinniartitaanermut, kulturimut sunngiffimmilu annertusaanissamut pilersaarut, Ilinniartitaanermut ataatsimiititaliaq	2020		2021		2022		2023		2024	
Tuller	Pilersaarutip suussusaa	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat
1	Sisimiuni Maniitsumilu timersortarfinnut imminut pigisunut atasunik naluttarfiorinissat pilersaarusiomiissaat				1.000		1.000				
2	Nunaqarfinni timersortarfik tamatigoortut, ukiut allortarlugu ukiumut ataaseq	4.600		4.600	2.300	4.600	2.300	4.600	2.300		2.300
3	Sisimiuni Nalunnguarfiup atuarfiani inuusuttunut klubbi			10.000	10.000						

Tus. Kr.	Sanaartorfissagissaanermut pilersaarut, Teknikkeqarnermut ataatsimiititaliaq	2020		2021		2022		2023		2024	
Tuller	Pilersaarutip suussusaa	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat	Komm	Namm inersor lutik Oqartu ssat
1	Nunamik nutaamik atuileneq, Maniitsoq				10.000		10.000				
2	Avataaniit kiassaaneq, illoqarfii qeqqata tungaanut talliliineq, Sisimiut	500		2.000	0		2.000		6.000		6.000
3	Maniitsumi najugaqarfissiami A17-imi innaallagjaq, imeq, avataaniillu kiassaaneq imm. 1	2.600	3.850		3.850						

**Kommunalbestyrelsen februarip 27-ani 2020-imi ileqquusumik ataatsimiinnerata 01/2020
imaqarniliornera**

4	Sisimiuni - Qiviarfiup kitaatungaani Eqqaavimmut ilinniartunut inissianut sanaartorfigissaaneq, avataanit kiassaaneq ilanngullugu	1.500			4.000		4.000			
5	Akia-ta annertusinissaa, Innaallagjaq, Sakkortusaavik, Sisimiut	6.000		7.000	2.500					
6	Maniitsumi najugaqarfissiami A17-imi innaallagjaq, imeq, avataaniillu kiassaaneq, imm. 2					7.000	7.000			
7	Maniitsumi B12-mi inuutissarsiorfissami innaallagissamut aqqutillineq				1.500					

Atortunik annertusaanermut tunngatillugu, Sisimiuni Kangaamiunilu umiarsualivinnik nutarsaanissaq ilanngunneqanngillat, taakku 2019-imi entreprenørimumt suliariumannittussarsiuunneqarnikummata, neqerooruteqartoqanngimmalli ukioq mannamut kinguartinneqarlutik. Sisimiuni ikuallavissarsuaq nutaaq eqitsimmit peerneqarpoq, taanna pilersaarusiorneqarmat aammalu ESANI-mit pilersinneqassamat. Ilaqutariinnermut annertusaanissamut tunngatillugu, illoqarfinni utoqqaat illuinnut atatillugu puigortunngortunut immikkoortortat 2020-mi aningaasaqarnermut inatsimmut tunngatillugu nutarterneqarput, Paamiuni utoqqaat illuanni inunnut 24-nut inissat 56 mil. koruuninik akeqarnikummata, 2021-24-mi aningaasartaliussat missiliuussaapput.

Ilinniartitaanermut sunngiffimmilu annertusaanissamut tunngatillugu timersortarfinnik nutarsaanissat, qinnuteqaat tigussaasuutinniartullugu suliniummumt siunnersuummut aningaasartarpialerlugu allassimavoq, aammalu nunaqarfinni timersortarfiit tamatigoortut aningaasartai eqqarsaatigalugit Sarfannguanut suliniummumt siunnersuummut tulluarsagaapput. Sukorsit taartissatut inuusuttunut klubbi nutaatut kissaatigineqarpoq, mannali tikillugu inuusuttunut klubbinut Namminersorlutik Oqartussat suli 50 procentimik sanaartornermut tapiissuteqartarnersoq imaluunniit atuarfinnik sanaartornermut ilanngullugit kommunimut tunniunneqarsimanersoq ilisimaneqanngilaq.

Sanaartorfigissaanermut tunngatillugu sanaartorfigissaanermik suliniutini ingerlaavartunut tunngatillugu suliniutit ataasiakkaat nutarterneqarput. Kommunip pilersaarusiortigineqarnerani tapiliussa 25 naapertorlugu A30-mi sanaartorfigissaaneq peerneqarpoq, pilersaarutit tunngavissamik nutaamik suliaqartoqassasoq AA-mit kissaatigineqarnikummat. Avataanit kiassarnermut pilersuinnermut aqqutit naammassineqarnikummata, Nalunnguarfiup eqqaani sanaartorfigissaaneq peerneqarnikuuvoq.

Aningaasaqarnikkut allaffissornikkullu kingunerisinaasai

Namminersorlutik Oqartussat sanaartugassanut sorlernut akileeqataarusunnersut apeqqutaallutik aningaasaqarnikkut allaffissornikkullu kingunerisinaasai aalajangerneqassapput.

Allaffeqarfiup naliliinera

Namminersorlutik Oqartussat nammineq aningaasalersukkaminik pilersaaruteqarnerat imaluunniit akileeqataarusunnerat, aningaasaqarnikkut annertuumik kinguneqarmat, allaffeqarfiup nalilerpa, allattorsimaffik pingaarnersiugaq ima ukkatarineqassasoq, suliniutit toqqakkat tunngaviusumik erseqqissarluarneqarsimassasoq nassuiarneqarsimassarlu.

Eqitsisit uaniittut eqqartorneqarnikuupput aammalu 2020-mi februaarip 14-ani pisortaqatigiit ataatsimiinneranni akuersissutigineqarnikuullutik.

Taakku saniatigut kommunip Namminersorlutik Oqartussanut pingaarnersiuiinnermini Namminersorlutik Oqartussat pingaarnersiuiinerat eqqarsaatigineqartariaqarpoq.

Innersuussut

Pisortaqatigiit aamma Teknikkeqarnermut ataatsimiititaliami siulittaasup aammalu Aningaasaqarnermut ataatsimiititaliami siulittaasup innersuussutigivaat:

- sanaartugassatut kissaatit pingaarnersiukkat Namminersorlutik Oqartussanut nassiuunneqassasut

Teknikkeqarnermut ataatsimiititaliap siulittaasuata aalajangiinera

Ataatsimiititaliaq sinnerlugu siulitaasoq 20. februar 2020 aalajangiivoq innersuussut akuersissutigalugu.

Borgmesterip aalajangiinera

Aningaasaqarnermut ataatsimiititaliaq sinnerlugu borgmester-i aalajangiivoq innersuussut akuersissutigalugu.

Innersuussut

Suliaq Kommunalbestyrelsimut saqqumminneqarpoq inaarutaasumik aalajangiinissamut.

Alajangiineq

Kissaatinut ilanngunneqassaaq Kangerlussurami nunagissaanermut akileeqataasoqarnissaa.

Innersuussutigineqartut akuersissutigineqarput.

Ilanngussat

Siunnersuut Teknikkeqarnermut Ataatsimiititaliap Borgmesterillu atsiugaat

Imm. 16 Oqaluuserisassatut siunnersuut - Maniitsumi Turistkonsulent-eqalernissaq – suliap ingerlaqqinnera

Journalnr.: 73.15

Tunuliaqutaq

Kommunalbestyrelsimi ilaasorta q Gideon Lyberth oktobarip pingajuani 2018 mail-ikkut siunnersuuteqarpoq Maniitsumi turistkonsulent-eqalernissamik.

Nalunngisatsit ACB-mut isumaqatigiissuteqarpugut Sisimiuni turistkonsulent-ip Maniitsoq ilanngullugu sullittassaga.

Taamaattorli Gideon Lyberth kukkunngikkuni Maniitsumi turistkonsulent takunngisaannanganneqarpoq.

ACB-p nalunaarusiaani ilaavoq Maniitsoq turistkonsulent-eqalernissaminut piukkunnartoq. Aammalu nunaqarfii ilanngullugit turistkonsulent-eqalissagaluarpas ulloq naallugu sulisussamik sulisoqarnissaminik periarfissaqarluartoq, Maniitsumi eqqaanilu takornariaqarneq siuarsarneqassappat.

Taamaattumik Gideon Lyberth-ip siunnersuutigivaa Maniitsumi turistkonsulent-eqalernissaa, neriuutigalugu siunnersuut kommunalbestyrelse-mik tigulluarneqarumaartoq.

Pissutsit piviusut

Arctic Circle Business takornariaqarnermut siunnersortimik Sisimiuni najugaqartumik atorfeqartitsivoq. Taamaalilluni takornariaqarnermut siunnersortip Sisimiut, Maniitsoq, Kangerlussuaq nunaqarfiillu sinneri suliaraqfigisarivai. Maniitsumi takornarialerisut sullinniarlugit, takornariaqarnermut siunnersorti 2018-imi sisamariarluni Maniitsumut angalassaaq. 2018-imi Maniitsumi nunaqarfiinut tikeraarnissamat aningaasassaqaarsimanngilaq.

Maniitsumi takornariaqarnermut siunnersortimik atorfinitsitsisoqassappat, pineqartumit suliassat tullinnguuttut suliarineqartarnissaanut ACB innersuussivoq:

-Maniitsumi nunaqarfiinilu takornarissanut misigisassanut takornarialerisut tunisassaataannik ineriartortitsineq (tikeraartitsisusutut pikkorissartitsineq il.il.)

-nunap immikkoortuani takornarialerinerimut aallarnisaasinnaasunik takornariartitsisartunilluunniit pilersitsineq

-neriniartarfinni sullissinermullu suliaraqfinni sullissinerup qaffasissusaanik ukkataqarneq

-Maniitsumi arfanniartarfittut tikittariaaneranut nittarsaassinermik suliniuteqarneq pilersaarusiornermillu suliaraqarneq

- Kangaamiunut, Atammimmut Napasumullu nunaqarfinnut takornariaqarnermik ineriartortitsineq

- Sinerissap sinneranut sanilliullugu Maniitsumi umiarsuarnik takornariartaatinik tikinneqartarnerata maannakkut annikitsuusup, kulturikkut misigisassanik amerlanerusunik ineriartortitsineq

-qissattarluni aalisarnermik, sisorarnermik qamuterallannillu angalaarnernik, qajartortitsinernik il.il. ineriartortitsineq

Siunnersortip taassuma maanna takornariaqarnermik siunnersortimik Qeqqata Kommunianik tamarmik assigiinngitsorujussuarnik suliaraqareersumik suleqateqassaaq.

***Kommunalbestyrelsip februarip 27-ani 2020-imi ileqquusumik ataatsimiinnerata 01/2020
imaqarniliornera***

Immikkoortoq ineriartortikkusunneqassapat, taava nunaqarfiliartarnissamut assartuinnermut aamma aningaasanik immikkoortitsisoqassaaq, tamannalu ACB-ip suliniutinut qinnuteqaataasa itigartitaanerat patsisaalluni aningaasassaqtinngisaa aningaasartuutaangaatsiassaaq.

Allaffeqarfiup innersuussutaa

Innersuussutigineqarpoq kommunalbestyrelsimi oqallisigineqassasoq.

Kommunalbestyrelsip suliamik sularinninnera

Suliaq Takornariaqarnermut ataatsmiititaliamut ingerlateqqinneqarpoq.

Takornariaqarnermut ataatsmiititaliap suliamik sularinninnera

Februarimi 2019 ataatsmiinnissamut Turistkonsulent-i sunik suliaqarnissaa eqqartorneqarnissaa ilaassasoq ataatsmiititaliap 17. december 2018 taatsimiinnermini aalajangerpaa.

Atuilluartaunissamut siunnersorti ACB-milu sulisoq qanoq suleqatigiilluarsimanerat juni-mi ataatsimiinnermi paasiniassagipput.

Innersuussut

Allaffeqarfiup innersuussutigivaa akuereqqullugu,

-Aningaasaliissutit annertussusaat pisariaqartitsinerlu aallaavigalugit Maniitsumi atorfinittitsisoqassanersoq Arctic Circle Business nammineq nalilersorsinnaassavaa

Aningaasaarnermut ataatsmiititaliap suliamik sularinninnera

Ataatsmiititaliap 18. Februar 2020 ataatsimiinnermini innersuussut akuersissutigivaa.

Innersuussut

Aningaasaqarnermut ataatsmiititaliap Kommunalbestyrelsimut innersuussutigivaa akkuereqqullugu,

-Aningaasaliissutit annertussusaat pisariaqartitsinerlu aallaavigalugit Maniitsumi atorfinittitsisoqassanersoq Arctic Circle Business nammineq nalilersorsinnaassavaa

Aalajangiineq

Taasineq

Akuersisut 9: AKH, EO, JE, SDRO, ALO, MB, EF, FO, EJ

Itigartitsisut 3: RH, GL, JO

Taaseqataanngitsoq 1: HF

Innersuussutigineqartoq akuersissutigineqarpoq.

Ilanngussat

1. Gideon Lyberth-ip mailia 3.10.2018

**Imm. 17 Borgmesterip aalajangiinera - Kommunalbestyrelsimi qinikkatut
suleqqilernissamik qinnuteqaat – Erik Jensen**

Journalnr. 01.01.03

Tunuliaqutaq

Kommunalbestyrelsimut 1. maj 2017-imit 30. april 2021-imut qinigaaffimmi Erik Jensen Siumut tunuliaqutaralugu qinigaanikuuvoq. Inatsisartuni sulinini pissutigalugu kommunalbestyrelsimut qinikkatut, piffissamik killiligaanngitsumik sulinngiffeqarallannginnissaminik Erik Jensen qinnuteqarpoq akuerineqarlunilu apriliip 26-iani 2017.

Decembarip pingajuani 2019 Erik Jensen qinnuteqarpoq januarip aallaqqaataaniit 2020 kommunalbestyrelsimi suleqqilernissaminik.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq § 54 ima allassimavoq:

*Imm.1 Ilaasorta qinigaaffiup iluani kommunalbestyrelsimi tunuarniarluni qinnuteqarpat, qinnuteqaat taamaattoq qanoq kinguneqartinneqassanersoq kommunalbestyrelsip aalajangissavaa.
Imm. 2. Qinnuteqaat ilaasortap peqqissusaata qanoq issusianik tunngavilersorneqarpat, sulianik assigisaanilluunniit pingaaruteqartunik pissuteqarpat, pineqartup ilaasortaanissaanut ajornarnerulersitsippat, qinnuteqaat naliginnaasumik akuerineqassaaq.*

Pissutsit atuuttut

Kommunalbestyrelsimi ilaasortatut qinigaasoq sulinngiffeqareerluni sulileqqinnissaanut sukkulluunniit utersinnaammat, qinnuteqaat akuerineqartariaqarpoq.

Erik Jensen-ip kommunalbestyrelsimi qinikkatut sulileqqinnerani, Siumut-miit sinniissuusooq Efraim Olsen 31. december 2019 ilaasortaajunnaassaaq.

Allaffeqarfiup innersuussutaa

Allaffeqarfiup kommunalbestyrelsimut tullinnguuttut akuerisassanngorlugit innersuussutigai:

1. Erik Jensen kommunalbestyrelsimi qinikkatut januarip aallaqqaataaniit 2020 sulileqqissasoq
2. Efraim Olsen kommunalbestyrelsimi qinikkatut decembarip 31-aniit 2019 suliunnaassasoq

Borgmesterip aalajangiinera

Kommunalbestyrelsi sinnerlugu borgmesteri decembarip 9-ani 2019 aalajangiivoq,

-innersuussut akuersissutigalugu

Kommunalbestyrelsi tullissaanik ataatsimiileruni, aalajangiineq pillugu paasissutissinneqassaaq.

Innersuussut

Kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussaq

1. Erik Jensen-ip kommunalbestyrelsimi qinikkatut suleqqilernissaminut qinnuteqaataa ulloqartoq 3. juli 2019

Imm. 18 Ataatsimiititaliamut ilaasortassanik sinniisussanillu nutaanik qinersineq – Siumut

Journal nr. 01.01.03

Tunuliaqutaq

Sulinngiffeqareerluni 2020-mi januaarip aallaqqaataani Erik Jensen kommunalbestyrelsimut ilaasortannorneranut atatillugu, suleqatigiit Siumut, Inuit Ataqatigiit Partii Nalerarlu ataatsimiititaliamut il.il. ilaasortassanik sinniisussanillu kommunalbestyrelsimut akuerisassanngortitsilluni innersuussinissaanik qinnuigineqarpoq. Tassunga atatillugu Efraim Olsen kommunalbestyrelsimiit 31. december 2019 tunuarpoq.

Maleruagassatigut tunngavissat

Kommunit aqunneqarnerat pillugu Inatsisartut inatsisaanni nr. 29, 17. november 2017-meersumi § ”38-mi allassimavoq *Piffissap qinigaaffiup ingerlanerani ataatsimiititaliami taamaaqataaniluunniit ilaasorta q tunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunangga inuttalerneqassaaq.*”

Pissutsit atuuttut

Tullinnguuttunut **ilaasortamik nutaamik** qinersisoqassaaq:

1. Atugarissaarnermut ataatsimiititaliaq

Tullinnguuttumi **sinniisussamik nutaamik** qinersisoqassaaq:

1. Teknikkeqarnermut ataatsimiititaliaq
2. Ilinniartitaanermut ataatsimiititaliaq

Innersuussut

Kommunalbestyrelsimut akuersisassanngorlugu, Suleqatigiit Siumut, Inuit Ataqatigiit Partii Nalerarlu tullinnguuttutigit toqqaanissamut innersuussinissaanik qinnuigineqarpoq

Tullinnguuttunut **ilaasortamik nutaamik** qinersisoqassaaq:

1. Atugarissaarnermut ataatsimiititaliaq

Tullinnguuttumi **sinniisussamik nutaamik** qinersisoqassaaq:

1. Teknikkeqarnermut ataatsimiititaliaq
2. Ilinniartitaanermut ataatsimiititaliaq

Borgmesterip aalajangiinera

Suleqatigiit tusarniaaffigereerlugit suleqatigiit sinnerlugit 10. januar 2020 borgmesteri aalajangiivoq,
-Erik Jensen qinigaasoq

Kommunalbestyrelsi tullissaanik ataatsimiileruni, aalajangiineq pillugu paasissutissinneqassaaq.

Innersuussut

Kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

1. Ataatsimiititaliat allattorsimaffiat

**Imm. 19 Islandimiit modelip atuutilersinneqarnissaanut suleqatigiit suliaqarnerat
pillugu paasissutissiineq**

Journal nr. 00.10.01

Tunuliaqutaq

2018-imi oktobarimi kommunalbestyrelsi pisortaqtigiillu Islandimut isumassarsiorlutik angalapput.

Kommunalbestyrelsip 2018-imi oktobarip 25-ani ataatsimiinnermini eqqartorpaa, kommunip Islandimi isumassarsiat pissarsiarineqarnikuusut qanoq sulissutigeqqinneqarsinnaanersut.

Tamatuma kingorna ataatsimiititaliat tullinguuttumi allaqqasut suliamik suliaqarsimapput.

- Inuussutissarsiutinut Takornariaqarnermullu ataatsimiititaliaq ulloq 17. decembari 2018.
- Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliaq 1. februaari 2019
- Ilaqutariinnermut isumaginninnermullu ataatsimiititaliaq 21. aggusti 2019.
- Atugarissaarnermut ataatsimiititaliaq 11. decembari 2019.

Oktobarip aallartinneraniilli akimortumik suleqatigiit Sisimiuni Maniitsumilu pisortap sulisuunik tallimanik, Sisimiuni timersornermut siunnersortimik Maniitsumilu sunngiffimmi pisortamik ilaasortalik, ataatsimiititaliat assigiinngitsut suliassaat pillugit tamanik isiginnilernissamik suliaqarluni aallartinnikuuvoq, misissorlugulu Islandimiit misilittakkat qanoq pitsaanerpaamik atulersinneqarsinnaanersut. Sisimiuni Maniitsumilu pitsaaliuineramik siunnersortit 2020-mi februaarimi suliamut peqataatinneqalerput.

Oqaluuserisassani suliami allami ”Islandimiit modelip atuutilersinnissaanut suleqatigiinneq”-mi, islandimiit modelip siunnessami kommunimit qanoq sulissutigineqarnissaa pillugu, Kommunalbestyrelsi isummertussaavoq. Suliami tassani Planet Youth-imik kiisalu Center for folkesundhed i Grønland, Paarisa aammalu Peqqissutsimut Naalakkersuisoqarfimmik suleqatigiinnissaq ersarinnerusumik nassuiarneqarpoq.

Maleruagassatigut tunngavigisaaq

Qeqqata Kommuniani Peqqinnissamut pinaveersaartitsinissamullu politikki 2018

Qeqqata Kommuniata 2018-imit 2022-p tungaanut pilersaarusiordermi periusissai

Pissutsit atuuttut

Suleqatigiissitaq qaammatini kingullerni tallimani suliniutinik assigiinngitsunik, politikikkut allaffeqarfimmiillu aalajangerneqartunik ingerlataqarpoq. Tullinnguuttuni suliniutit taakku assigiinngitsut paasissutissiissutigineqassapput.

Meeqqanut inuussuttunullu sunngiffimmi timersornermut neqeroorutit akeqanngitsut

2020-mit Qeqqata Kommunian meeqqanut inuussuttunullu 18-it ataallugit ukiulinnut akeqanngitsumik timersorsinnaalernermik atuutilersitsivoq. Timersoqatigiiffinni ilaasortanut 18-it ataallugit ukiulinnut ilaasortaannermi akiliutaasartut kommunimit akilerneqartassapput. Ima paasineqassaaq, meeqqat inuussuttullu timersoqatigiiffinnut akeqanngitsumik ilaasortaalersinnaassasut, nammineq aaqqissuullu timersornernuunngitsoq. Tamanna ”Inuunerinneq – inuuneq tamaat” suliniummit aningaasaliiffigineqarpoq, 125.000 koruuninillu missingersuuteqarfigineqarluni. Ilinniartitaanermut ataatsimiititaliamit suliaq akuersissutigineqareerpoq, timersoqatigiiffinniillu aalajangiineq nuannaarutigineqangaatsiarluni.

Sunngiffimmi neqeroorutininik suliaqarnermi inooqataanermi akisussaaneq ilanngunneqarnissaa eqqarsaatigineqarpoq

14-inik ukioqalereersimasunut angalanissanut tapiisarnissamut inuiaqatigiittut piumasqaateqarnissaaq Suliaq Kommunalbestyrelsip 07/2018-issaanik nalinginnaasumik ataatsimiinneranili ingerlanneqalerpoq, 02/2020-milu inaarutaasumik aalajangiiffigineqarluni. Siunertaavoq timersortartut unammuaarnernut pissartanngorniunnernullu peqataanissamut angalanermut tapiiffigineqartartut, pisortanit aningaasanik tunineqaannaratik, angalanissamut tapiissutinik pissarsinissaminnut inuiaqatigiinnut arlaatigut akisussaaffilerneqassasut. Assersuutigalugu illoqarfimmik imaluunniit pinngortitamik takujuminarsaanerusinnaavoq, meeqqeriviit eqqaanik, kommunit aaqqissuussaani aammalu utoqqarni il.il. aputaajaaneq. Suliaq akuersissutigineqarpoq, timersoqatigiiffinniillu tigulluarneqarluni.

Planet Youth-ip suleqatigineranik misissuineq allaaserinninnerlu

Ukiuni tallimani isumaqatigiissuteqarluni suliniummik suleqatigiinnissamut periarfissaq pillugu, arlaleriarluni Planet Youth ataatsimeeqatigineqarpoq. Suleqatigiinnisamik isumaqatigiissusiornissaaq pillugu oqaloqatigiittoqarnikuuvoq, tassunga atatillugu suleqatigiissitaq aamma Planet Youth ukiut marlukkaarlugit apersuutinik immersugassanik misissuisoqartarnissaanik, piffissassaliussatut pilersaarut, aningaasaqarneq, inuiaqatigiinni piareersimanermut naliliineq (community assesment), workshoppertitsineq kiisalu Planet Youth-ip kommunillu suut tunniutissanerai pilugit naatsorsuuteqarneq pillugu eqqartueqatigiillutik.

HBSC misissuinerup suleqatigineranik misissuineq allaaserinninnerlu

Siunissami pinaveersaartitsinermut suliniutinut atatillugu misissuineq angusaqartumik qanoq atorluarneqarnerusinnaanersoq pillugu, 2019-imi novembarimili suliat akimorlugit suleqatigiissitamit Center for Folkesundhed i Grønland, Peqqissutsimut Naalakkersuisoqarfik Paarisalu suleqatigiipput. Ataavartumik skype-kkut ataatsimiittarnikkut suleqatigiinneq ingerlanneqarpoq, siunissamilu suliniutissamut suleqatigiinnissamut isumaqatigiissummik piffissaliussanullu pilersaarummik suleqatigiittoqarluni. Taamatut suleqatigiinnerup kingunerivaa, Planet Youth-imut ilaasortaalernequmut atatillugu suleqatigiinneq periarfissatut isigalutigu, HBSC-misissuinerup pioreersut atorneqarsinnaammata, ukiorlu allortarlugu ingerlanneqartalerneqatigut annertusarneqarsinnaallutik, annertusaanermilu apeqqutit Qeqqata Kommunianut naleqqussarneqarsinnaallutik. Tamatuma saniatigut suleqatigiit workshoppertitsinermut peqataasassapput, kommunimilu pinaveersaartitsinermik suliniutinik aallartitsisassallutik.

Suleqatigiinnissamut periarfissanut assigiinngitsunut aningaasaqarnikkut kingunerisinnaasaanik naatsorsuineq

Suleqatigiinnissamut isumaqatigiissutaasinnaasuni marluusuni aningaasaqarnikkut kingunerisinnaasai naatsorsorneqarput, taamaalillutik periusissamut suleqatigiinnissamullu aalajangiinissamut ilaatinneqarsinnaallutik (2020-mi februarip pingajuani IA-mi suliaq kiisalu ullumi kommunalbestyrelsip ataatsimiinnerani suliaq takukkit). Naatsorsuinissamut suleqatigisinnaasanit marluusunit neqeroorutininik kiisalu assartuinernequmut, najugaqarnernequmut nerisaqarnernequmullu, siunnersorteqarnermi aningaasartuutit pingaarnerusartunik piniartoqarnikuuvoq.

Meeqqat inuusuttullu atugarissaanerininik misissuinerit ukiumut imaluunniit ukioq allortarlugu ingerlatsisinnaanermut periarfissanik misissuineq

Ukiut sisamakkaarlugit HBSC nuna tamakkerlugu atugarissaarnermut misissuinerinik ingerlatsisarpoq. Qeqqata Kommunia suleqatigalugu ukioq allortarlugu HBSC misissuinerinik ingerlatsisarnissamut isumaqatigiissuteqarpoq.

Ukiuni tallimani sivisussuseqartumik suliniuteqarnerup ingerlanerani, tassa 2020-mi, 2022-mi aammalu 2024-mi (ukioq allortarlugu), misissuinerit pingasut ingerlanneqartussaassapput, tamannalu Planet Youth-imut ilaasortaanermik pituttuisitsisuulluni.

HBSC-misissuinerimut apeqqutinik ilassutissanik suliaqarneq

Planet Youth-imut ilaasortanngornermi apeqqutit immersugassat ilaatigut meeqqat inuusuttullu pissuserisartagaasa tunuliaqutaanik paasinnaannanermut iluaqutaasut, iluaqutissat ilaraat. Islandimiit modelimut atatillugu suliniarnermi atuinissamut siunertamut, HBSC-misissuinerup kiisalu Planet Youth-imit apeqqutit immersugassat misissorneranni, HBSC-misissuinerimi annikitsunik amigaateqalaartoq, suleqatigiissitamit nalilerneqarpoq. Tamanna tunngavigalugu suleqatigiissitaq Center for Folkesundhed i Grønland-imik suleqateqarluni, pissusilersuutitut assigiinngitsunut patsisaasunik misissuinnissamut, HBSC-apeqqutit immersugassat apeqqutinik ilalerlugu ineriartortitsinissamut qanoq iliortoqarsinnaanerani suliaqarput. Planet Youth-apeqqutit immersugassanik sanilliussilluni aammalu misissuinnikkut suleqatigiissitaq apeqqutinik tapiliussassanik ineriartortitsilluni aallartereerpoq, taakkulu HBSC-misissuinerimut ilanngunneqassallutik, taamaaliornikkullu suliniutissanik pilersaarusiortoqannginnerani atuutilersitsinnginnermilu annertunerusumik paasisaqarfigerusutanut, suliniutissanut tunaartaqalersitsissallutik.

Islandimi ataatsimiinnissamut tikeraarnissamullu pilersaarusionerq

Suleqatigiissitami ilaasortat pingasut Islandimi Planet Youth-ip ataatsimiinneranut ” Prevention is possible”-mut peqataassapput, ataatsimiinnerlu marsip ulluini 4-6 ingerlanneqassaaq, tassani islandimiit modeli kiisalu nunani allani qanoq atuutilersinneqartarnera eqqartorneqassallutik. Tassunga atatillugu suleqatigiissitaq Margrét Lilja Guðmundsdóttir-imut, Reykjavik University at the Department of Sport Science-mi ilinniartitsisuusumik attaveqarpoq. Margrét timersoqatigiiffinnik angalanitsinni tikeraarsinnaasatsinnik attaveqaatinik pilersitsissaaq. Ataatsimiinnermi ullut tamakkiiallugit imaqarluarmat, ajoraluartumik soorlu kommuninut alakkarusutaraluatsinnut piffissaqarpallaanngilagut. Peqatigiiffinnulli klubbinullu assigiinngitsunut, matumani angajoqqaat peqatigiiffiannik pulaarnissarput pilersaarutigaarput, taamaattorli ataatsimiinnermi Islandimiit nunanillu allanik islandimiit modelimik suliaqartunik siunissami suleqatigiinnissamik siunertaqartumik attaveqateqalernissamut periarfissatsialaavoq.

Kommuneqarfik Sermersuup suleqatigisinnaanerani misissuineq

Suleqatigiissitamit islandimiit model pillugu suleqatigiinnissamut Kommuneqarfik Sermersuumik suleqatigiinnissaq pillugu misissuisoqarlunilu attaveqartoqarpoq, tamannali iluatsinngilaq, suleqatigiinnissamut imaluunniit ´suliniutinut´ misilittakkanullu siunnersiueqatigiinnissamullu kissaatitsinnut Kommuneqarfik Sermersooq naapitsinissamut piffissaqarsimannilaq.

Allorfimmik Peqqinnissaqarfimmillu suleqatigiinnissamut isumaqatigiissutit

Islandimut paasisassarsiorluni angalanermit suliamik ingerlatitseqqiinnissamut eqqartuinerimut atatillugu, 2019-imi aggustip 21-ani Ilaqutarinnermut Isumaginninnermullu ataatsimiititaliap ataatsimiinnermini aalajangiivoq, Allorfimmik Peqqinnissaqarfimmillu suleqatigiinnissamut isumaqatigiissusiortoqassasoq. 2020-mi februaarip aqqaneq-aappaani Atugarissaarnermut

ataatsimiititaliap ataatsimiinnermini suleqatigiinnissamut isumaqatigiissutit naammassineqareersut atsiorneqareersullu pillugit paasisutsiiffigineqarpoq.

Innuttaasunik ataatsimiisitsinissamut periarfissanik ilusissanillu eqqartuineq

2019-imi aggustip 21-ani Ilaqutariinnermut Isumaginninnermullu ataatsimiititaliaq (maannakkut Atugarissaarnermut ataatsimiititaliaq) ataatsimiinnermi aalajangiivoq, Islandimut paasisassarsioriarlorluni angalanermit misilittakkat pillugit innuttaasunik ataatsimiisitsinissamut, Kommunalbestyrelsimut siunnersuusiortoqassasoq. Tamatuma saniatigut Atugarissaarnermut ataatsimiititaliaq 2019-imi decembarip aqqarngani ataatsimiinnermini aalajangiivoq, ataatsimiititaliat akimorlugit isumasioqatigiisitsisoqassasoq.

Innuttaasunik ataatsimiititsinissaq suliallu akimorlugit isumasioqatigiisitsinissap kinguartinneqarnissaat suleqatigiissitamit aalajangerneqarpoq, matumani peqqissaartumik piareersaasoqarnissaa aammalu Islandimit isumassarsianik atuutilersitsinissamut qanoq ingerlariaqqittoqarnissaanik isumassarsianik ilusilersuisoqarnissaa kissaatigineqarmat. Maannakkut suleqatigiisitamit nalileneqarpoq, sulianik ingerlanneqareersunik kiisalu suliap ingerlateqqinnissaanut pilersaarutinik imaqartunik, suliat akimorlugit isumasioqatigiisitsinissap innuttaasunillu ataatsimiisitsinissat 2020-p upernaani ingerlanneqarsinnaalersut. Siunissami qaninnerusumi suliasat taakku suleqatigiisitamit aallartisarneqassapput.

Sisimiuni angajoqqaat siunnersuisoqatigiiviniq suleqatigiissinnaaneq

Novembarimi suleqatigiisitat Sisimiuni angajoqqaat siunnersuisoqatigiivimmik aallartisarneqartumik, angajoqqaanik peqataatitaqarnermut tunngatillugu suliniutaasinnaasunut, soorlu angajoqqaanut attaveqaatit il.il. peqataatinneqartarnissamik tusarniaaffigineqartarnissamillu kissaateqartumut attaveqarpoq.

Sunnigiffimmi aasaanerani sulisinnaanermut periarfissanik misissuineq suliaqarnerlu (Majoriamik suleqateqarnik)

Maniitsumi Sisimiunilu Majoriani aqutsisut peqatigalugit, sunnigiffimmi aasaanerani sulisinnaanermut periarfissat pillugit pilersarusiorneq aallartisarneqarpoq. Maniitsumi Majoriaq aasaanerani suliffinnut aasaanerani programmimmik ingerlatsisareerpoq, tassani inuit 12-15-it missaaniittut pinngortitami suliaqartarlutik. Sisimiuni assinganik periarfissaasinnaasumik misissuisoqassaaq. Sammisqaartitsinernut assigiinngitsunut Majoriamit Namminersorlutik Oqartussanut tapiissutinik qinnuteqartoqarsinnaavoq, assersuutigalugu illuaqqiorneq majoriamit atorluarneqarsinnaasoq kiisalu inuusuttut peqatigalugit nammineq sanaartorneqarsinnaasoq. Pisortap sulisui Majorianilu aqutsisut suleqatigalugit, aasaanerani suliffiusinnaasunik periarfissanik allanik pilersarusiorneqassaaq/misissuisoqassaaq. Oqaatigineqassaaq, Majoriaq inuusuttunut 15- iniit 29 tikillugit ukiulinnut suliffimmik sungiusarnissamik neqerooruteqareermat.

Atuarfinni aalanerulernissamut isumassarsiat pillugit isummersoqatigiinneq, aningaasaateqarfinnullu qinnuteqarnissamik aallartisarneq

Center for folkesundhed i Grønland-imik suleqatigiinnermut ilaatillugu, atuarfinni aalanerulernissamut suliniummik aallartitsinissamik suleqatigiisitaq kiissaateqarpoq, Center for folkesundhed i Grønland-ilu suleqatigalugu marsimi nassiunneqartussamik aningaasaateqarfinnut qinnuteqaasiornissamik pilersarusiorlutik.

Atuarfimmit peqataaffigineqartumik aalanerunissaq pillugu marloriarluni workshopertitsinissaq kissaatigineqarpoq, taakkunani Qeqqata aalanerulernissamut katersisat, sammisqaartitsinissamut

atortunik, sakkunik isumassarsianillu imaqartuq, atuarfimmi ulluinnarni aalanerulersitsinissamik pisariillisaasunik saqqummiisoqassalluni.

**Suliamut pilersaarsusiornermi periusissiap kiisalu peqqinnissamut
pinaveersaartitsinissamullu politikkip ilanngutsinneqarnissaa**

Suliniutit ilaannut tamanut pilersaarsusiornermi periusissiap kiisalu peqqinnissamut pinaveersaartitsinissamullu politikkip ilaatinneqarnissaa pingaaruteqarpoq. Tassani takorluukkanut anguniakkanullu suliniutit naapertuupput.

Suliamut piffissaliussatut pilersaarut

Islandimiit modelip, sisamanik alloriarfiusumik ajornartorsiutinik suussusiliinertigut, 1) apeqqutit immersugassat 2) workshoppertitsinikkut inernernik eqqartueqatigiinneq 3) paasissutissat eqqartueqatigiinnerillu tunngavigalugit sumiiffinni suliniutinik aallartisaaneq 4) suliniutinik aallartitanik nalilersuineq naleqqussaanerlu, qanoq tigussaasumik atuutilersinneqarnissaanut periarfissanik misissuinissamut ukkataqarnerunissamik suleqatigiissitaq pingaarnersiuivoq. Tassunga atatillugu iluaqutissat ajoqutaasinnaasullu kiisalu periutsit assigiinngitsut marluusut akiinik misissuinissamik suleqatigiissitaq ukkataqarpoq, tamannalu oqaluuserisassani immikkoortumi allami tamanna aalajangiiffigineqassaaq.

Tamanna ima paasineqassaaq, suliamut killiliussat inissinneqarnissaasa tungaanut, angerlarsimaffiusussamut piffissanut malittarisassanik, angajoqqaanik isumaqatigiissutit kiisalu innuttaasunik akuunerulersitsinermik suliat uninngatinneqarallarnissaat toqqaripput. Piffissaliussatut pilersaarut naapertorlugu, ukiumi aggersumi sammisassat taakku pingaarnersinneqassasut.

Atuilluartuunissakkut kingunerisinnaasai

Sulineq islandimiit modelimik aallaaveqarpoq, suliniullu najukkami ileqqunngortinneqassaaq inuiaqatigiinnullu ilaqutariinnullu akuliutsinneqarluni Qeqqata Kommuniani meeqqanut inuusuttunullu atajuartussamik ajunngitsumik atuilluartussamillu allannguutaanissaa siunertaralugu.

Aningaasaqarnikkut allaffissornikkullu kingunerisinaasai

Immikkoortoq ”Islandimiit model atulersinneqarnissaa pillugu suleqatigiinneq” takuuk

Innersuussut

Allaffeqarfiup Kommunalbestyrelsimut innersuussutigaa

-paasissutissiissut tusaatissatut tiguneqassasoq

Alajangiineq

Paasissutissiissut tusaatissatut tiguneqarpoq. Atorfillit Island-imut angalanerata kingorna kommunalbestyrelsimut paasissutissiissuteqartoqassaaq.

Ilanngussat

Soqanngilaq

Imm. 20 "Inuunerinneq – inuuneq tamaat" pillugu paasissutissiineq

Journal nr. 42.00

Tunuliaqutaq

2019-imi januaarip 24-ani kommunip suliat akimorlugit annertuumik suliniutaa: Qeqqata Kommuniani "Meeqqat inuunerissut" nalilersorneqarpoq, suliniummilu aaqqiissuussaaneq allangortinneqarpoq. Allanguinermi annertunerusumik siunertaasoq tassaavoq, isumaginninnermi ilinniartitaanermilu immikkoortuni akimortumik suliniutit tamaasa katersorneqarnissaat, aammalu kommunip peqqinnermut pinaveersaartitsinissamullu politikianit, Qeqqata Modellimit, atuilluartaunissamik siuliniummit aamma pilersaarusiornissamut periusissiamit aallaavillit suleqatigiissitat suliniutinit nutaani akuutinneqarnissaat.

Maleruagassatigut tunngavigisag

Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat Peqqinnissaq pinaveersaartitsinissarlu pillugit politikki, Qeqqata Kommunian 2018 Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. november 2011-meersoq

Pissutsit atuuttut

Meeqqat pisinnaatitaaffiit suliffeqarfimmit innersuussutit meeqqat pitsaasumik inuuneqarnissaanik, Peqqinnissaq pinaveersaartitsinissarlu pillugit politikkinngaanniik erseqqissarpaa utoqqaat inuunerissarnerisa kinaassusaasalu paariinnarnerisigut kiisalu innuttasut innarluutillit innuttaasut allatuulli pingaarutilimmik inunneqarnerat akuutinneratigut meeqqat pitsaasumik inuuneqarnissaanik Qeqqata Kommunian aguniagalimmik suliaqarpoq.

2019-imi septembarip 30-ani suliniut Inuunerinneq - inuuneq tamaat 2,3 mio. koruuninik aningaasaliiffigineqarpoq.

2019-imi decembarip 17-iani 2019-imi aningaasat atunngitsuukkat 2.050.255 koruunit 2020-mut nuutsinneqarsinnaanerat pillugu qinnuteqartoqarpoq.

2019-imi aningaasat atorneqarnissaanut pissutsit arlallit pissutaallutik atornissaat periarfissaqarsimangilaq, pissutaasut taaneqarsinnaapput:

- Aningaasat qanoq pitsaanerpaamik atorneqarnissaannik piareersarnissaq misissuinissarlu pisariaqarsimavoq.
- Aningaasaliissutit ilaat pikkorissaanernut atorneqassapput, tamatumani pikkorissaanissami aqutsisussat 2019-imi pikkorissaanissamut periarfissaqarsimanatik.
- Aningaasat allat tarnit pissusiinik ilisimasallit angalasartunut atorneqarnissaat naatsorsuutigineqarpoq, tassungali qaammatinik arlalissuarnik utaqqisoqartarpoq.

2020-mi februaarip 12-ani aqutsisooqatigiit ataatsimiinnikuupput, tassani siunnersuutigineqarluni suleqatigiinni arfineq-marluusuni ataqatigiissaarisut atuuffii aqqiissuuteqqinneqassasut. Tassunga tunngavisoq tassaavoq, immikkoortortani pisortat Inuunerinneq - Inuuneq tamaat-mut suleqatigiissitaaqqani arfineq-marluusut ataanni ataqqatigiissaarisuummata/nikummata, immikkoortortaminnit suliniutit ilaannut aningaasanik nassaarnarsinnaammata. Suliniut nammeneq maannakkut aningaasaateqalerpoq, suleqatigiissitanullu ataqatigiissaarisutut atuuffik pisortaanerup sulisuinit tiguneqarsinnaalluni, taamaalilluni immikkoortortani pisortat suliasaminnut oqilisaanneqarlutik.

Suliniutit ingerlasut 62-iupput (ilanngussami 1-imi sungaartumik aappalaartumillu nalunaaqqasut) aammalu suliniutit naammassineqarnikut 68-iullutik (ilanngussaq 2-mi qorsummik nalunaaqutseqqasut), taakku suliniutit ilaat, ingerlatsinermut akuutinneqalereeramik ingerlaavartumik ingerlanneqarlutik. Suliniutit 15-it missingersuutini kissaatit ilangussaapput (ilanngussaq 3-mi tungujortumik nalunaaqutseqqasut).

Atuilluartuunissakkut kingunerisinnaasai

Kommunip suliniutaa "Inuunerinneq - inuuneq tamaat" salliutinneqarneratigut inuiaqatitsinnut siunissamik atuilluartumik qulakkeerinneqataassaat, tamatumani Qeqqata Kommuniani innuttaasut qanorluunniit ukiullit ingerlalluassallutik aammalu peqqinnartumik aalalluartumillu inuuneqassallutik.

Aningaasaqarnikkut allaffissornikkullu kingunerisinaasai

Suliniut Inuunerinneq - inuuneq tamaat aningaasanik pissarsinerata kingorna, suliniutit arlallit naammassinneqarnerannik kinguneqarnikuvoq aammalu MIO angalanermit nalunaarusiaa, Pilersaarusiornissamut periusissiaq aamma Peqqinnissamut pinaveersaartitsinissamullu politikki malillugu suliniutit arlallit pilersaarusiorneqarput. Tamanna pilersaarusiaq Qeqqata Kommuniani allaffissornikkut akimortumik suleqatigiinnermut nukittorsaataanikuvoq.

Allaffeqarfiup naliliinera

Inuunerinneq - inuuneq tamaat-mut suliniutinik unitsaaliuinissamut aningaasanik ukiumut immikkoortitsisoqartarnissaa kissaatiginarpoq. Atuinnermut killiffissiuinikkut nakkutilliineq ingerlanneqassaaq, taamatullu atuinerup appariaateqarsimanera aamma nakkutigineqassalluni.

Innersuussut

Allaffeqarfiup Kommunalbestyrelsimut innersuussutigaa

- "Inuunerinneq - inuuneq tamaat" pillugu paasisutissiissut tusaatissatut tiguneqassasoq

Alajangiineq

Paasisutissiissut tusaatissatut tiguneqarpoq.

Ilanngussat

- 1) Suliniutinut takussutissiaq - ingerlasut
- 2) Suliniutinut takussutissiaq - naammassiat
- 3) Suliniutinut takussutissiaq - missingersuutininut kissaatit

Imm. 21 Borgmesterip aalajangiinera - Suliniutip 'Kikkut tamarmik tunniussaqsarsinnaapput' ataani aningaasaliissutaasunik 2019-imit 2020-mut nuutsineq

Journal nr. 06.02.04

Tunuliaqutaq

Suliniut 'Kikkut tamarmik tunniussaqsarsinnaapput' atuilluartuunissakkut aningaasaliissutinit 2019-imi aprilimi aningaasaliiffigineqarpoq. Pissutsit assigiinngitsut pissutaallutik 2019-ip naanerani aningaasaliissutit tamakkerlugit atorneqarnissaat angumerineqsarsinnaanngimmat, 2019-imit 2020-mut aningaasaliissutit atunngitsuukkat nuutsinneqarnissaat pillugu qinnuteqartoqarpoq.

Maleruagassatigut tunngavigisaq

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Suliniut 'Kikkut tamarmik tunniussaqsarsinnaapput' atuilluartuunissakkut aningaasaliissutinit aprilimi 186.350 koruuninik tunineqarpoq. Inuit innarluutillit sulisut pillugit paasissutissanik ilisimasanillu siammarterinissaq siunertaralugu paasititsiniaanissamik suliaqarnissamut, suliffeqarfinnut sullissisunullu paasissutissat atortussanik suliaqarnissamut, illuatungerisanik attuumassutilinnik workshoppertitsinissanut kiisalu Sisimiuni Maniitsumilu paasissutissiilluni ataatsimiititsinissanut aningaasat tunniunneqarput. Qeqqata Kommuniani allaffissuarmi sulisut paarlakaannerat pissutaalluni piffissatut sinaakkutissatut pilersaarutaasup iluani suliniut naammassineqsarsinnaanngilaq, taamaaattumik aningaasat atunngitsuukkat 105.770 koruunit 2020-mut nuutsinneqarnissaat qinnuteqaatigineqarpoq, taamaalilluni suliniut naammassineqsarsinnaaniassammat. Piviusorsiorlutut isigineqarpoq, ukiumi naatsorsuuseriffiusumi 2020-mi suliniut naammassineqsarsinnaasoq.

Atuilluartuunissakkut kingunerisinaasai

Aningaasat suliniutinut atuilluartunut tunniussaapput, ukiup naatsorsuuseriffiusup tullianut aningaasaliissutit nuutsinneqarneratigut suliniutit ingerlanneqarnissaanut periarfissiisoqarpat, kommunimi atuilluartumik ineriartortitsinermut siuarsaataassallutik.

Aningaasaqarnikkut allaffissornikkullu kingunerisinaasai

2019-imi missingersuut

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
3701013532	Ilaqtariittut inuuneq pitsaanerusoq	186.350	-105.770	80.580
	Katillugit	186.350	-105.770	80.580

2020-mut missingersuut

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
545010000-0601020000-010500-	Ilaqtariittut inuuneq pitsaanerusoq	0	105.770	105.770

**Kommunalbestyrelsip februarip 27-ani 2020-imi ileqquusumik ataatsimiinnerata 01/2020
imaqarniliornera**

113180500-21018-500223				
	Katillugit	0	105.770	105.770

Allaffeqarfiup naliliinera

Allaffeqarfiup innersuussutigaa, aningaasaliissutit ukiup tullianut naatsorsuseriffiusumut nuutsinneqassasut, suliniutit atuilluartuusut ingerlanneqarnissaanut peqataasussaammata, aammalu suliniut pilersaaruserneqareersoq aallartisarneqareersumullu naammassinninnissamik periarfissiissammat.

Innersuussut

Aningaasaqarnermut ataatsimiititaliamit akuereqqullugu allaffeqarfiup innersuussutigaa,

-Suliniummumut 'Kikkut tamarmik tunniussaqaarsinnaapput' ukioq mannamut 2019-imut aningaasaliissutit sinneri 2020-mut nuutsinneqassasut

Aningaasaqarnermut ataatsimiititaliap suliamik suliarinninnera

Ataatsimiititaliap decembarip 17-ani 2019 innersuussut akuersissutigivaa.

Borgmesterip aalajangiinera

Kommunalbestyrelsi sinnerlugu 19. december 2019 borgmesteri aalajangiivoq,

-Suliniummumut 'Kikkut tamarmik tunniussaqaarsinnaapput' ukioq mannamut 2019-imut aningaasaliissutit sinneri 2020-mut nuutsinneqassasut

Kommunalbestyrelsi tullissaanik ataatsimiileruni, aalajangiineq pillugu paasissutissinneqassaaq.

Innersuussut

Kommunalbestyrelsimut paasissutissiissutitut saqqummiunneqapoq.

Aalajangiineq

Paasissutissiissut tusaatissatut tiguneqarpoq.

Ilanngussat

Soqanngilaq

**Imm. 22 Borgmesterip aalajangiinera - Suliniutip 'Inuunerinneq – Inuuneq tamaat'
ataani aningaasaliissutaasunik 2019-imit 2020-mut nuutsineq**

Journal nr. 06.02.04

Tunuliaqutaq

Septembarimi kommunalbestyrelsi (kommunalbestyrelsip 2019-imi septembarip 30-ani ataatsimiinnera 05/2019-imi imm. 13-itut) suliniummut 'Inuunerinneq – inuuneq tamaat' aningaasaliissutinik tunniussaqqarpoq. Pissutsit assigiinngitsut pissutaallutik 2019-ip naanerani aningaasaliissutit tamakkerlugit atorneqarnissaat angumerineqarsinnaanngimmat, 2019-imit 2020-mut aningaasaliissutit atunngitsuukkat nuutsinneqarnissaat pillugu qinnuteqqartoqqarpoq.

Maleruagassatigut tunngavigisaaq

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Suliniut 'Inuunerinneq – inuuneq tamaat' septembarimi 2.297.000 koruuninik immikkut aningaasaliissutinik tigusaqqarpoq. Pissutsit arlallit pissutaallutik aningaasaliissutit ukioq manna atorneqarnissaat periarfissaqarsimanngilaq. Pissutaasinnaasuni taaneqarsinnaapput:

- Aningaasat qanoq pitsaanerpaamik atorneqarnissaannik paasisaqarnissamut piareersarnissaq misissuinissarlu pisariaqarsimavoq.
- Aningaasaliissutit ilaat pikkorissaanernut atorneqassapput, tamatumani pikkorissaanissami aqutsisussat ukioq manna pikkorissaanissamut periarfissaqarsimanatik.
- Aningaasat allat tarnit pissusiinik ilisimasallit angalasartunut atorneqarnissaat naatsorsuutigineqqarpoq, tassungali qaammatinik arlalissuarnik utaqqisoqqartarpoq.
- Suleqatigiissitami 1-imi ataqatigiissaarisuusoq aningaasat amerlanersaannik tigusaqqarnikuusoq, piffissaligaanngitsumik sulinnigiffeqqarpoq.

Atuilluartuunissakkut kingunerisinnaasai

Aningaasat suliniutinut atuilluartunut tunniussaapput, ukiup naatsorsuuseriffiusup tullianut aningaasaliissutit nuutsinneqarneratigut suliniutit ingerlanneqarnissaanut periarfissiisoqqarpat, kommunimi atuilluartumik ineriartortitsinermut siuarsaataassallutik.

Aningaasaqarnikkut allaffissornikkullu kingunerisinaasai

2019-imi missingersuut

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
49-03-00-00-01	Inooqataanikkut atugarissaarneq	950.000	-950.000	0
49-03-00-00-02	Angajoqqat akisussaeneri	157.000	-157.000	0
49-03-00-00-03	Immikkut pisariaqartitsisut	380.000	-270.300	109.700
49-03-00-00-04	Siusissukkat iliuseqqarneq	140.000	-64.455	75.545
49-03-00-00-05	Ilaqutariit paarsisartut	170.000	-158.500	11.500

**Kommunalbestyrelsip februarip 27-ani 2020-imi ileqquusumik ataatsimiinnerata 01/2020
imaqarniliornera**

49-03-00-00-06	Eqeersimartumik sunngiffik	450.000	-400.000	50.000
49-03-00-00-07	Peqqinnartumik sammisassa qarfiusumillu ukioqqortusiartorneq	50.000	-50.000	0
	Katillugit	2.297.000	-2.050.255	246.745

2020-mut missingersuut

Atuiffiup normua	Atuiffiup taaguutaa	Aningaas.	Ilassutit	Nutaamik aningaasaliineq
545010000-0601020000-010500-122082100-21210-500207	Inooqataanikkut atugarissaarneq	0	950.000	950.000
545010000-0601020000-010500-122082100-21211-500208	Angajoqqaat akisussaaneri	0	157.000	157.000
545010000-0601020000-010500-122082100-21212-500209	Immikkut pisariaqartitsisut	0	270.300	270.300
545010000-0601020000-010500-122082100-21213-500210	Siusissukkut iliuuseqarneq	0	158.500	158.500
545010000-0601020000-010500-122082100-21214-500211	Ilaqtariit paarsisartut	0	400.000	400.00
545010000-0601020000-010500-122082100-21215-500212	Eqeersimartumik sunngiffik	0	400.000	400.000
545010000-0601020000-010500-122082100-21216-500213	Peqqinnartumik sammisassa qarfiusumillu ukioqqortusiartorneq	0	50.000	50.000
	Katillugit	0	2.050.255	2.050.255

Allaffeqarfiup naliliinera

Allaffeqarfiup innersuussutigaa, aningaasaliissutit ukiup tullianut nuutsinneqassasut, suliniutit atuilluartuusut ingerlanneqarnissaaanut peqataasussaammata, aammalu suliniutit ingerlanneqannginnerini piareersarnissamat pissutsinillu misissuinissamat periarfissaqalissamat.

Innersuussut

Allaffeqarfiup Aningaasaqarnermut ataatsimiititaliamit innersuussutigivaa akuereqqullugu,

-Suliniummumut 'Inuunerinneq – inuuneq tamaat' ukioq mannamut 2019-imut aningaasaliissutit sinneri 2020-mut nuutsinneqassasut

Aningaasaqarnermut ataatsimiititaliap suliamik suliarinninnera

Ataatsimiititaliap decembarip 17-ani 2019 innersuussut akuersissutigivaa.

Borgmesterip aalajangiinera

Kommunalbestyrelsi sinnerlugu 19. december 2019 borgmesteri aalajangiivoq,

-Suliniummumut 'Inuunerinneq – inuuneq tamaat' ukioq mannamut 2019-imut aningaasaliissutit sinnerit 2020-mut nuutsinneqassasut

Kommunalbestyrelsi tullissaanik ataatsimiileruni, aalajangiineq pillugu paasissutissinneqassaaq.

Innersuussut

Kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

Soqannilaq

Imm. 23 Sisimiuni Maniitsumilu Ilaqutariinnermut immikkoortortanut tunngatillugu Kalaallit Nunaanni Ombudsmandimit 2019-mi saaffiginnissutit pillugit paasissutissiineq

Journalnr. 40.00.01

Tunuliaqut

Sisimiuni Maniitsumilu Ilaqutariinnermut Immikkoortortanut tunngatillugu Kalaallit Nunaanni Ombudsmandimit saaffiginnissutit amerlassusaat pillugit ammasumik pilersitsisoqarnissaa, Qeqqata Kommunianni Ilaqutariinnermut immikkoortortap kissaatigivaa.

Qeqqata Kommunianni Ilaqutariinnermut immikkoortortap maannamiit ukiut tamaasa ukiup naalernerani, innuttaasut Kalaallit Nunaanni Ombudsmandimut saaffiginnittut amerlassusaat kiisalu suna pillugu saaffiginnittarnersut, Atugarissaarnermut ataatsimiititaliamut paasissutissiisalissaaq.

Maleruagassatigut tunngavissat

Oqaaseqaateqanngilaq.

Pissutsit atuuttut

2019-imi Kalaallit Nunaanni Ombudsmandimit saaffiginnissutit Sisimiuni Ilaqutariinnermut immikkoortortaq sisamanik aammalu Maniitsumi Ilaqutariinnermut immikkoortortaq 1-inik tigusaqarnikuupput.

Eqitsit 1. Kalaallit Nunaanni Ombudsmandimit saaffiginnissutit pillugit takussutissiaq

	Saaffiginnissutit amerlassusaat	
	Sisimiut	Maniitsoq
Innuttaasup meeqqami angerlatinneqarnissaannik qinnuteqaataanut Qeqqata Kommunia naammagittaalliuutigigaa	1	
Innuttaasup kommunip ilitersuisussaataitanera pillugu Qeqqata Kommunia naammagittaalliuutigigaa	1	
Innuttaasup Qeqqata Kommunia suliamik suleriaasia naammagittaalliuutigigaa	1	
Innuttaasup siusinaartumik soraarnerussutisiaqalernissamik qinnuteqaataanut Qeqqata Kommunianniit akissuteqaammik pisimanginninni pillugu naammagittaalliuutaa.	1	
Angerlarsimaffik Neriusaami najugaqartumit naammagittaalliuut		1
Katillugit	4	1

Aningaasaqarnikkut allaffisornikkullu kingunerisinnaasai

Oqaaseqarfigineqanngilaq.

Atuilluartuunissakkut kingunerisinnaasai

Kalaallit Nunaanni Ombudsmandimit saaffiginnissutit pillugit ammanerunissamik pilersitsisoqarnissaa iluaqutaasussaasutut Ilaqutariinnermut immikkoortortamit isigineqarpoq.

Allaffeqarfiup naliliinera

Innuttaasut ilaasa Kalaallit Nunaanni Ombudsmandimut saaffiginnittarnerat aallaavittut Ilaqutariinnermut Immikkoortortap naammagisimaarpaa, taamaalillutik aalajangiisimanerit imaluunniit imminerminnut sulianut tunngatillugu naammagittaalliorsinnaatitaanertik atortarmassuk.

Innersuussut

Sisimiuni Maniitsumilu Ilaqutariinnermut immikkoortortat Atugarissaanermut Ataatsimiititaliamut innersuussutigaa

- Kalaallit Nunaanni Ombudsmandimit saaffiginnissutit pillugit paasissutissiineq tusaatissatut tiguneqassasoq.
- Suliaq Kommunabestyrelsemut paasissutissiissutit ingerlateqqinneqassasoq

Atugarissaanermut Ataatsimiititaliap suliamik suliarinninera

Ataatsimiititaliap 22. januar 2020 ataatsimiinnermini tusaatissatut tiguaa suliarlu Kommunabestyrelsemut paasissutissiissutit ingerlateqqinneqassaaq.

Innersuussut

Suliaq Kommunabestyrelsimut paasissutissiissutigineqarpoq.

Aalajangiineq

Paasissutissiissut tusaatissatut tiguneqarpoq.

Ilanngussaq

1. Sisimiuni innuttaasumiit Ombudsmandimut saaffiginnissut
2. Sisimiuni innuttaasumiit Ombudsmandimut saaffiginnissut
- 2.b Qeqqata Kommuniaata Ombudsmandimut akissuteqaataa
3. Sisimuni innuttaasumiit Ombudsmandimut saaffiginnissut
- 3.b Qeqqata Kommuniaata Ombudsmandimut akissuteqaataa
4. Sisimuni innuttaasumiit Ombudsmandimut saaffiginnissut
- 4.b Qeqqata Kommuniaata Ombudsmandimut akissuteqaataa
5. Maniitsumi innuttaasumiit Ombudsmandimut saaffiginnissut
- 5.b. Qeqqata Kommuniaata Ombudsmandimut akissuteqaataa

Imm. 24 Nunap immikkoortuani nakorsaanerup angerlarsimaffeqanngitsut pillugit saaffiginnissutaa pillugu paasissutissiissut, Sisimiut

Journalnr.: 44.18

Tunuliaqutaq

Ilaqutariinnermut immikkoortorta q ulloq 13.11.2019 nunap immikkoortuani nakorsaanermit Helle Olsen-imiit mailimik tigusaqarpoq, Kommunalbestyrelsimi ilaqutariinnermut isumaginninnermullu ataatsimiititaliamukartumik.

Maili angerlarsimaffeqanngitsunut peqqinnissaqarfimmilu unammillernartunut naalaanneqartartunut tunngassuteqarpoq, angerlarsimaffeqanngitsunik saaffiginnittoqarsimatillugu imaluunniit uninngasoqartillugu pisartunik.

Maleruagassatigut tunngavigisaa

Eqqaasassaqaanngilaq

Pissutsit atuuttut

Nunap immikkoortuani nakorsaaneq Helle Olsen Qeqqata Kommunianut mailimik nassiussinikuvoq, tassani maluginiaqqullugu peqqinnissaqarfik angerlarsimaffeqanngitsunut unammillernartoqartoq, nakorsiararfimmi uninngasunilu.

Innuttaasut angerlarsimaffeqanngitsut uninngagaangamik nakorsartinnerallu naammassigaangat, peqqinnissaqarfiup angerlarfissaqaanngikkaangata angerlartikkuminaatsittarpai, ima paasillugu inissiamut angerlartinneqartanngitsut.

Nakorsaanerup Qeqqata Kommunianut maluginiaqquaa angerlarsimaffeqanngitsunut angerlarsimaffeqanngitsut unnuisarfissaannik, angerlarsimaffeqanngitsut angerlartinneqaleraangamik ornissinnaasaannik amigaateqartoqartoq. Innuttaasut angerlarsimaffeqanngitsut angerlartinneqarfissaqaanngikkaangamik, inissiamullu angerlartinneqarsinnaanngikkaangamik innuttaasut peqqissusaanut siuarsaataasinnaanngilaq.

Atuilluartuunissakkut kingunerisinnaasai

Angerlarsimaffeqanngitsuuneq imminermini innuttaasunut angerlarfissaqaanngitsunut inissisimaffik ajortorujorujussuvoq.

Taamaamat aatsaat atuilluartuunerussiaaq innuttaasoq angerlarsimaffeqanngitsut ataasiinnanguarluunniit imaluunniit arlallit sumiiffissaqarsinnaappata, taamaalillutillu ulluinnarni pisariaqartitaat naammassineqarlutik.

Aningaasaqarnikkut allaffissornikkullu kingunerisinaasai

Eqqaasassaqaanngilaq

Allaffeqarfiup naliliinera

Ilaqutariinnermut immikkoortortap nakorsaanermit saaffiginnissut pitsaasutut isigaa, paasilluarsinnaallugulu innuttaasunik angerlarsimaffeqanngitsunik uninngasoqaraangat unammillernarsinnaasoq.

Ilaqutariinnermut immikkoortortap innuttaasut angerlarsimaffeqanngitsut pillugit ajornartorsiutit ilisimalluinnarpai, Ilaqutariinnermullu immikkoortortap aamma illoqarfiup innuttaasui taakkua pineqartut unammillernartoqartippai.

**Kommunalbestyrelsis februarip 27-ani 2020-imi ileqquusumik ataatsimiinnerata 01/2020
imaqarniliornera**

Ilaqtariinnermut immikkoortortattaq nalunnigilluinnarpaa innuttaasut taakkua arlallit ineqarnermut akiligassatigut kinguaattooqqasut maani Sisimiuni Kalaallit Nunaanniluunniit allami inissiaatileqatigiiffik Ini-mut. Innuttaasut illoqarfimmi allami akiligassaqaqsimagunik inimik neqeroorfigineqaqsinnaanngillat nunatta iluani sumiikkaluarunilluunniit, INI nuna tamakkerlugu inissiaatileqatigiiffiummat.

Innuttaasut angerlarsimaffeqanngitsut arlallit isumaginnittoqarfimmiit inissiarmik qinnuteqartarput piumasqaatit naammassinngikkaluarlugit, angerlarsimaffeqanngitsuunerallu imminermini isumaginnittoqarfimmiit inissiamut utaqqisutut allattorsimaffimmut ilanngunnissaannut pisinnaatitsinngilaq.

Ilaqtariinnermut immikkoortortap paasissutissiissutigisinnaavaa, Isumaginninnermut Naalackersuisoq nuna tamakkerlugu malinnaatitassanik aallartisaaleruttoq, innuttaasunik isumaginninnikkut inissisimanerluttut pillugit suliaqartussamik, tassunga ilaallutik innuttaasut angerlarsimaffeqanngitsut.

Sulineq 2019-imi decembarip aallartinnerani aallartinneqassaaq 2020-milu apriliip tungaanut ingerlassalluni.

Malinnaatitanut taakkununnga Ilaqtariinnermut immikkoortortaqarfimmiit ataatsimik peqataasoqassaaq.

Ilaqtariinnermut immikkoortortap oqaatigisinnaavaa, novembarip 25-at 2019 aallarnerfigalugu Qeqqata Kommuniani tamarmi ataani allassimasut innuttaasut angerlarsimaffeqanngitsut pillugit paasissutissat immikkoortunut ima agguataaqqasut:

- Anisitat inaannut innersuunneqarnikut
- Umiartortut najukkamik allassimasuuteqanngitsut
- Najugaqarfii ilisimaneqanngitsut
- Aalajangersimasumik najugaqanngitsut
- Angalaannartut

	Maniitsoq	Sisimiut	I alt
Qaammatit marluk iluani. (Akiitsoqarnerup kinguneranik inisseeqqiffinniitsut)	15	8	23
Umiartortut	11	9	20
Najugaqarfii ilisimaneqanngitsut. (Illoqarfimmiinnersut Imaluunniit aallarsimanersut ilisimaneqanngitsut)	59	57	116
Aalajangersimasumik najugaqarfeqanngitsut (Illoqarfimmiit Aallarsimasut suli najugarilikkaminnut nalunaarsimannngitsut)	2	12	14
Angalaannartut (Sumiinneri ilisimaneqarput)	0	3	3
Katillugit			176

Allaffeqarfiup innersuussutaa

Ilaqtariinnermut immikkoortortap Atugarissaarnermut ataatsimiititaliamut innersuussutigaa,

- nakorsaannermit angerlarsimaffeqanngitsut pillugit paasissutissiissut tusaatissatut tiguneqassasoq
- angerlarsimaffeqanngitsut nakorsartereeraangamik angerlarfissaqaratik angerlartinneqartarnerat pillugu ajornartorsiut eqqartorneqassasoq

Atugarissaarnermut ataatsimiititalipa suliamik suliarinninnera

Ataatsimiititaliap 11. december 2019 ataatsimiinnermini ima aajangiivoq: Massakkut angerlarsimaffeqanngitsut unnuiffigisinnaasaannik periarfissinneqassapput aningaasaliissutip atuiffik 49-imiit imaluunniit nuussinikkut. Suliaq Kommunalbestyrelse-mut ingerlateqqinneqassaaq.

Allaffeqarfimmiit nakorsaaneq akineqassaaq.

Innersuussut

Atugarissaarnermut ataatsimiititaliap Kommunalbestyrelsimut innersuussutigivaa akuereqqullugu,

-paasissutissiissut tusaatissatut tiguneqassasoq

Aalajangiineq

Paasissutissiissut tusaatissatut tiguneqarpoq.

Ilanngussat

1. Nakorsaaneq Helle Olsen-imiit maileq angerlarsimaffeqanngitsut pillugit 13.11.2019
2. Namminersorlutik Oqartussaniit qaaqqussut inersimasut isumaginninnikkut inissisimanerluttut pillugit malinnaatitamut peqataasoqarnissaanut 18.11.2019

**Imm. 25 Iluarsartuussinermut, pitsanngorsaannermut alliliinermulluunniit inatsit nutaaq
2020-mi januaarip aallaqqaataaneersoq pillugu paasissutissiissut**

Journalnr. 37.00

Tunuliaqutaq

Inissianik aningaasalersuisarnek pilugu Inatisartut inatsisaannik allanguineq pillugu Inatsisartut inatsisaat nr. 36, 28. nov. 2019-imeersoq 2020-mi januaarip aallaqqaaniit atuuttussanngorlugu Naalakkersuisut akuersissutigivaat.

Inissianik iluarsartuussinermut, pitsanngorsaannermut alliliinermulluunniit kommunalbestyrelsi 2020-mi januaarip aallaqqaataaniit tapiisnaanngorpoq, tamatumani Namminersorlutik Oqartussanit taarsigassarsisoqarsimasuussalluni, imaluunniit maanna taarsigassarsiatuulli piginnittuunermi Namminersorlutik Oqartussanit taarsigassarsisoqarsimappat.

Taarsigassarsitinneqarnissamik akuersisarnek pillugu suliasani aalajangiisarnermut Borgmesteri kommunalbestyrelsimit pisinnaatitaanikuvoq. Iluarsartuussinernut tapiissuteqartarneq pillugu suliani Borgmesterimut Kommunalbestyrelsip pisinnaatitsinikuuneranik assingusumik ersarissaasoqarnissaa kissaatigineqarpoq.

Maleruagassatigut tunngavigisaq

Inatsisartut inatsisaat nr. 39 af 23. november 2017-imeersoq.

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Inatsisartut inatsisaata nr. 39, 23. nov. 2017-imeersumut ilassutitut inatsisartut inatsisaannik nutaamik EM-2019-imi Naalakkersuisut akuersissuteqarnikuupput, tamatumalu kingorna Inissianik sanaartornermut, iluarsartuussinermut, alliliinermut pitsanngorsaannernullu kommunalbestyrelsi taarsigassarsititsisinnaalluni tapiissuseqarsinnaallunilu. Inatsimmut tassunga kapitali 4a nutaatut ilanngussaavoq, iluarsartuussinermut, pitsanngorsaannermut alliliinermulluunniit tunngassuteqarluni.

Siusinnerusukkut isertitaasimasut apeqqutaatinnagit, inoqutigiinnut ukiumut akileraarutitigut ukiumi kingullerni marlunni 300.000 koruunit ataallugit isertitaqarsimasunut imaluunniit inunnt inoqutigiinni 300.000 koruunit ataallugit isertitaqartussatut naatsorsuutaasuni, inunnik illunik pigineqartunk iluarsartuussinissamut, pitsanngorsaannissaut alliliinissamullu annerpaamik 150.000 koruuninik kommunalbestyrelsi tapiissuteqarsinnaavoq.

Kommunalbestyrelsi taamaallaat taarsigassarsititsisinnaavoq, illumi Namminersorlutik Oqartussanit taarsigassarsitinneqarnikumut imaluunniit maannakkut taarsigassarsisussatut maannakkut piginnittut Namminersorlutik Oqartussanit tarsigassarsinikuupata.

Kommunalbestyrelsi taarsigassarsititsisinnaanngilaq, qinnuteqarnerup nalaa sioqqullugu qaammatini 60-imi kingullit ingerlaneranni inigisamik iluarsartuussinermut, pitsanngorsaannermut alliliinermulluunniit pisortanit taarsigassarsisoqarsimappat.

Kommunalbestyrelsi inissianut taarsigassarsititsisinnaangilaq, sumiiffinni inissisimasuni, illumik sillimmateqarluni nalinginnaasumik aningaaserivik imaluunniit realkreditlån aqutugalugit taarsigassarsiffiusinnaasuni.

Sulinermi tamanna isumaqarpoq, inatsit taanna malillugu tapiissutit taamaallaat kommunip nunaqarfiini arfiniliusuni inissineqarsinnaasut, Maniitsumi Sisimiunilu aningaaserivikkut imaluunniit realkredit aqutugalugu nalinginnaasumik taarsigassarsisoqarsinnaammat.

Qinnuteqaatinik nalilersuinermi kommunalbestyrelsi makku eqqarsaatigisassavai:

- 1) nutarsaanissatut kissaataasup annertussusaa,
- 2) qinnuteqartup pigisaanut tunngatillugu alliliinissamut pitsanngorsaanissamullu attuumassutsillit aammalu suliassamik nammineq suliarinnissinnaanermut piginnaasassatut naatsorsuutigisat, kiisalu
- 3) inissiap pisoqaassusaa tunineqassagunilu nalinga.

Ingerlatsineq, aningaasanik tunniussineq aammalu suliassanik tapiiffigineqarnissamut pisinnaatitaaffiit ilanngullugit, inissiamik iluarsartuussinissamut, pitsanngorsaanissamut alliliinissamulluunniit tapiissuteqartarneq pillugu malittarisassanik Naalakkersuisut aalajangersaasinnaapput.

Atuilluartuunissakkut kingunerisinnaasai

Maannamut sanilliullugu iluanaaruteqarnarnerusumik illulliornissamut taarsigassarsititsisarnissaq tapiissuteqartarnissarlu atuilluartuunngilaq.

Aningaasaqarnikkut allaffissornikkullu kingunerisinaasai

Taarsigassarsititsinissamut atugassarititaasut pitsanngorsarneqarnerisut, qanoq annertutigisumik piumaneqarnerulernerisa suut kingunerisinnaaneraat suli ilisimaneqanngilaq.

2020-mut ataatsimoortumik tapiissutinik isumaqatigiissutikkut kommunit 10 mio. koruuninik annaasassanut taarsigassarsitinneqarput, taakkununnga Qeqqata Kommunian 1,756 mio. koruuninik pissarsiaqarluni.

Taamaalilluni taarsigassarsititsisarnermut aningaasaatinut kiisalu allaffissornikkut sullissinermut annertunerusumik immikkoortitisoqarnissaa Kommunalbestyrelsimit naatsorsuutigineqassaaq. Tapiissutinik tunniussisarnermut naatsorsuinermit periutsinik ajornakusoortut takujuminaatsullu suliassaq oqinnerulersinngilaat.

Inissianik aningaasalersuineq pillugu inatsimmik nutaamik kingunerusoq tassaassaaq, taarsigassarsititsinissamut siunertamut tassunga immikkut atuiffimmik pilersitsisoqarnissaa.

Allaffeqarfiup naliliinera

Allaffeqarfiup nalilerpaa, illumi pigisamik iluarsartuussinissamut, pitsanngorsaanissamut alliliinissamulluunniit pisortatigut tapiissutinik aningaasaliinernik tunniussisinnaanermut periarfissap nutaap matuma, nunaqarfinni tapiissutinik orniginartunik taakkununnga soqutiginninneq annertusissasoq.

Taamaattorli nalilerneqarpoq, tapiiffigineqarsinnaanermut piumasaqaatit qinnuteqarsinnaasunik annikillisaasinnaasut aammalu qinnuteqaratarsinnaasunut nalinginnaasumik killiliissasut. Ingammik taarsigassarsinissamut aalajangiinissamut tunngavissattut isertitat akileraarutaasut annertussusaat aammalu siusinnerusukkut tapiissutaasimasut kiisalu inissiami Namminersorlutik Oqartussanit taarsigassarsiffioreernera, imaluunniit maannakkut piginnittuusut taarsigassarsisoralugit Namminersorlutik Oqartussanit taarsigassarsisoqareersimanera atorneqarnera.

Innersuussut

Allaffeqarfiup Aningaasaqarnermut ataatsimiititaliamut Kommunalbestyrelsimullu innersuussutigivaa,

-2020-mut ataatsimoortumik tapiissutit qaffanneqarnerannit kommunip pissarsiassaa aallaavigalugu 2020-mut ukiunullu missiliuuteqarfiusunut 2021-mit 2023-mut 1,756 mio. koruuninik inissianut tapiissutit ilassutit aningaasaliisoqassasoq. Aningaasaliissutit atuiffimmut nutaatut pilersinneqartumut ikineqassapput.

-Aammattaq innersuussutigineqarpoq, inissianut taarsigassarsititsinermut akuersissuteqartarnej pillugu sulianik agguataarineq assigalugu, Inatsisartut inatsisaat nr. 36, 28.nov. 2019-imeersoq malillugu inissianut tapiiffigineqarnissaq pillugu qinnuteqaatini aalajangiisarnissaanik Borgmesteri pisinnaatinneqassasoq

Aningaasaqarnermut ataatsimiititaliap suliamik suliarinninnera

Ataatsimiititaliap 18. februar 2020 ataatsimiinnermini innersuussut tusaatissatut tiguvaa. Innuttaasunut paasissutissiissutigineqarumaarpoq.

Innersuussut

Kommunalbestyrelsimut paasissutissiissutit saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

1. Illulioriternernut aningaasalersuineq pillugu Inatsisartut inatsisaat nr. 39, 23. november 2017-imeersoq. (KAL / DK)
2. Inissianik aningaasalersuineq pillugu Inatsisartut inatsisaat nr. 39, 23. november 2017-imeersup allanngortineqarnera pillugu Inatsisartut inatsisaat nr. 36, 28. november 2019-imeersoq (KAL / DK)

Imm. 26 Angerlarsimaffeqanngitsunut angerlarsimaffiugallartoq ornittagarlu

Siorna upernaakkut siunnersuuteqarpunga angerlarsimaffeqanngitsut angerlarsimaffigallagassaannik pilersitsinissamik, tamannalu Kommunal Bestyrelse-mit suliarineqarnermini innersuunneqarpoq missingiusiornermi ilanngunneqassasoq, ajoraluartumilli pingaarnersiuinermi ilaatinneqanngilaq. Suliaq Kommunal Bestyrelse-mi ilaasortarnit arlalinnit aamma allatut isikkulimmik siunnersuutigineqarlunilu eqqartoneqartaraluartoq kinguneqarneq ajorpoq.

Aammaarlunga siunnersuutigaara immikkut aningaasaliinikkut angerlarsimaffeqanngitsut inigigallagassaannik pilersitsisoqassasoq, kiisalu ulluunerani ornittakkamik kialaarfirmik pilersitsisoqassasoq, Qeqqata kommuniani illoqarfinni marluusuni.

Ullut kingullit assorsuaq sila atoruminaappoq, erumasunit nunaqqatsitinnit saaffigineqarpunga, kælderini nilleqimmat siumuissasoralutik erumaateqartunik. Taamaamat iliuuseqarnissaq massakkut inissaminiippoq, uaguuvormi Qeqqata Kommuniani innuttaasut qanorluunniit inissimasut sullikkumallugit qinikkat.

Taama killiffeqarneq imaannaassinnaangilaq, siumullu saanniassagaanni imminnullu napatinniarluni ingerlariaqqissagaanni pisariaqartinneqartoq siullerpaaq tassaavoq ini/angerlarsimaffik toqqissisimaffik, taamannalu inuup kialuunniit pisinnaatitaaffiga. Kikkulluunniit tassunga killissinnaapput, atukkat aqqusaakkat assigiinngitsut peqqutaallutik.

Peqqissutsimut isumaginninnermut inatsisinullu atuutsitsinnermut Naalakkersuisoq Nuna tamakkerlugu suliniuteqarluni aallartikkaluartoq, utaqqisinnaangilagut - soorluttaaq angerlarsimaffeqanngitsut iserfissaminnut utaqqisinnaanngitsut - silami isseqisumi imaannaanngisumilu utaqqisiinnassagutsigit inissaminiinngilaq. Iliuuseqartariaqarpugut.

Siunnersuuteqartoq
Evelyn M. Frederiksen
Siumut

Innersuusut

Innersuussutigineqarpoq kommunalbestyrelsimiit oqaluuserineqassasoq.

Aalajangiineq

Pilersitsinissamik siunertalimmik sulisoqarnissaa Evelyn Frederiksen-ip piumasaqaatigivaa, aammalu kajumissutsiminnik ikiuukkusuttut suleqatigalugit.

Angerlarsimaffeqaqilernissamik siunertalimmik suliniuteqartoqassasoq Henrik Fleischer-ip pingaartippaa.

Suliaq Atugarissaarnermut ataatsimiititaliamut ingerlateqqinneqarpoq.

Ilanngussaq

Soqanngilaq

Punkt 27 Siulittaasut nalunaarutaat

Aalajangiineq

Siulittaasut nalunaarutaat oqaaseqaatit ilanngullugit tusaatissatut tiguneqarput.

Ilanngussat

Siulittaasut nalunaarutaat

Imm. 28 Tamalaat

Evelyn Frederiksen-ip apeqputaa Qupanummi sulisut pikkorissarnerinut tunngasoq atugarissaarnermut pisortamiit akineqarpoq. Utoqqarnik aputaajaassisarnermut apeqputaa teknikkeqarnermut pisortamiit akineqarpoq. Qeqqata Kommuniani boligstøtte-mut apeqputaa borgmesterimik akineqarput. Qeqqata Kommuniani nappaassuarmut corona virus piareersimaneq qanoq inneranut apeqputaa pisortaanermit akineqarpoq.

Juliane Enoksen-ip apeqputaa amerlasuunik toqusoqassagaluarpas iliveqarfik inissaqarnersoq apeqputaanut Frederik Olsen-imiit akineqarpoq. Nunanut allanut mittaarfik nappaassuarmut qanoq upalungaasimanageranut piareersimatiginersaq pisortaanermit akineqarpoq.